

圖書集成醫部全錄

第十九冊  
面門 耳門  
目門 一至二

Z 225  
1 (1)

欽定古今圖書集成醫部全錄

博物彙編藝術典第一百五十卷目錄

醫部彙考一百三十

面門一

黃帝素問

元正紀大論

上古天真論 刺熱篇 至真要大論

六節臟象論 風論

脈要精微論 脈解篇

五臟生成篇 骨空論

王版論要篇 氣交變大論

診要經終六

靈樞經

本輸篇 二十五人篇

邪氣臟腑病形篇

終始篇

經脈篇

經別篇

厥論

雜病篇海論

陰陽

扁鵲難經

面色

面瘦面腫

張機金匱要略

面色

面瘦面腫

傷寒論

愧怖之色

華佗中藏經

五色脈論

臟腑虛實寒熱見於面色

察面色形證決死法

王叔和脈訣

五臟察色歌

雜病生死歌

察色觀病生死歌

五臟死色歌

寶漢卿瘡瘍全書

面發毒

非腮毒

發頤毒

穿腮

頰癰

面風毒

頰疽

鴉陷瘡

劉完素六書

胃疽面黃

張從政儒門事親

面黃腫

博物彙編藝術典第一百五十一卷目錄

醫部彙考一百三十一

面門二

方一

升麻黃連湯

升麻黃連湯

升麻黃連湯

升麻黃連湯

升麻黃連湯

升麻黃連湯

升麻黃連湯

升麻黃連湯

升麻黃連湯

益氣湯

益氣湯

益氣湯

益氣湯

益氣湯

益氣湯

益氣湯

益氣湯

益氣湯

益氣湯

木防己湯

木防己湯

木防己湯

木防己湯

木防己湯

木防己湯

木防己湯

木防己湯

木防己湯

木防己湯

散黃芪散

散黃芪散

散黃芪散

散黃芪散

散黃芪散

散黃芪散

散黃芪散

散黃芪散

散黃芪散

散黃芪散

毒丹

毒丹

毒丹

毒丹

毒丹

毒丹

毒丹

毒丹

毒丹

毒丹

溫胃飲 胃關煎 廓清飲 眞君妙貼散 冰蠅散 黃托裏消毒散 翠雲散 柴胡人參敗毒散  
消風散 如意金黃散 玉肌散 妙貼散 冰蠅散 黃托裏消毒散 翠雲散 柴胡人參敗毒散  
芳甘桔湯 玉容丸 洗瘡散 玉肌散 眞君妙貼散 冰蠅散 黃托裏消毒散 翠雲散 柴胡人參敗毒散  
却毒消毒散 玉容丸 洗瘡散 玉肌散 眞君妙貼散 冰蠅散 黃托裏消毒散 翠雲散 柴胡人參敗毒散  
散敷毒方 百合散 二金散 芙蓉散 神效方 加味消毒散 塗面方 白附丹 祛風白芷散 升  
麻牛

博物彙編藝術典第一百五十二卷目錄  
醫部彙考一百三十二

面門三

方二 鉛紅散 天麻散 升麻牛蒡子散 消連敗毒散 防風通聖散 天中散 漏蘆湯  
連消破飲 瀉陰火升陽湯 三黃補血湯 消連敗毒散 防風通聖散 天中散 漏蘆湯  
散 破飲 瀉陰火升陽湯 三黃補血湯 消連敗毒散 防風通聖散 天中散 漏蘆湯  
元參升麻湯 羌活當歸湯 補血黃連散 驅風散 破毒散 活命飲 清熱消疳散  
散 元參升麻湯 羌活當歸湯 補血黃連散 驅風散 破毒散 活命飲 清熱消疳散  
角湯 荆芥散 蓖麻子膏 茵陳散 菊花散 追風散 不換金散 驅風散 破毒散 活命飲 清熱消疳散  
清肝流氣散 托裏流氣散 硫黃散 千金內托散 衛方 黃金散 驅風散 破毒散 活命飲 清熱消疳散  
珍珠冰片散 白礬散 硫黃散 千金內托散 衛方 黃金散 驅風散 破毒散 活命飲 清熱消疳散  
博物彙編藝術典第一百五十三卷目錄  
醫部彙考一百三十三

面門四

單方

鍼灸

導引

醫案

博物彙編藝術典第一百五十四卷目錄  
醫部彙考一百三十四

耳門一

黃帝素問

生氣通天論 金匱真言論 陰陽應象大論 五臟生成篇 鍼解篇 診要經終論 玉機真  
臟論 通評虛實論 熱論 厥論 脈解篇 刺禁論 鍼解篇 診要經終論 玉機真  
五

常政大論 六元正紀大論 至真要大論

靈樞經 邪氣臟腑病形篇 經脈篇 經筋篇 脈度篇 熱病篇 口問篇 師傳篇 決氣篇  
海論 五閱五使篇 本臟篇 衛氣篇 陰陽二十五人篇

扁鵲難經 耳能聞聲之故

華佗中藏經 腎氣通耳 耳聾 耳部凶證

皇甫謐甲乙經 腎氣通耳 耳焦枯

楊士瀛直指方 耳聾 耳風毒 耳門癰 耳根癰 發耳 石疽

竇漢卿瘡瘍全書 耳論治

嚴用和濟生方 耳論治

劉完素六書 耳聾 耳鳴

李杲十書 耳聾 耳鳴 耳聾耳之體屬腎用屬肺

朱震亨心法 耳聾 耳鳴 耳腫痛

羅天益衛生寶鑑 耳聾 卒聾 聾耳 耳中生瘡

危亦林得效方 耳鳴

方賢奇效良方 論耳鳴耳聾

李杲十書 面赤 面腫 面熱 面色

朱震亨心法 面寒 面熱 面鼻得冷則黑 面部凶證

羅天益衛生寶鑑 面熱

戴思恭證治要訣 面厥 面熱 面黃陽證 面上雜病 搭腮腫

李樾醫學入門 面寒 面黃陽證 面上雜病 搭腮腫

龔信古今醫鑑 面病專屬胃

薛己醫案 時毒 面熱面寒 面腫面浮 面色 炸腮

樓英醫學綱目 面戴陽證

王肯堂證治準繩 面部所屬 頰瘍 頰瘍 疔腮 發頤 面游風 牙又發 承漿癰

陳實功外科正宗 肺風粉刺酒皸鼻 雀斑 白屑風 發頤 黑子 疔腮 女人面生鰲黑斑

張介賓景岳全書 辨色總論 面色 面腫有虛實辨 面虛浮

陳士鐸石室秘錄 粉刺 面上凍瘡 面瘡

虞搏醫學正傳 耳病 診法

戴思恭證治要訣 耳病

樓英醫學綱目 耳目受陽氣以聰明 耳病屬腎肝 運氣耳聾有耳 運氣耳鳴皆屬風火 運

李梴醫學入門 耳聾有新舊之異 耳聾有三耳聾有痰火風濕氣 閉虛勞精脫氣脫之不同 耳

龔信古今醫鑑 耳病論 治法

龔廷賢萬病回春 耳聾脈證

博物彙編藝術典第一百五十五卷目錄

醫部彙考一百三十五

耳門二

張三錫醫學準繩六要 耳鳴 聾總論 陰虛耳聾 肝火耳聾 痰火耳聾 氣虛耳

徐春甫古今醫統 耳聾有六候 耳聾耳鳴屬熱者多 氣虛耳聾當見於大病之後 耳聾當以

王綸明醫雜著 耳鳴 耳瘡

趙獻可醫貫 論耳諸病 耳瘡 膿耳

王肯堂證治準繩 論耳 耳發 耳內瘡 耳後疽 耳根毒

吳崑醫方考 耳病方論

陳實功外科正宗 耳病 百歲入耳 黑疔

喻昌醫門法律 耳鳴



醫案

博物彙編藝術典第一百五十八卷目錄

醫部彙考一百三十八

目門一

黃帝素問

全匱真言論 生氣通天論 評熱病論 風論 氣交變大論 五常政大論 六元

靈樞經

邪氣臟腑病形篇 五使篇 經脈篇 脈度篇 靈狂篇 熱病篇 師傳篇 決氣篇 五癰津

扁鵲難經

別篇 五問 五使篇 論疾診尺篇 衛氣行篇 大惑論 海論

張機金匱要略

脫目 目腫 目眩 目赤 目泣 目暈黃 目不識人 直視不能瞬 目如

華佗中藏經

察目色以辨死候

王叔和脈訣

目病脈 察目色以辨病之生死

孫思邈千金方

病因并治法

楊士瀛直指方

眼屬五臟 目為肝之外候 風熱 眼胞合 目生翳 偷鍼 服眼藥法

嚴用和濟生方

目病論治

竇漢卿瘡瘍全書

上下眼丹 漏睛瘡

劉完素六書

眼論 目泣 目黃 風眼寒證 目盲 目翳 論目昏赤腫昏膜皆屬於熱 論

成無已明理論

目直視

張從政儒門事親

風衝泣下 目疾出血最急

博物彙編藝術典第一百五十九卷目錄

醫部彙考一百二十九

目門二

李杲十書

瞳子散大 青白翳 倒睫拳毛 諸脈者皆屬於目論 目赤 陰盛陽虛以致目病

朱震亨心法

能近視不能遠視 能遠視不能近視 治目睛昏痛

危亦林得效方

氣輪 風輪 肉輪 內障 血輪 水輪 天廓 地廓 火廓 水廓 風廓 雷廓  
浮腎 沉腎 偃月 青風 粘睛 雀目 高心 黑胎 水腫 散腎 橫開  
睛烏 勞肉 攀睛 兩臉 肝虛 入水 輪風 雀目 胎患 五風 雷頭 驚振  
醫浮 滿順 逆生 醫兩 驗雞 冠規 肉入 驗生 風粟 胞膠 疑如 外障 四雷 雷頭 積熱  
撞打 起喝 偏生 倒睫 拳毛 冠規 肉入 驗生 風粟 胞膠 疑如 外障 四雷 雷頭 積熱  
瘡疾 衝風 淚出 暴風 小兒 胎中 生如 針刺 小兒 青極 任倫 針人 眼病 禁忌 黃膜 上衝  
赤膜 下垂 小昔 赤脈 風客 熱散 陽衰 宜溫 點洗 宜慎 虛小 兒冷 淚睛 疼外 因風 熱濕 痰內 傷

戴思恭證治要訣

眼證類治 眼眶骨痛

樓英醫學綱目

目總論 赤爛 通治 眼病 損目 楞緊 瞳散 內障 外障 目赤 目昏 醫膜 倒睫 拳

李梴醫學入門

與脾 表裏 五輪 八廓 白屬 肺珠 屬肝 內障 外障 目赤 目昏 醫膜 倒睫 拳  
昏昧 羞明 內障 眼黑 花瞳 人散 陽衰 宜溫 點洗 宜慎 虛小 兒冷 淚睛 疼外 因風 熱濕 痰內 傷  
氣血 風熱 兼虛 眼病 惟火 散杏 衰宜 溫視 陰虛 遠視 陽虛 小兒 冷淚 睛疼 外因 風熱 濕痰 內傷



欽定古今圖書集成醫部全錄

醫部彙考一百三十

面門一

黃帝素問

上古天真論

女子五七陽明脉衰面始焦

註 陽明之脉榮於面故其衰也面焦夫氣為陽血脉為陰故女子先衰於脉而男子先衰於氣也

六七三陽脉衰於上面皆焦

註 三陽之脉盡上於頭三陽脉衰故面皆焦

丈夫六八陽氣衰竭於上面焦

註 平脉篇曰寸口脉遲而緩則陽氣長其色鮮其顏光陽氣衰故顏色焦

六節臟象論

心者生之本神之變也其華在面

註 十二經脉三百六十五絡其氣血皆上於面心主血脉故其華在面也

脉要精微論

夫精明五色者氣之華也赤欲如白裹朱不欲如赭白欲如鵝羽不欲如鹽青欲如蒼璧之澤不欲如藍黃欲如羅裏雄黃不欲如黄土黑欲如重漆色不欲如地蒼五色精微象見矣其壽不久也

註 此言色生於氣氣生於臟欲其氣華於色而不欲臟象之見於外也赤如白裹朱白如鵝羽青如蒼璧黃如羅裏雄黃黑如重漆乃五臟之氣章華於色也赤如赭白如鹽青如藍黃如土黑如地蒼此五臟之精象見於外也夫臟者藏也如五臟之真色見而不藏則其壽不久矣明者五臟之神明言五色之發乎五臟之精氣神也

夫精明者所以視萬物別白黑審短長以長為短以白為黑如是則精衰矣

註 五臟主藏精者也精有所藏而後能視萬物審短長如精微象見於外則精氣內衰視物昏瞶而壽不久矣此反結上文之義而言視精明者由藏精之所資也

肝脉搏堅而長色不青當病墜若搏因血在脅下令人喘逆其奕而散色澤者當病溢飲溢飲者渴暴多飲而易入肌皮腸胃之外也

註 肝主血而主色脉盛而色不見者血蓄於下也當病墜傷或為手搏所傷因血凝脅下故令人喘逆蓋肝脉貫膈上注肺血積於下則經氣上逆而為喘也其不及而色澤者當病溢飲

胃脉搏堅而長其色赤當病折髀其奕而散者當病食痹

註 足陽明之脉從氣衝下髀抵伏兔下足跗髀傷故脉盛而色赤也飲食於胃由中焦之腐化胃氣不足故當病食痹

脾脉搏堅而長其色黃當病少氣其奕而散色不澤者當病足胻腫若水狀也

註 五臟元真之氣脾所主也濕熱太過則色黃脉盛而少氣矣其不及當病足胻腫脾氣虛故足腫也若水狀而非水病故其色不澤

腎脉搏堅而長其色黃而赤者當病折腰其奕而散者當病少血至今不復也

註 腰者腎之腑腰傷故腎脉盛也傷於骨者其色赤黃則外應於肌肉間也其不及當病少血蓋腎為牝臟受五臟之精而藏之腎之精液復上入心而為血精虛至今不復化赤而為血也

五臟生成篇

凡相五色之奇脉面黃目青面黃目赤面黃目白面黃目黑者皆不死也

註 奇脉奇經衝任之脉色也衝任為經血之海五臟之血皆歸於肝故外榮於目面主氣色目主血色目之五色而俱見面黃者五臟之陰而俱得胃脘之陽也

面青目赤面赤目白面青目黑面黑目白面赤目青皆死也

註 經云人無胃氣者死面無黃色無胃土之陽矣面之青黑赤色皆臟邪乘陽純陰無陽故皆死也

玉版論要篇

色天面脫不治百日盡已

註五經之脉見於色氣血衰則面色脫而天然不澤故至百日五臟之氣盡而已矣

診要經終論

少陰終者面黑

註心之華在面面黑者火氣滅而水氣脫矣

刺熱篇

肝熱病者左頰先赤

註肝屬木而位居東方故左頰先赤

肺熱病者右頰先赤

註肺屬金而位居西方故右頰先赤

腎熱病者頤先赤

註腮下謂之頤腎屬水而位居北方故頤先赤

欬論

久欬不已則三焦受之欬而腹滿不欲食飲此皆聚於胃關於肺使人多涕唾而面浮腫氣逆也

註水聚於胃則上關於肺而為欬欬則肺舉肺舉則液上溢故使人涕唾水氣上乘故面浮腫而氣逆也

風論

以冬壬癸中於邪者為腎風腎風之狀多汗惡風面痲然浮腫脊痛不能正立其色焔隱曲不利診在肌上其色黑

註風邪干於腎則水氣上升故面痲然浮腫風行則水渙也

首風之狀頭面多汗惡風

註頭乃諸陽之會因沐中風則頭面之皮膚疎而陽氣弛故多汗惡風也

厥論

陽明之厥則癩疾欲走呼腹滿不得臥面赤而熱妄見而妄言

註 癩狂走呼妄言妄見陽明之脉病也其脉循腹屬胃絡脾經氣厥逆故腹滿胃不和不得臥也陽明乃燥熱之經經氣上出於面故面赤而熱

少陽之厥則暴聾頰腫而熱脅痛脘不可以運

註 足少陽之脉起於目銳眥從耳後入耳中下頰車循胃過季脅出膝外廉循足跗故逆則暴聾頰腫脅痛足脘不可以運行

脈解篇

少陰所謂面黑如地色者秋氣內奪故變於血也

註 秋時陰氣正出則內奪其所藏之陰陰氣上乘故面黑如地色也

鍼解篇

人齒面目應星

註 人面有七竅以應七星

骨空論

數髓空在面俠鼻

註 言面之俠鼻間而有數處之髓空也

氣交變大論

歲水不及濕迺大行上臨太陰則大寒數舉陽光不治民病寒疾於下復則大風暴發草偃木零生長不鮮面色時變筋骨併辟肉腠瘵目視眩暈物疎豐肌肉胗發氣並鬲中痛於心腹

註 六癸之歲水運不及土乃勝之若辛丑辛未歲司天之氣上臨太陰濕土則太陽寒水在泉水弱土

勝木後復之陽明屬土主面故面色時變

六元正紀大論

金鬱之發民病欬逆心脅滿引小腹善暴痛不可反側噎乾面塵色惡

註此受司天在泉之勝制鬱極乃發以報復其歲氣如庚子庚午歲太商金運而上臨少陰庚寅庚申歲太商金運而相火司天乙巳乙亥歲少商金運而相火在泉乙卯乙酉歲少商金運而君火在泉則金氣皆鬱矣欬逆噎乾肺病也靈樞經曰足少陽是動病心脅痛不能轉側甚則面有微塵體無膏澤又曰肝是動則病腰痛噎乾面塵脫色蓋金氣復而肝木病也

### 至真要大論

帝曰天氣之變何如岐伯曰陽明司天燥淫所勝筋骨內變民病左肘脅痛寒清於中感而瘧大涼革候欬腹中鳴注泄鶩溇心脅暴痛不可反側噎乾面塵腰痛丈夫癩疝婦人少腹痛目昧背瘍瘡瘰癧病本於肝太衝絕死不治帝曰治之奈何岐伯曰燥淫所勝平以苦溫佐以酸辛以苦下之帝曰邪氣反勝治之奈何岐伯曰燥化於天熱反勝之治以辛寒佐以苦甘

註陽明司天卯酉之歲也燥金淫勝於上則肝血傷而面塵蓋金淫於上故病本於肝太衝肝經之俞穴脉也肝氣已絕故死不治苦溫能勝清金辛能潤燥燥必內結故以酸苦泄之

歲陽明在泉燥淫所勝甚則噎乾面塵身無膏澤足外反熱

註陽明在泉子午歲也面有微塵體無膏澤足外反熱乃足少陽病噎乾面塵乃足厥陰病蓋金勝而肝膽病也

岐伯曰太陽司天寒淫所勝民病厥心痛嘔血血泄黹衄善悲時眩仆胃腹滿手熱肘攣掖腫心澹澹大動胃脅胃腕不安面赤目黃善噎噎乾甚則色焔渴而欲飲病本於心神門絕死不治所謂動氣知其臟也帝曰善治之奈何岐伯曰司天之氣風淫所勝平以辛涼佐以苦甘以甘緩之以酸瀉之帝曰邪氣反勝治之奈何岐伯曰寒化於天熱反勝之治以鹹冷佐以苦辛

註太陽司天辰戌歲也太陽為諸陽之首即君火之陽然本於在下之寒水今寒凌心火逼其火熱上炎故面赤也

太陰司天客勝則首面附腫

註此濕淫於上也

靈樞經

本輸篇

手太陽當曲頰足少陽在耳下曲頰之後

邪氣臟腑病形篇

岐伯曰諸陽之會皆在於面邪中於面則下陽明邪中於頰則下少陽

註諸陽之會皆在於面者精陽之氣皆上於面而走空竅也

黃帝問於岐伯曰首面與身形也屬骨連筋同血合於氣耳天寒則裂地凌冰其卒寒或手足懈惰然而其面不衣何也岐伯答曰十二經脈三百六十五絡其血氣皆上於面而走空竅其氣之津液皆上熏於面而皮又厚其肉堅故天熱甚寒不能勝之也

註氣血皆上於面天熱甚寒不能勝之謂陰陽寒暑之氣皆從下而上也

面熱者足陽明病

註衛氣之悍熱太過而上行於面也

終始篇

少陰終者面黑太陰終者善嘔嘔則逆逆則面赤不逆則上下不通上下不通則面黑

註面黑者氣色外脫也

經脈篇

足少陰之脈動則病饑不欲食面如漆柴

手厥陰之脈動則病心中熱面赤目黃

足少陽之脈動則病口苦甚則面微有塵

足厥陰之脈動甚則面塵脫色

手少陰氣絕其面黑如漆柴

手陽明之脉其支者上頸貫頰

足陽明之脉循頤後下廉出大迎循頰車上耳前

手太陽之脉其支者循頸上頰又支者別頰上頤病則頰腫

手少陽之脉其支者直上出耳上角以屈下頰至頤又支者過客主人前交頰是病則頰腫

足少陽之脉其支者加頰車下頤

足厥陰之脉其支者從目系下頰裏

經別篇

足少陽之正繞髀入毛際合於厥陰別者入季脅之間循胃裏屬膽散之上肝貫心以上挾咽出頤頤中散於面繫目系合少陽於目外眥

註按足少陽之脉起於目銳眥循頭面而下行於足跗少陽之別繞髀上行至目銳眥而合於少陽之

經是經脉與經別交相逆順而行者也

手少陰之正別入於淵液兩筋之間屬於心上走喉嚨出於面合目內眥

註手少陰之正上出於面亦與足太陽相合於目內眥之睛明水火上下之相交也

厥論

厥頭痛面若腫

註陽明之氣上出於面厥氣上逆於頭故為頭痛面腫

雜病篇

厥胃滿面腫

註本經曰中於面則下陽明蓋中於面之皮膚則面腫

海論

氣海有餘者氣滿胃中惋息面赤

註氣上逆故面赤也

陰陽二十五人篇

木形之人小頭長面火形之人廣削銳面土形之人圓面大頭金形之人方面白色水形之人面不平

註面長者木之體長也面銳者火之炎上銳且小也面圓者土之體圓也面方者金之體方也面不平

者水面有波也

足太陽之上血少氣多則面多肉血氣和則美色

註足太陽之脈起於目內眥循兩眉而上額交巔血少氣多則面多肉氣之所以肥腠理也血氣和者

謂經脈皮膚之血氣和調則顏色鮮美也

手太陽之上血氣盛則面多肉以平血氣皆少則面瘦惡色

註手太陽之脈其上行者循於顴頰耳鼻目眥之間是以皮膚之血氣盛則面多肉以平血氣皆少則

面瘦色惡太陽為諸陽主氣也

扁鵲難經

面色

十三難曰五臟有五色皆見於面

十六難曰假令得肝脈其外證善潔面青善怒得心脈其外證面赤口乾善笑得脾脈其外證面黃善噫

善思善味得肺脈其外證面白善噫悲愁不樂欲哭得腎脈其外證面黑善恐欠

二十四難曰手少陰氣絕則脈不通脈不通則血不流血不流則色澤去故面色黑如鰲此血先死壬日

篤癸日死

四十七難曰人面獨能耐寒者何也然人頭者諸陽之會也諸陰脈皆至頸胷中而還獨諸陽脈皆上至

頭耳故合面耐寒也

漢張機金匱要略

面色

問曰病人有氣色見於面部願聞其說師曰鼻頭色青腹中痛苦冷者死鼻頭色微黑者有水氣色黃者



胃上有寒色白者亡血也設微赤非時者死其目正圓者死不治又色青爲痛色黑爲勞色赤爲風色黃者便難色鮮明者有留飲

陽毒之爲病面赤斑斑如錦文

陰毒之爲病面目青

男子面色薄者主渴及亡血卒喘悸脈浮者裏虛也

男子脈虛沈弦無寒熱短氣裏急小便不利面色者時目瞑兼衄小腹滿此爲勞使之然面赤如醉者此爲胃熱上熏也

寸口脈微而澀微者衛氣衰澀者榮血不足衛氣衰則面色黃榮血不足則面色青又曰陰陽俱虛則面色青白

心傷者其人勞倦卽頭面赤而下重心中痛而自煩發熱當臍跳其脈弦此爲心臟傷所致也

膈間支飲其人喘滿心下痞堅面色黧黑其脈沈緊得之數十日醫吐下之不愈木防己湯主之愈實者三日復發復與不愈者宜木防己湯主之去石膏加茯苓芒硝湯主之

裏水一身面目黃腫其脈沈小便不利故令病水假如小便自利此亡津液故令渴也

酒疸下之久久爲黑疸目青面黑心中如噉蒜齏狀大便正黑皮膚爪之不仁其脈浮弱雖黑微黃故知之

病人面無血色無寒熱脈沈弦者衄浮弱手按之絕者下血煩欬者必吐血

下利脈沈而遲其人面少赤身有微熱

面赤色者陽氣怫鬱在表當解之發汗則愈

下利清穀者必鬱冒汗出而解病人必微厥所以然者其面戴陽下虛故也

面瘦面腫

腎水者其腹大臍腫腰痛不得溺陰下濕如牛鼻上汗其足逆冷面反瘦

黃汗其脈沈遲身發熱胃滿四肢頭面腫久不愈必致癰膿

寸口脉沈滑者中有水氣面目腫大有熱名曰風水夫水病人目下有臥蠶面目鮮澤脉伏其人消渴病水腹大小便不利其脉沈絕者有水可下之肺癰上氣面浮腫肩息其脉浮大不治

肺癰胃滿脹一身面目浮腫鼻塞清涕出不聞香臭酸辛欬逆上氣喘鳴迫塞葶藶大棗瀉肺湯主之傷寒論

### 愧怖之色

問曰人愧者其脉何類師曰脉浮而面色乍白乍赤問曰人病恐怖者其脉何狀師曰脉形如循絲纍纍然其面白脫色也

華佗中藏經

### 五色脉論

面青無右關脉脾絕木尅土面赤無右寸脉肺絕火尅金面白無左關脉肝絕金尅木面黃無左尺脉腎絕土尅水面黑無左寸脉心絕水尅火五絕者死凡五絕當時即死非其時則半歲死耳五色雖見而五脉不見即非死者矣

### 臟腑虛實寒熱見於面色

肝氣逆則頭痛耳聾頰赤其脉沈而急浮而急亦然

心脉大甚則胃中滿而煩澹澹面赤目黃也

凡心病狂言汗出躁身厥冷其脉當浮而大反沈濡而滑其色當赤反黑者水尅火死不可治也

凡赤黑色入口必死面目赤黃亦死赤如血亦死

又憂愁思慮太過心氣內去其色反和而盛者不出十日死

又心虛則恐懼多驚憂思不樂胃腹中若痛言語顛懷惡寒恍惚面赤目黃喜衄診其脉左右寸口兩虛而微者是也

脾病則面色萎黃

又云脾病面黃目赤者可治青黑色入節半歲而死色如枳實者一月死

脾正熱則面黃目赤脅滿

胃熱則面赤如醉人四肢不收持不安眠語狂目亂便硬者是也

胃脈堅而長其色黃赤病折腰

久欬而見血身熱而短氣脈當澀今反浮大色當白今反赤者火尅金十死不治也

又云面白目青此謂經亂也

又云面黃色白者可治

腎病手足冷面赤目黃小便不禁骨節煩痛小腹結痛氣上衝心脈緩當沈而滑今反浮大其色當黑其  
翁翁少氣兩耳若聾精自出飲食少便下清脈遲可治

又云腎病其色青黃連耳左右其人年三十許百日死

上焦實則食已虛虛則還出膨膨而不樂虛則不能制下遺便溺頭面腫也

察面色形證決死法

黑或如馬肝色望之如青近則如黑者死

面目直視者死

面青人中反者三日死

面無光牙齒黑者死

面青目黑者死

面白目黑者十日死

面赤眼黃即時死

面黑目白者八日死

面青目黃者五日死

面黑直視者死

面黑脣青者死

病人黑色出於天中天庭者死

面青目白者死

面黃目白者死

面目俱白者死

面目青黑者死

面青脣黑者死

面色黑脅滿不能反側者死

面色蒼黑卒腫者死

晉王叔和脈訣

五臟察色歌

心臟歌曰順視雞冠色凶看瘀血凝

註雞冠色赤瘀血赤而黑者赤乃本色為順黑則水來尅火為凶

心脈歌曰大實由來面赤風燥痛面色與心同

註心脈大實蓋心家熱則生風故面赤而身有風也有風有熱故燥痛面色與心色同赤之甚也

肝臟歌曰翠羽身將吉顏同枯草殃

註肝木色青翠羽青而紅枯草青而白紅屬心火白屬肺金木生火故吉金尅水故殃

腎臟歌曰色同烏羽吉形似炭煤危

註腎水色黑烏羽黑而青是水生木故吉炭煤黑而黃是土尅水故危

肺臟歌曰猪膏凝者吉枯骨命難全

註肺金色白而光澤白者金也光澤者水也金能生水故吉枯骨之色白而不澤白者金也不澤者內

失其水火就燥也火來尅金故命難全

脾臟歌曰痞氣冬為積皮黃四體昏

脾之積名曰痞氣在胃脘覆大如盤久不愈令人四肢不收致發黃疸飲食不消肌膚黃瘦  
雜病生死歌

中風口噤遲浮吉急實大數三魂孤魚口氣粗難得瘥面赤如妝不久居

註 中風口噤脈遲浮乃病脈相應故吉急實大數乃風熱之極故三魂孤口如魚口之張脾氣絕也氣粗肺氣絕而呼出氣驟也面赤如妝火盛也

病人頭面青黑暗汗透毛端恰似珠

註 六陽氣俱絕者則陰與陽相離陰陽相離則腠理泄絕汗乃出大如貫珠轉出不流則氣先死  
察色觀病生死歌

面黃目青酒亂頻邪風在胃衰其身面黑目白命門敗困極八日死來侵面色忽然望之青進之如黑卒  
難當面赤目白憂息氣待過十日定存亡面赤目青衆惡傷榮衛不通立須亡黃黑白色起入目更兼口  
鼻有災殃面青目黃中時死餘候須看兩日強目無精光齒齲黑面白目黑亦災殃口如魚口不能閉氣  
出不返命飛揚肩息直視及昏焦面腫蒼黑也難逃妄語錯亂及不語尸臭元知壽不高人中盡滿兼唇  
青三日須知命必傾兩頰額赤人病久口張氣直命難停

五臟死色歌

肝臟歌曰面腫蒼黑舌卷青四肢乏力眼如盲泣下不止是肝絕八日應當命必傾  
心臟歌曰面薰肩息直視看又兼掌腫沒文斑狂言亂語身悶熱一日之內到冥間  
脾臟歌曰臍跌腫滿面浮黃泄痢不覺污衣裳肌肉粗澀兼唇反一日十二內災殃  
肺臟歌曰口鼻氣出不復迴唇反無文黑似煤皮毛焦乾爪枯折途程三日定知災  
腎臟歌曰面黑齒痛目如盲自汗如水腰折頰皮肉濡却髮無澤四日應當命不存  
寶漢卿瘡瘍全書

面發毒

此證多起於房勞太過乘虛風入經絡陽明經虛發於面也或面生癰瘤患者欲求速愈而以毒藥敷點

或以艾火灸之或以針刀刺之或犯鬼神惡宿或破後房事不戒或受狂風霜雪寒露暴戾之氣或服金石草木諸物惡毒相攻相反之劑以致病證日劇殊不知面為諸陽之首禁火禁刀禁毒况耳目口鼻之官總係一處比四肢不同若不保重命亦難生何也面為陽火氣入之熏蒸肌肉刀針刺之即傷經絡毒藥點之暴剝皮肉轉轉為患繼之以風邪入之則頭面虛腫日鼻腫脹患處日腐其臭穢難聞脾胃日削寒熱交作痛楚萬狀難以盡言若有五善而無七惡外敷清涼拔毒之藥內服參朮內托之劑每合犀角鬱金散服之以拔積毒其命方可保也否則難生

### 疔腮毒

此毒受在牙根耳聾通於肝腎氣血不流壅滯頰腮是風毒證先用清肝流氣飲後用托裏流氣飲治之

### 發頤毒

一名流注

傷寒後餘毒不散汗發不透故發此疽在耳後一寸三分或在心窩兩肋在身者可治在耳後相連咽喉毒氣內攻難進飲食藥餌鼻流清膿兩耳閉塞者死無即生用二十四味流氣飲熱服出汗次服千金內托散患上用鐵箍散將薑汁好酢加蜜少許和勻火上熬熱調藥搽四向空中出毒時用餘汁溫潤之

### 穿腮

一名骨槽風一名穿珠一名附骨一名穿喉一名牙槽風此毒因憂思驚慮太陽受證結於大腸之間邪毒交生灌於經絡之內初起生於耳下及項間隱隱皮膚之內略有小核漸長如李子之狀便覺紅腫或上或下或左或右牙關口噤不開急用鵝毛攪出風痰即服驅風破毒散立愈此證小兒亦生者其故何也稟氣虛弱感風寒暑熱相結成疔或恣食肥甘生冷恬物餘穢積成於牙縫不能滌洗去垢漸爛至臭膿血淋漓日久則氣血凝滯結成多骨而出甚至爛漫穿腮急用珍珠冰片散搽之

### 頰癰

此毒生於頰上不為風頰下要成漏瘡不可輕易當用敗毒流氣飲再用內托清肝飲

### 面風毒

此毒氣血壅上結聚成毒當用鬚疽藥治之先用敗毒流氣飲後用清肝流氣飲治之外用圍藥敷之

類疽

此毒生於頰車之上多者皆出於附骨亦名附骨疽若不速治漸剝其骨久後必致成漏終不能痊治用內托散加羌活獨活煎服次用十奇散加川椒細辛桔梗青皮外用圍藥搽之

鴉啗瘡

鴉啗者久中邪熱臟腑虛寒血氣少腠理不密發於皮膚之上相生如錢竅後爛似鴉啗日久將來損傷難治小兒同前其治法用陰蝕瘡之藥治之

金劉完素六書

胃疸面黃

食已如饑胃熱能消穀陽明脈終心火上行心憎煩面黃小便赤澀茯苓加減湯主之  
元張從政儒門事親

面黃腫

凡病面黃身熱肌瘦寒熱往來如瘧更加涎嗽不止喘滿面腫或身體俱熱自汗經云病名傷寒夾勞之證也治之奈何病在上者其高者因而越之可用防已散吐之吐後切用通解丸一服次服人參黃芪散當歸飲子加減小柴胡擇而用之經謂男女之證皆同類用其治法也依此調治無不取效

李杲十書

面赤

諸病面赤雖伏火熱禁不得攻裏為陽氣怫鬱邪氣在經宜發表之經曰火鬱則發之是也瘡瘍亦然

面腫

虛風麻木牙關緊急日內蠕動胃中有風獨面腫宜升麻胃風湯

面熱

面熱者胃病也飲食不節則胃病胃病則氣短精神少而生大熱有時如火上行獨燎其面

面色

肝病面青脉弦皮急多青則痛形盛胃脅痛耳聾口苦舌乾往來寒熱而嘔已上是形盛當和之以小柴胡湯也如形衰骨搖而不能安於地此乃膝筋治之以羌活湯本草云羌活爲君也瘧證取以少陽如久者發爲瘵瘵宜以鐵鍼刺絕骨穴復以小柴胡湯治之

心病面赤脉洪身熱赤多則熱暴病壯熱惡寒麻黃加知母石膏黃芩湯主之此證如不發汗久不愈爲瘧也淹疾頰腫面赤身熱脉洪緊而消瘦婦人則亡血男子則失精

脾病面黃脉緩皮膚亦緩黃多則熱氣勝形也傷寒論是爲濕溫其脉陽浮而弱陰小而急治在太陰濕溫自汗白虎湯加蒼朮主之如久不愈爲溫瘧重暍白虎加桂枝主之淹疾肉消食少無力故曰熱消肌肉宜以養血涼藥內經曰血生肉

肺病面白皮澀脉亦澀多白則寒暴病澀癢氣虛麻黃加桂枝令少汗出也傷寒論曰夏傷於暑汗不得出爲痒若久不痊爲風瘧形衰面白脉澀皮膚亦澀形羸氣弱形淹衛氣不足

腎病面黑身涼脉沈而滑多黑則瘵暴病形冷惡寒三焦傷也治之以薑附湯或四逆湯久不愈爲瘵暴氣衝上吐食夜發俗呼謂之夜瘵太陽經桂枝證形衰淹疾黑瘵羸瘦風痺痿厥不能行也

又云肺寒則面白生痰喘欬唾嚏

又云肺病面白而不澤則爲脫氣脫血脫津脫液脫精脫神

朱震亨心法

面寒

面寒者胃虛也

面熱

面熱因鬱熱

面鼻得冷則黑

諸陽聚於頭則面爲陽中之陽鼻居面中央而陽明起於額中一身之血運到面鼻到面鼻陽部皆爲至清至精之血矣酒性善行而喜升大熱而有峻急之毒多酒之人酒氣熏蒸面鼻得酒血爲極熱熱血得



冷為陰氣所搏汗濁凝結滯而不行宜其先為紫而後為黑色也須用融化滯血使之得流滋生新血可以運化病乃可愈予為酒製四物湯加炒片苓茯苓陳皮生甘草酒紅花生薑煎調五靈脂末飲之氣弱者加黃芪無有不應者

面部凶證

人有病面上忽見紅點者多死

羅天益衛生寶鑑

面熱

如人患面熱脉洪大而有力此乃陽明經多血多氣因膏粱積熱而致先以調胃承氣湯七錢加黃連三錢犀角一錢疎下三兩行次以升麻黃連湯治之而愈

明戴思恭證治要訣

面風

兩頰赤腫其狀如癩名頭面風酒調消風散食後服仍以杏仁去殼搯之

李樞醫學入門

面寒

胃中有寒濕則面不能耐寒先以附子理中湯次用升麻附子湯

面戴陽證

面戴陽者浮火所衝也又曰面戴陽者面雖赤而不紅活乃下虛也醫者不察誤用涼藥則氣消而成大病矣

面上雜病

凡風刺粉刺黥點癰疽酒皴肺風諸瘡皆屬面上之病

風客皮膚痰漬臟腑則面生黥點脾肺風濕搏熱則生瘡紅紫或腫升麻胃風湯加減用之

搭腮腫

腮腫亦名疔腮因風熱或膏梁積熱而作宜升麻黃連湯或升麻胃風湯或荆防敗毒散腫久不消欲作膿宜托裏消毒散腮頰齒牙唇口俱腫出血者宜清胃散加石膏  
龔信古今醫鑑

面病專屬胃

手足六陽之經雖皆上至頭而足陽明胃之脈起於鼻交頰中入齒挾口環唇循頰車上耳前過客主人維絡於面上故面病專屬於胃其或風熱乘之則令人面腫或面鼻色紫或風刺癢疹或面熱或面寒隨其經證而治之

若面唇紫黑宜升麻白芷湯

薛己醫案

時毒

時毒者為四時邪毒之氣感之於人也其候發於鼻面耳目焮赤腫痛重則咽喉頸項亦腫或漫腫無頭或結核有根令人憎寒發熱頭痛或肢體痛恍惚不甯咽喉閉塞醫人不識謂之傷寒便服解熱之劑一二日間腫勢益增始知藥誤原夫此疾古無方論初發狀如傷寒五七日間乃能殺人若能延至十日之外不治自愈也五日以前精神昏亂咽喉閉塞語聲不出頭面益腫食不知味者必死之候治之無功矣然此疾有陽有陰有可汗有可下粗工不識但云熱毒只用寒涼之藥殊不知病有微甚治有逆從不可不審也

脈浮數者邪在表也葛根牛蒡子湯解毒升麻湯升麻牛蒡子散之類以發之脈沈實而便秘者邪氣在裏也宜梔子仁湯脈沈澀者邪氣入深也宜漏蘆湯大黃湯

表實而不解者散之以芩連敗毒散

裏實而不利者下之以五利大黃湯

表裏俱實而不解者宜解表攻裏並施以通聖消毒散

表裏俱解而不消者和之以劫瘴消毒飲

腫甚焮痛者砭去惡血更用消毒以普濟消毒飲次用七神散

頭面耳項赤腫作痛咽乾發熱脈浮數以黃連敗毒散次以劫瘴消毒散七神散

若腫痛發熱作渴而脈實便秘者先以五利大黃湯次以追疔奪命湯又次以水邊嫩柏根水煎入酒和服

腫痛發熱脈浮數以芩連敗毒散次以退熱消毒飲又次以七神散

焮腫脹痛作渴寒熱便秘脈數按之緊實以通聖消毒散次以芩連消毒散又次以七神散

腫勢已盛大熱脈實者先宜砭去惡血次以洗瘡散洗之消腫散刷之却以蛇不見根同白梅搗傅牙斷含去涎初服追疔奪命湯次服七神散萬病解毒丸

表邪已解腫尚不退脈滑而數乃瘀血欲作膿也以托裏消毒潰之若脈浮數或洪數者不可托之只宜

消之以烏苞子根水煎服又以谷藤根水煎服及用祛瘴散服之又宜於鼻內噴以通氣散取十餘嚏作

效如噴藥不作嚏者不可治之證也如嚏出膿者治之必愈左右之人每日嚏藥噴之必不傳染其病人

亦每日用嚏藥三五次以泄熱毒此治時毒之良法也

經三四日不解者不可大下猶宜和解之犀角連翹散之類至七八日大小便通利頭面腫起高赤者可

服托裏散黃芪散

徐春甫古今醫統

### 面熱面寒

經曰面熱者足陽明病面寒者為胃寒陽明胃經氣盛有餘則身以前皆熱况其人素食膏粱積熱於胃陽明經多血多氣本實則風熱上行諸陽皆會於頭目故面熱之病生矣

### 面腫面浮

面腫屬肝風胃火面浮屬脾土肺金面腫與浮最宜分別腫則為實因風火上炎紅腫而熱或按而痛此邪有餘脈必急躁緊實面浮則為虛因脾傷勞役飲食失節水土不調脾氣輸散不常肺氣傳布失度故面虛浮眼下如臥蠶之狀或有氣喘皆其候也此正氣不足脈必虛弱或浮而無力

面色

久病人面色轉黃此欲愈也

病人面紅難愈

不病人面色紅有肺火

瘦人面紅血虛有火

瘦人面白色如枯骨此血虛氣弱當防痰火病作亦難治

面黃者乃脾胃濕熱病黃而兼青色者為木尅土主死不治

不病人面色如灰塵眼下青黑即有病至不能治

病應愈面色如煤不開者終必死

女人面兩顴頰紅色名曰帶紅花此肺金燥火所乘心火尅肺大腸膀胱無蔭故多淫而無子

女人面色青者性惡多怒

疔腮

疔腮牙病而及於腮頰俱腫是也

樓英醫學綱目

面戴陽證

傷寒少陰證面戴陽者下虛故也宜通脈四逆湯加葱白九莖煎服

面赤色為陽氣怫鬱在表故用葱白以通陽氣也

王肯堂證治準繩

面部所屬

面統屬諸陽

註 靈樞曰諸陽之會皆在於面

又屬足陽明胃經

素問曰五七陽明脉衰面始焦髮始墮六八陽氣衰竭於上面焦髮鬢頰白靈樞曰邪中於面則下陽明中藏經曰胃熱則面赤如醉人素問又曰已食如饑者胃疸面腫曰風註胃陽明之脉行於面故耳

又屬足太陽膀胱經

註靈樞曰足太陽之上血多氣少則面多小理血少氣多則面多肉肥而不澤血氣和則美色俱有餘則肥澤俱不足則瘦而無澤

又統屬手少陰心經

註素問曰心者生之本神之變也其華在面又曰心之合脉也其榮色也又以五色候五臟故面青屬肝

註素問曰生於肝如以縞裹紺故青欲如蒼璧之澤不欲如藍註縞繪之精白者紺深青揚赤色又曰青如翠羽者生如草茲者死註茲滋也如草初生之色也

赤屬心

註素問曰生於心如以縞裹朱故赤欲如白裹朱不欲如赭註赭赤土也又曰赤如雞冠者生如衄血者死註衄血凝血也

黃屬脾

註素問曰生於脾如以縞裹苦萸實故黃欲如羅裹雄黃不欲如黃土又曰黃如蟹腹者生如枳實者死

白屬肺

註素問曰生於肺如以縞裹紅故白欲如鵝羽不欲如鹽又曰白如豕膏者生如枯骨者死

黑屬腎

註素問曰生於腎如以縞裹紫故黑欲如重漆色不欲如地蒼又曰黑如烏羽者生如始者死註始煤也又曰五臟六腑固盡有部視其五色黃赤為熱白為寒青黑為痛

或曰升麻加黃連湯治面熱升麻加附子湯治面寒有何依據答曰出自仲景雲岐子註傷寒論中辨葛根湯云尺寸脈俱長者陽明受病也當二三日發以其脈俠鼻絡目故身熱目疼鼻乾不得臥此陽明經受病也始於鼻交頰中從頭至足行身之前為表之裏陽明經標熱本實從標脈浮而長從本脈沉而實陽明為病主蒸蒸而熱不惡寒身熱為標病陽明本實者胃中燥鼻乾目疼為本病陽明為肌肉之本禁不可發汗在本者不禁下發之則變黃證太陽主表榮衛是也榮衛之下肌肉屬陽明二陽併病葛根湯主之衛者桂枝榮者麻黃榮衛之中桂枝麻黃各半湯主之榮衛之下肌肉之分者葛根湯主之又名解肌湯故陽明為肌肉之本非專於發汗止汗之治桂枝麻黃兩方互併為一方加葛根者便作葛根湯故榮衛肌肉之次也桂枝芍藥生薑甘草大棗止汗麻黃桂枝生薑甘草發汗葛根味薄獨加一味者非發汗止汗也從葛根以解肌故各葛根湯錢仲陽制升麻湯治傷寒瘟疫風熱壯熱頭痛肢體痛瘡疹已發未發用葛根為君升麻為佐甘草芍藥安其中氣朱奉議作活人書將升麻湯列作陽明經解藥予診楊氏婦陽明經標本俱實先攻其裏後瀉經絡中風熱故用升麻湯加黃連以寒治熱也尼長老陽明經標本俱虛先實其裏次行經絡故用升麻湯加附子以熱治寒也仲景乃羣方之祖信哉

面塵運氣面塵有二一曰燥金制肝經云陽明司天燥淫所勝民病暄乾面塵又云金鬱之發暄乾面塵宜治以濕劑是也二曰火經云少陽之復厥氣上行面如浮塵目乃瞶瘳治以寒劑是也

運氣面赤皆屬寒經云太陽司天寒淫所勝民病面赤目黃治以熱劑是也

脈緊者寒也或面白善噓或面色惡皆寒也以羌活防風甘草藁本四味瀉足太陽少加附子以通其脈面色惡悲恐者更加桂附

面痛皆屬火蓋諸陽之會皆在於面而火陽類也心者生之本神之變其華在面而心君火也暴痛多實久痛多虛高者抑之鬱者開之血熱者涼血氣虛者補氣不可專以苦寒瀉火為事

頤屬手足少陽三焦膽手太陽小腸經之會又屬手少陰心經

註靈樞曰心病者顴赤喬岳曰心絕則虛陽上發面赤如脂按如脂者如女人以粉傅面以丹傅顴也夫白者肺之候丹者心之候發明謂之火尅金是從所不勝來者為賊邪其病不治故脈訣云面赤如

妝不久居也

又屬足少陰腎經

註靈樞曰腎病者顴與顏黑

頰屬手足少陽三焦膽手太陽小腸足陽明胃經之會

註素問曰少陽之脈色榮頰前熱病也註足少陽部在頰色赤色也前當依甲乙經作筋靈樞曰邪氣

中於頰則下少陽又曰少陽氣至則嚙頰又曰少陽之厥則暴聾頰腫而熱又曰上部地兩頰之動脈

註在鼻孔下兩旁近於巨膠穴之分動應於手足陽明脈氣之所行也巨膠直兩目瞳子

又屬足厥陰肝經

註素問曰肝病氣逆則頰腫

顴瘍

或問顴骨內卒然而痛經宿而痛甚寒熱大作何如曰此顴骨肉疽也屬上焦與陽明經鬱火所致宜活命飲加升麻桔梗乾葛水酒煎服仍與烏金散奪命丹汗之可消按經曰心病者顴赤又曰腎病者顴與顏黑然則當察其色赤者宜以黃連安神丸降心火補心丸養心血黑者宜以地黃丸滋腎水未可專委之陽明鬱火也

頰瘍

或問頰腮生瘡何如曰此名金腮瘡初如米粒漸大如豆久而不治潰蝕透頰屬陽明經初宜勝金丹活命飲加升麻桔梗黃連消毒散選用壯實者一粒金丹下之治不得法潰爛不斂口吐臭痰喘急神昏者死

疔腮

或問腮臉生毒何如曰此名腮頰發肌肉浮而不著骨者名疔腮俱屬陽明風熱所致急服活命飲加元參芩連水酒煎服及紫金丹汗之  
疔腮屬足陽明胃經或外因風熱所乘或內因積熱所致若腫痛寒熱者白芷胃風湯內熱腫痛者升麻

黃連湯外腫作痛內熱口乾者犀角升麻湯內傷寒涼不能消潰者補中益氣湯發熱作渴大便秘結者加味清涼飲表裏俱解而仍腫痛者欲作膿也托裏散若飲食少思胃氣虛弱也六君子湯肢體倦怠陽氣虛弱也補中益氣湯膿毒既潰腫痛不減熱毒不解也托裏消毒散膿出反痛氣血虛也人參內托散發熱晡熱陰血虛也八珍湯惡寒發熱氣血俱虛也十全大補湯若腫焮痛連耳下者屬手足少陽經當清肝火若連頤及耳後者屬足少陰經虛火當補腎水患此而有不治者多泥風熱執用剋伐之藥耳

發頤

或問顴骨之下腮頤之上耳前一寸三分發疽何如曰此名發頤古云不治之證屬陽明經熱毒上攻宜活命飲加升麻桔梗黃連水酒煎服紫金丹奪命丹汗之壯實者一粒金丹下之老弱者十全大補湯黃芪內托散人參養榮湯若治不得法延及咽嗌潰爛穿口不食者死

按經云腎熱者頤先赤故頤屬足少陰腎經也而今醫師以耳後一寸三分發銳毒者名曰發頤則是少陽分野薛氏亦以為屬足少陰經當補腎水者何也蓋腎為相火之宅宅完且固而火得歸息焉則治腎正所以治少陽也此證傷寒汗出不徹者多患之亦有雜證客熱久而不散而發於頤者宜以藥速消散之失治成膿則費手矣若又服剋伐之藥而不滋補其氣血即穿口穿喉而死

面遊風

或問面遊風毒何如曰此積熱在內或多食辛粹厚味或服金石剛劑太過以致熱壅上焦氣血沸騰而作屬陽明經初覺微痒如蟲蟻行搔損則成瘡痛楚難禁宜服黃連消毒散去人參加薄荷梔子及活命飲加桔梗升麻紫金丹烏金散選用外用祛風潤肌之劑敷之

牙又發

鬼遺云左右牙又骨接處發癰疽脹攻骨及牙關張口不得因諸風熱上攻或多食燒炙之物所為或因患牙癰即從牙縫中破出膿血切忌外風水觸犯

按此係陽明經鬱熱治宜清胃散甘露飲防風通聖涼膈之屬量虛實表裏用之若服寒涼過多火不歸

原者服理中之劑佐以薑附始安



承漿癰

或問地角下生疽何如曰是名頰癰屬陽明胃經積熱所致用白芷升麻湯活命飲加升麻桔梗更服紫金丹汗之壯實者一粒金丹下之

陳實功外科正宗

肺風粉刺酒皰鼻

肺風粉刺酒皰鼻三名同種粉刺屬肺皰鼻屬脾總皆血熱鬱滯不散所謂有諸內形諸外宜真君妙貼散加白附子敷之內服枇杷葉丸黃芩清肺飲

雀斑

雀斑乃腎水不能榮華於上火滯結而為斑當以六味地黃丸以滋化源外以玉容丸早晚搽洗漸愈

白屑風

白屑風生於頭面耳項髮中初起微痒久則漸生白屑疊疊而起脫之又生此皆起於熱體當風風熱所化治當消風散面以玉肌散搽洗次以當歸膏潤之髮中作痒有脂水者宜翠雲散搽之自愈

發頤

傷寒發頤亦名汗毒此因原受風寒用藥發散未盡日久傳化為熱不散以致項之前後結腫疼痛初起身熱口渴者用柴胡葛根湯清熱解毒患上紅色熱甚者如意金黃散敷之初起身涼不渴者牛蒡甘桔湯散之患上微熱不紅疼痛者沖和膏和之腫深不退欲作膿者托裏消毒散已潰氣血虛弱食少者補中益氣湯以此治之未成者消已成者潰已潰者斂亦為平常王道之法也用之最穩

黑子

黑子痣名也此腎中污氣混滯於陽陽氣收束結成黑子堅而不散凡人生此終為不吉面部不善者去之宜細銅管將痣套入孔內撚六七轉令痣入管一拔便去有痣浮淺不能拔者用針挑損痣上搽冰蠅散少許糊紙蓋之三日自脫或灰米膏點之亦可落後珍珠散乾摻生皮而愈忌醬酢無斑

疥腮

疔腮乃風熱濕痰所生有冬溫後天時不正感發傳染者多兩腮腫痛初發寒熱以柴胡葛根湯散之外敷如意金黃散在裏內熱口乾二便不利者四順清涼飲利之表裏俱解腫仍不消必欲作膿托裏消毒散膿成者即針之體虛人兼服補托自愈

女人面生鰲黑斑

鰲黑斑者水虧不能制火血弱不能華肉以致火燥結成斑黑色枯不澤朝服腎氣丸以滋化源早晚以玉容丸洗面斑上日久漸退兼戒憂思動火勞傷等件但此生於夫主不利疑事不決者常有之

時毒

夫時毒者天行時氣之病也春當溫而反寒夏宜熱而反涼秋當涼而反熱冬宜寒而反溫此四時不正之氣感於人發成斯疾也自有陰陽表裏寒熱虛實分治初起與風寒相類惟頭面耳項發腫爲真其患既得寒熱交作體強頭眩脈浮緊數者爲邪在表以荆防敗毒散或萬靈丹發汗以散之如兩目鼻面漸次傳腫者乃正陽明受病其患焮腫發熱便秘口乾多熱少寒脈數有力爲邪在裏五利大黃湯四順清涼飲下之又頭角兩耳前後結腫者乃手少陽經受之其患耳鳴筋痛寒熱嘔吐口苦咽乾煩躁時甚當以知母石膏湯小柴胡湯和之通用防風通聖散加牛蒡元參解毒攻裏勞役凶荒沿門闔巷傳染者普濟消毒飲藿香正氣散以安之表裏俱解腫尚不消宜砭去惡血腫熱甚者如意金黃散敷之微熱不紅堅硬者沖和膏選而用之自後仍不消者必欲作膿宜托裏消毒散加白芷皂角針托之已潰體倦食少者補中益氣湯膿穢脾虛食而嘔吐者香砂六君子湯潰而不斂者十全大補湯又有毒中三陽自項之以上俱發腫者光如水色雙目合縫脣似猪形口角流涎腫不消潰聲音不出飲食不入咽喉腫閉牙關難開破流臭水穢氣連綿不絕者犯此俱爲不治

時毒看法

初起寒熱交作頭面一處作腫紅赤發熱疼痛者易已成高腫發熱疼痛有時語聲清朗湯藥易入者輕已潰膿稠堅腫漸消疼痛漸減飲食漸進身溫者吉潰後膿水漸止腫退肌寬神彩精甯睡臥安穩者順初起多寒少熱頭面耳項俱腫光如水晶不熱者險已成漫腫無頭牙關緊閉湯水不入聲音不出者逆

已潰膿水清稀氣味敗臭腫痛不除如尸發胖者死潰後臭水淋漓腫不知痛手足多冷常出譫言者死  
時毒治法

寒熱交作頭眩體痛六脈浮緊邪在表也宜汗散之頭面赤腫作痛口燥咽乾大便秘實邪在裏也下之  
外有寒熱內亦口乾脈弦有力表裏俱實發表攻裏表裏俱解腫痛仍不消者乃瘀血凝滯宜砭去惡血  
砭血之後腫痛仍作不消者已欲作膿宜托裏健脾腫痛日多而脹痛者已有膿急針之更兼補托脾胃  
潰後腫痛不減膿清腥穢脾胃弱也更宜溫中健脾饑年時毒流行傳染者忌用攻發當和解宜養正氣

### 骨槽風

骨槽風初起生於耳前連及腮項痛隱筋骨久則漸漸漫腫寒熱如瘧牙關緊閉不能進食此得於鬱怒  
傷肝致筋骨緊急思慮傷脾致肌肉腐爛膏梁厚味致膿多臭穢初則堅硬難消久則瘡口難合初宜艾  
灸腫頂及耳垂下五分各灸七壯膏貼以泄內毒真君妙貼散敷腫上牙關內腫用線鍼刺去惡血冰硼  
散搽之使內外毒氣得解宜服降火化痰清熱消腫之劑潰後當托裏藥中加麥冬五味外腐者玉紅膏  
使水升火降脾健金清乃愈又有外腐不合虛熱不退堅腫不消形焦體削者死

景岳全書

臣張介賓著

### 辨色總論

形者氣之質色者神之華有諸中必形諸外故但知面中形色之常變則凡虛實寒熱凶吉死生之兆已  
可得其七八而再證以脈再察以因則病無遁情矣凡醫之所貴者在必能無差欲能無差在確有真見  
使不有獨見之明則何以隔垣能觀而通神明之理經曰神乎神耳不聞目明心開而志先慧然獨見口  
弗能言俱視獨見昭然獨明若風吹雲故曰神又曰粗守形上守神故上古使僦貸季理色脈而通神明  
是可見形中之色無難辨也而色中之神不易言也學者於此必能以神會神斯云神矣又安能以筆楮  
盡哉

### 面色

面色之辨經言已詳諸所未盡猶當兼察也

病人面赤本皆屬火若滿面微紅而氣盛者此火證無疑也

病人兩顴鮮赤如脂如縷而餘地不赤者此陰虛也仲景曰面戴陽者下虛故也婦人尤多見之

病人面紅不退者邪盛病進爲難愈

病人面白者氣虛也或白兼淡黃而氣不足者必失血也

病人面白有枯色者血氣俱敗也若證有痰火則尤爲難治

病人面青或兼白者必陽虛陰勝之病

久病人面轉黃蒼此欲愈也

病人面黃潤而微赤者必主濕熱

病人面黃而兼青者此木邪犯土多不可治

病人面色青蒼者多主疼痛

女人面色青者必肝強脾弱多怒少食或經脈不調

面腫有虛實辨

面腫有虛實腫者爲實浮者爲虛實腫者或熱或痛乃因風火上炎此以邪之有餘也虛浮者無痛無熱而面目浮腫此或以熱風則散之火則清之壅滯祕結則通之利之邪去而腫自消也虛浮者多由乎氣腫而就下按而成窩脾肺陽虛輸化失常或以肝腎陰虛水邪泛溢然浮而就上其形虛軟者多由乎氣腫而就下按而成窩者多由乎水治氣者須從脾肺虛則補之實則順之治水者須從脾腎虛則化之實則瀉之然水氣雖分上下而氣卽水之母水卽氣之質故有相因之化而亦有相因之治也凡虛浮在氣者雖曰氣虛然亦有虛實之異不可執也蓋虛而浮者多因於脾此或以勞倦或以色慾或以瀉痢或以中寒而脈必微弱氣必虛餒者是也實而腫者多因於胃或木火熾盛而濕熱上浮或縱酒縱食而陽明壅滯此其脈必滑數證必多熱是也然此證雖浮而不腫自與前證有異虛實卽辨則或補或瀉或利或清所當詳酌而爲之治也

面虛浮

面目虛浮有因色慾過度陰虛氣越而致者宜用六味地黃湯或八味地黃湯或加減八味丸  
若因勞倦傷脾氣虛不斂而面目虛浮者宜參苓白朮散歸脾湯或十全大補湯  
若因飲酒過度濕熱上乘而面目浮腫者宜葛花解醒湯或七味白朮散

若因瀉痢不止脾腎氣虛而面目浮腫者宜胃關煎或溫胃飲  
若因飲食不節陽明壅實二便秘結而頭面滿脹者宜廓清飲惟小兒多有此證甚者宜木香檳榔丸下之

若陽明實熱胃火上浮或煩熱乾渴而頭面浮腫者宜抽薪飲或白虎湯或大分清飲利之

凡風熱腫痛此必疥癩時毒癰瘍之證當察治之甚者防風通聖散主之

石室祕錄臣陳士鐸著

### 粉刺

粉刺之證乃肺熱而風吹之要亦氣血不和多成此疵雖無關大病然書生嬌女若生此病亦欠丰致我有一方爲之添容方用輕粉黃芩白芷白附子防風各一錢各爲細末蜜調爲丸於每日洗面之時多擦數徧臨睡之時又重洗面而擦之不須三日自然消痕滅瘢矣

### 面上凍瘡

面上凍瘡乃人不能耐寒而肌膚凍死忽遇火氣乃成凍瘡方用黃犬屎露天久者變成白色用炭火煨過爲末陳石灰各等分以麻油調敷雖成瘡而爛敷上卽止痛生肌若雖凍而不成瘡者不必用此藥止消荆芥煎湯洗之三日愈

### 面瘡

明治法者明示人之病證而不必暗治之也如生瘡毒於面頰間是也有瘡俱照瘡毒之法消之但不可如發背肺癰重證而治之也今有治小瘡毒神方金銀花當歸蒲公英各一兩生甘草三錢荆芥連翹各一錢水煎服一劑輕二劑消三劑愈此明治之妙法也然頭面上切不可用升藥蓋下病宜升而上病不宜升宜用降火之藥

...

...

...

...

...

...

...

...

...

...

...

...

...

...

...

...

...

...

上元樂學熒敏仙初校  
陽湖陳以真璞卿覆校

欽定古今圖書集成醫部全錄

醫部彙考一百三十一

面門二

方一

升麻黃連湯 鑑寶 治面熱

升麻 乾葛各一錢 白芷七分 白芍 甘草各五分 黃連酒炒四分 犀角 川芎 荊芥穗

薄荷各三分 右剉先用水半盞浸川芎荊芥穗薄荷外都作一貼水二盞煎至一盞入浸三味再煎至

七分去滓食後溫服忌酒麵五辛

升麻附子湯 門入 治面寒

升麻 附子炮 葛根 白芷 黃芪炙各七分 人參 草豆蔻 製甘草各五分 益智仁三分

右剉作一貼入連鬚葱白三莖同煎服食前

冲和順氣湯 鑑寶 治面虛腫

葛根一錢五分 升麻 白芷 防風各一錢 黃芪八分 人參七分 甘草四分 白芍藥 蒼朮

各三分 右剉作一貼入薑三片棗三枚水煎服早飯後午飯前

升麻胃風湯 東垣 治胃毒風腫

升麻二錢 白芷一錢二分 甘草一錢五分 當歸 葛根 蒼朮各一錢 麻黃不去節五分

柴胡 藁本 羌活 黃蘗 草豆蔻各三分 蔓荊子二分 右剉作一貼入薑二片棗二枚水煎服

食後 犀角升麻湯 本 治陽明胃經風熱毒面上腫

犀角一錢五分 升麻 羌活 防風各一錢 川芎 白附子 白芷 黃芩 甘草各五分 右剉

作一貼水煎食後臨臥各一服

加味消毒飲 林醫 治搭腮腫

荆芥 防風 惡實 甘草 連翹 羌活各一錢 右剉作一貼水煎服醫鑑一名驅風解毒散

蕨連散 得效方 治面上熱毒惡瘡

黃蘗製 黃連 胡粉炒各等分 右為細末猪脂調勻頻塗瘡上

硫黃膏 治面上生瘡或鼻臉赤紫及風刺粉刺諸藥不效

生硫黃 白芷 瓜萼根 膩粉各五錢 全蝎三箇 蟬殼五枚 芫青七枚去翅足 右為末另以

香油黃蠟和合如面油法火上鎔熬取下乃入藥末在內和勻每用少許臨臥洗面後塗面上勿近眼數日赤自消風刺粉刺一夕見效

白附子散 醫鑑 治面上熱瘡或斑點

白附子 蜜陀僧 白茯苓 白芷 官粉各等分 右為末蘿蔔煎湯洗面後羊乳調成膏敷患處明

早洗去無羊乳則以人乳代

清上防風湯 清上焦火治頭面瘡癩風熱毒

防風一錢 連翹 白芷 桔梗各八分 荆芥 梔子 黃連酒炒 枳殼 薄荷各五分 甘草生

三分 酒炒片苓 川芎各七分 右剉作一貼水煎入竹瀝五匙服

玉容散 治面上黧黯或生燥瘡或生痲癩粉刺之類並皮膚瘙癢能去垢膩

皂角一斤 升麻二兩六錢五分 白芷 白芨 天花粉 菜豆粉各三錢三分半 甘松 縮砂

白丁香各一錢六分半 楮實子一兩六錢五分 糯米三合半 右為末和勻常用洗面一方加樟腦

二錢

連翹散 治面生穀嘴瘡俗名粉刺

連翹 川芎 白芷 片黃芩 川黃連 沙參 荆芥 桑白皮 梔子 貝母 甘草各七分

右剉作一貼水煎食後服回春一名清肺散

紅玉散 治面上一切酒刺風刺黑黧斑

白芨三分 白芷 藿香 牙皂各二錢 甘松 木賊 細辛 三柰子 白丁香 杏仁 蜜陀僧



各一錢 花粉 白茯苓各一錢半 樟腦五分 右為末臨臥用津唾調或乳汁調敷面上明早溫水洗去其面如玉

玉容西施散 林醫 治證同上

菜豆粉二兩 白附子 白芨 白蘂 白殭蠶 白芷 天花粉各一兩 甘松 三柰子 茅香各五錢 零陵香 防風 藁本各二錢 肥皂角一挺去皮絃 右為細末每洗面用之面色如玉

塗容金面方 醫鑑 下同

朱砂 乾胭脂各一錢 宮粉三錢 小腦五錢 烏梅肉五箇 川芎少許 右為細末臨睡時津唾調搽面上天明溫水洗面美如童顏乃神仙妙用之法

白礬散 治粉刺

枯白礬一兩 生硫黃 白附子各二錢 右為末津唾調搽臨臥上藥明早洗去

又方 同春 治粉刺及鼻皴

雄黃 鉛粉各一錢 硫黃五分 右為末臨臥乳汁調塗明早溫水洗去

洗面藥方 治面有黥黯或生瘡及粉刺之類並去皮膚瘙癢垢膩潤澤肌膚

皂角三斤去皮絃子另搗 菜豆八合揀淨另搗 糯米一升二合 甘松七錢 白芨二兩肥者剉

楮實五兩 三柰子 縮砂連皮 升麻 白丁香臘月收揀淨各五錢 右七味同為細末訖和菜豆

糯米粉及皂角末一處攪勻用之效

面油摩風膏 治證同上

麻黃二分 升麻根二錢去皮 羌活去皮一兩 防風二錢 當歸身 白芨各一錢 白檀五分

右以綿裹定前藥於銀石器中用油五兩同熬得所澄清去查以黃蠟一兩再煎熬為度

瑩肌如玉散

香白芷七錢 麻黃去節二錢 白蒺藜 白芨 白丁香 白牽牛 小椒 白蘂各一兩 升麻 當歸稍各五錢 白附二錢五分 楮實子四錢 白茯苓三錢 連翹一錢五分 右為細末每用五

分多少洗之

葶藶大棗瀉肺湯 仲景下同

治肺癰面目浮腫

葶藶熬令黃色搗丸如彈子大 大棗十二枚 右先以水三升煮棗取二升去棗內葶藶煮取一升頓服

木防己湯 治支飲心下堅痞面色黧黑

木防己三兩 石膏十二枚雞子大 桂枝二兩 人參四兩 右四味以水六升煮取二升分溫再服 木防己加茯苓芒硝湯 服前藥不愈此方主之

木防己 桂枝各二兩 人參 白茯苓各四兩 芒硝二合 右五味以水六升煮取二升去查內芒硝再微煎分溫再服微利則愈

四物湯 治陰血虛損面黃或腫

熟地 當歸各三錢 川芎一錢 芍藥二錢 右水二鍾煎服

八珍湯 局方 治氣血兩虛面黃或腫

人參 白朮 茯苓 白芍藥各二錢 熟地黃 當歸各三錢 川芎 炙甘草各一錢 右水煎服 十全大補湯 治證同上兼陽虛者

人參 白朮 茯苓 芍藥各二錢 熟地 當歸各三錢 川芎 黃芪 炙甘草 肉桂各一錢 右水煎服

人參養榮湯 局方 治虛腫

人參 黃芪 當歸 白朮 製甘草 桂心 陳皮各一錢 熟地 五味子 白茯苓各七分 白芍一錢五分 遠志五分 右薑棗水煎服

補中益氣湯 東垣 治證同上

人參 黃芪炒 白朮炒 甘草製各一錢五分 陳皮五分 當歸一錢 升麻 柴胡各二分 右薑棗水煎空心午前服

參苓白朮散 治證同上

人參 山藥炒 白扁豆去皮薑汁炒 蓮肉去心一斤八兩 桔梗炒黃色 白茯苓去皮 砂仁

薏仁炒 製甘草各一斤 白朮二斤米泔浸炒 右為細末每服二錢米湯調下或加薑棗水煎服或

煉蜜丸桐子大每服七八十丸空心米飲白湯任下

六君子湯 治證同上

人參 白朮炒 白茯苓 製甘草 陳皮 半夏各一錢五分 右水煎服

逍遙散 元戎 治陰虛面熱

當歸 芍藥 白朮 茯苓 甘草 柴胡各等分 右薑水煎服

六味地黃丸 金匱 治陰虛面熱

熟地黃八兩蒸搗 山茱萸肉 山藥炒各四兩 澤瀉 丹皮 白茯苓各二兩 右為細末和地黃

膏加煉蜜為丸桐子大每服七八十丸空心食前滾白湯或淡鹽湯任下

八味地黃丸 崔氏 治腎陽虛火上炎面熱

六味地黃丸 加肉桂 製附子各一兩 右丸法如前

加減八味地黃丸 陳氏 治證同上

六味地黃丸 加肉桂一兩 五味子炒四兩 澤瀉切片蒸五次焙用 右丸法如前

黃芪散 良方 治氣虛面腫

黃芪蜜製 糯米炒 阿膠炒各等分 右為細末每服二錢米飲調下

葛花解醒湯 東垣 治酒醺

人參 白朮炒 白茯苓 縮砂仁 白豆蔻 葛花各一錢 青皮炒 陳皮 豬苓 澤瀉各七分

神麩 木香各五分 右生薑五片水二鍾煎七分食遠稍熱服

調胃承氣湯 仲景 治時毒面腫又治面熱

大黃去皮酒浸四兩 甘草炙二兩 芒硝八兩 右三味咬咀以水三升煮取一升去滓內芒硝更上

微火煮令沸少少溫服

大黃湯 治證同上

丹皮 瓜蒌仁各三錢 桃仁去皮尖 大黃煨 芒硝各二錢 右水二鍾煎一鍾食前服

麻黃湯 仲景下同 治證同上

麻黃 桂枝各三兩 甘草一兩 杏仁七十個 右四味以水九升先煮麻黃減二升去沫內諸藥煮取二升半去查溫服八合

小柴胡湯 治證同上又治肝病寒熱往來如瘧面色青

柴胡 半夏各八兩 人參 黃芩 生薑 甘草各三兩 大棗十二枚劈 右七味以水一斗二升煮取六升去滓再煎取三升溫服一升日三服

葛根湯 治時毒面腫

葛根四兩 麻黃去節 生薑各三兩 桂去皮 芍藥 甘草炙各二兩 大棗十二枚劈 右七味咬咀以水一斗先煮麻黃葛根減二升去沫內諸藥煮取三升去滓溫服一升

荆防敗毒散 河間 治證同上

柴胡 荆芥穗 防風 羌活 獨活 前胡 川芎 枳殼 人參 甘草 桔梗 茯苓各等分 右切細加薄荷葉水一盞煎七分去滓溫服

小續命湯 千金 治證同上

麻黃去節 人參 黃芩 芍藥 川芎 防己 炙甘草 杏仁炒 官桂各一兩 防風一兩半 附子炮去皮臍五錢 右咬咀每服五錢用水一鍾半加薑五片棗一枚煎八分溫服

排風湯 局方 治證同上

防風 白朮 當歸酒浸 芍藥 肉桂 杏仁 川芎 白蘚皮 甘草炙各一錢 麻黃去節 茯苓 獨活各三錢 右分二服薑三片水二鍾煎七分食遠服

羌活勝濕湯 治風濕面腫時毒疥癩

羌活 獨活各二錢 藜本 防風各一錢五分 蔓荊子 川芎 炙甘草各五分 右水二鍾煎八

分食後溫服

白虎湯 仲景 治陽明熱壅面腫熱時毒發頤

石膏一斤碎 知母六兩 甘草二兩 糯米六合 右四味以水一斗煮米熟去滓溫服一升日三服

甘露飲 治肺熱時毒

枇杷葉去毛 生地 熟地 天冬 黃芩 麥冬 石斛 茵陳 枳殼各一錢 炙甘草五分 右

作一服水二鍾煎七分食後服

普濟消毒飲 東垣 治時毒

酒黃芩 酒黃連各五錢 人參三錢 橘紅 元參 生甘草 桔梗 柴胡各二錢 板藍根

薄荷 連翹 鼠黏子 馬屁勃各一錢 升麻 白僵蠶炒各七分 右為細末半用湯調時時服之

半用蜜丸噙化服盡良愈

烏金散 三因 治時毒

黃丹炒 細墨烟各一兩 右為末研勻每服三錢食後先用水漱口待心中熱渴欲水便以冷水調下

萬病解毒丹 治證同上 一名玉樞丹 一名紫金錠

山慈姑 俗名金燈籠 去皮洗極淨焙二兩 文蛤 一名五倍子 槌破洗刮內淨焙乾二兩 千金子 一名續隨子 去殼揀

色極白者用紙包裹換紙研數拾次去盡油以紙無油成霜為度一兩 麝香揀盡血毛皮細研三錢

紅芽大戟去蘆根洗淨焙乾一兩五錢 右各研為細末和勻以糯米粥為劑每料分作四十粒於端午

重陽七夕合如欲急用辰日亦得於木白中杵數百下不得令婦人孝子不具足人雞犬之類見之切

宜祕惜不可廣傳輕之無效

紫金丹 治證同上

川烏炮 草烏炮各一兩 五靈脂 骨碎補 木鼈子去殼 青皮 金毛狗脊 防風 烏藥 自然銅酢焯七次 地龍去土 歲靈仙 茴香 陳皮 黑牽牛各半錢 乳香 紅娘子 沒藥

麝香各二錢五分 禹餘糧酢炒四兩 右為細末酢麪糊為丸如桐子大每服十丸至二十九丸溫酒調下

柴胡 梔子散 治證同上

柴胡 梔子炒 丹皮各一錢 白茯苓 川芎 白芍藥 當歸 牛蒡子炒各七分 甘草五分

右水煎服

附子理中湯 仲景下同 治面寒

人參 白朮土炒 乾薑炒 炙甘草各三兩 附子一二三錢或炮用亦可 右水煎服

四逆湯 治證同上

炙甘草二兩 乾薑炮三兩 生附子一枚破八片 右咬咀以水三升煮取一升二合分二次溫服

薑附湯 治證同上

乾薑一兩 附子一枚生用 右每服五錢水煎服

奪命丹 治時毒面腫

蟾酥酒化 輕粉 麝香各五分 枯礬 銅綠 寒水石煨 乳香 沒藥各一錢 硃砂三錢

蝸牛二十個另研無亦可 右為末用蝸牛或酒糊搗丸菜豆大每服二三丸溫酒葱湯下

冲和膏 治證同上

紫荊皮炒五兩 獨活炒三兩 赤芍藥炒二兩 菖蒲 白芷各一兩 右為末葱頭煎湯調搽

升麻湯 治證同上

川升麻 桔梗炒 薏苡仁 地榆 赤芍藥炒 黃芩炒 牡丹皮 生甘草各一錢 右水二鍾煎

八分食遠服

溫胃飲 景岳全書下同 治脾腎氣虛面目浮腫

人參一二三錢或一兩 白朮炒一二錢或一兩 扁豆炒三錢 當歸一二錢 焦乾薑一二三錢

陳皮 甘草各一錢 右水二鍾煎七分食遠溫服

胃關煎 治證同上

熟地三五錢或一兩 山藥炒 扁豆炒各二錢 炙甘草一二錢 焦乾薑 白朮炒各一二三錢  
吳茱萸製五七分 右水二鍾煎七分食遠溫服

廓清飲 治陽明壅實二便秘結頭面滿脹者

枳殼二錢 厚朴一錢五分 大腹皮一二錢 白芥子五七分或一二錢 茯苓連皮 澤瀉各二三錢  
陳皮 蘿蔔子生搗各一錢如不服能食者去之 右水一鍾半煎七分食遠溫服

大分清飲 治胃火煩渴頭面浮腫者

茯苓 澤瀉 木通各二錢 梔子或倍 猪苓 枳殼 車前子各一錢 右水一鍾半煎八分食遠

溫服

抽薪飲 治陽明實熱上炎而頭面浮腫者

黃芩 石斛 木通 梔子炒 黃蘗各一二錢 枳殼 澤瀉各錢半 小甘草三分 水一鍾半煎七分食遠溫服內熱甚者冷服更佳

托裏消毒散東垣下同 治面頰一切腫毒

人參隨證增減 黃芪鹽水拌炒 當歸 川芎 芍藥炒 白朮炒 茯苓各一錢 甘草 連翹各五分 金銀花 白芷各七分 右水煎服

梔子仁湯 治證同上

豆豉百粒 梔子 赤芍 大青 知母各一錢 升麻 柴胡 黃芩 石膏 杏仁 甘草各二錢 右水煎服

人參敗毒散 治證同上

人參 白茯苓 枳殼炒 甘草 川芎 羌活 獨活 前胡 柴胡 桔梗各等分 右薑三片水一鍾半煎服或為細末沸湯點服

消風散局方 治證同上

荆芥穗 炙甘草 人參 川芎 防風 羌活 蟬蛻炒 薄荷 僵蠶炒 茯苓各二錢 陳皮 厚朴各一錢 右為末每服二三錢茶清調下

如意金黃散 治證同上

天花粉十斤 黃蘗 薑黃 大黃各五斤 白芷三斤 厚朴 陳皮 甘草 蒼朮 南星各二斤

右以上共為咀片曬極乾燥磨三次方用密絹羅廚篩出磁壘收貯勿令泄氣

真君妙貼散 治證同上

明淨硫黃十斤為末 蕎麪 白麵各五斤 右共一處用清水微拌乾濕得宜木箱內曬成麪片單紙

包裹風中陰乾收用臨時再研極細用新汲水調敷

冰蠅散 治證同上

大田螺五枚去殼曬乾 冰片一分 硃砂二分 白砒一錢二分麪裏煨熟 右用曬乾螺肉切片同

煨熟白砒研為細末加硃片再研小罐密收

黃芪內托散 治證同上

川芎 當歸 黃芪各二錢 白朮炒 金銀花 天花粉 牙皂鉞各一錢 甘草 澤瀉各五分

右水三鍾煎八分食前服

翠雲散 治證同上

銅綠 膽礬各五錢 輕粉 石膏煨各一兩 右共研極細末磁罐收貯濕瘡乾疹公猪膽汁調

點三日點三次其瘡自乾而愈

柴胡葛根湯 治證同上

柴胡 天花粉 乾葛 黃芩 桔梗 牛蒡子 連翹 石膏各一錢 甘草五分 升麻二分 右

水二鍾煎八分不拘時服

牛蒡甘桔湯 治證同上

牛蒡子 桔梗 陳皮 天花粉 黃連 川芎 赤芍 甘草 蘇木各一錢 右水二鍾煎八分食



後服

玉容丸

甘松 山柰 細莘 白芷 白蘇 白僵蠶 白芨 防風 荆芥 山梔仁 藜蘆 天麻  
羌活 獨活 陀僧 枯礬 檀香 川椒 菊花各一錢 紅棗肉七枚 右為細末用去淨苧膜皂  
角一斤同搥作丸如秋冬加生蜜五錢如皮膚麤槁加牛骨髓三錢早晚洗之肌膚自然瑩潔如玉溫  
潤細膩

玉肌散

菜豆半升 滑石 白芷 白附子各二錢 右共為細末每用三匙早晚洗面時湯調洗患上  
灰米膏 治面身黑痣黑靨及粉刺

石灰一塊 右用鹹水調稠將白糯米插入灰內留半米在外經一宿候米色變如水晶痣上用鍼微微  
撥破置少許水晶者於上半日靨痣之汗自出乃去藥自落矣二三日勿著水

珍珠散 治證同上

琥珀 珍珠粉 鐵粉 花粉 硃砂 寒水石 牙硝 大黃酒浸 生甘草各等分 右為末每服

三錢薄荷湯調下

消腫散 治證同上

大黃 水仙子 山藥 苧根 青露 小赤豆 寒水石 水薑 香蛤粉 花藥石 右將前藥搗

和如乾加酢蜜調勻

勝金丹 治證同上

麝香 白砒製各五分 真蟾酥一錢 雄黃 辰砂 乳香 沒藥 血竭各一錢五分 天龍去頭  
足製 全蠍炮製 穿山甲炙各二錢 殭蠶去絲炙五錢 右為細末和勻每服三分赤沙糖調葱頭

酒送下

七聖散 治證同上

枳殼去瓢麩炒 天麻各一兩 大黃 地骨皮 白茯苓 芎藭各五錢 薏苡仁七錢五分 右為  
 細末每服二錢溫水調下不拘時忌食生冷油膩猪雞  
 追疔奪命湯 治證同上

羌活 獨活 青皮多用 防風多用 赤芍藥 黃連 細莘 甘草節 蟬蛻 脚連即雞爪黃連  
 殭蠶各等分 加河車 澤蘭 金銀花 右咬咀每服五錢先將一服加澤蘭少用葉金銀花各一兩

生薑十片同藥搗爛好酒釀之熱服不喫酒者水煎為妙然後用酒水各一盞半生薑十片煎之熱服  
 汗出為度病退減後再加大黃二錢煎之熱服再以利一兩次去餘毒為妙 有膿加何首烏白芷  
 便秘加青木香大黃牽牛梔子

切瘡消毒散 治證同上

百丈光即天楓一名土人參 苦花子 金腦香 大小青 紫金藤 生藍葉 水棠根 烏苞根 嫩柏根

青王叉 山烏豆 雞屎子 晚祥西 狸咬柴 土木香 臭木待根 右薄荷煎服

洗瘡散 治證同上

柏葉 朴葉 柳枝 連叉葉 右水煎淋洗之

祛瘡散 治證同上

苦花丁一名苦花椒 右搗水服夏月冷服冬月溫服

連翹敗毒散 治發頤初腫服此消之

連翹上 羌活 獨活 荆芥 防風 柴胡 桔梗 川芎 牛蒡子新瓦上炒研 歸尾酒洗

天花粉俱中 紅花酒洗 蘇木 升麻 甘草俱下 右用水酒各一鍾同煎至一鍾去滓徐徐溫服

未消加穿山甲蛤粉炒一錢 腫至面者加香白芷一錢漏蘆五分 大便燥實者加酒浸大黃一錢

五分壯者倍用之凡內有熱或寒熱交作者倍用柴胡加酒洗黃芩一錢酒炒黃連一錢

加味消毒飲子 治搭腮腫

防風 荆芥 連翹 牛蒡子 羌活 甘草等分 右為麤末水煎三兩服散毒然後用藥塗患處

切不可先便用藥塗致毒氣入喉中不救

內托消毒散 治發頤有膿不可消者已破未破服之

黃芪上 人參 防風 白芷 川芎 當歸 桔梗 連翹 升麻 柴胡 銀花 甘草節俱中

右用水酒各一鍾同煎一鍾去滓徐徐溫服 瘡破者以真武膏貼之四圍赤腫不退者仍以藥塗之兼服蠟礬丸最妙

消毒救苦散 治面頰瘡癰消腫散毒

大黃三錢 黃芩 黃連 黃蘗 白藪 白芨 芙蓉葉 大薊根 南星 半夏 紅花 歸尾

檀花 赤小豆 白芷各一錢五分 砂硝 雄黃另研末各一錢 右為末用米酢調塗傳四圍留頭

如乾即又傳

敷毒方 治發頤時毒

見腫消 生白芨 白藪 土大黃 生大薊根 野苧麻根 右共搗成餅入砂硝一錢和勻貼腫上

留頭勿貼如乾即換之若更加山慈菇金線重樓根尤妙

百合散 治頤頰瘡一名獨骨瘡

百合 黃蘗各一兩 白芨二錢五分 蓖麻子五十粒研 右為末用砂硝水和作餅貼之日三五次

二金散 治大人小兒蝕透腮頰初生如米豆名含腮瘡

雞內金 鬱金 右等分為末先用溫漿水盥漱了貼之

芙蓉敷方 治腮頰腫痛或破成瘡

芙蓉葉不拘多少 右搗爛傳之以帛紮定日一換

神效方 治疔腮

赤小豆不拘多少 右為細末以新汲水調敷瘡上及四邊赤腫處乾則再傳之

塗面方 塗黥黯不令生瘡

猪苓 麻黃 桂枝 白蒺藜 白藪 白附子 連翹 防風 白芷 當歸身 白芨 升麻根

右等分爲末洗面用之臨臥唾調少許塗面上

白附丹 治男子婦人面上黑斑點

白附子一兩 白芨 白朮 白薇 密陀僧 白石脂 定粉研細各等分 右爲細末用洗面藥

洗淨臨睡用人乳汁如無用牛乳或雞子清調和丸如龍眼大逐旋用溫漿水磨開傅之

祛風白芷散 治面上風癬瘡

白芷三錢 黃連 黃蘗 黃丹各二錢 白茯苓一錢五分 輕粉一錢 右爲細末用油調搽癬瘡

上或加孩兒茶二錢麝香二分亦可

升麻牛蒡子散郭氏 治時毒瘡疹脈浮洪在表者瘡發於頭面胃膈之際

升麻 牛蒡子炒 桔梗 甘草 葛根 元參 麻黃一錢 連翹二錢 右咬咀薑三片水二盞作

一服

上元許達璋耀南初校  
上元樂學熒敏仙覆校

面門三

方二

鉛紅散 治風熱上攻陽明經絡面鼻紫色斑刺癢疹

船上硫黃 白礬灰各五錢 右為末少許入黃丹染與病人面色同每上五分津液塗之

天麻散 治頭頂痛頭面腫拘急風傷榮衛發燥熱

炙甘草二兩 川芎 細辛 苦參 地骨皮 菖蒲 何首烏 蔓荊子 薄荷葉 杜錢黎

牛蒡子 荆芥穗 蚶蚧草 葳靈仙 防風 天麻各一兩 右為末每服二三錢蜜水調下茶水亦

可不計時

升麻牛蒡子散 治時毒

升麻 赤芍藥 乾葛 青木香 甘草 防風 白芷 荆芥 牛蒡子 桔梗 金銀花 元參

麻黃 連翹 藍葉 右薄荷煎服

芩連敗毒散 治時毒腫發熱左脈浮數者

防風 荆芥穗 黃連 黃芩 連翹 羌活 獨活 柴胡 前胡 川芎 桔梗 金銀花

藍葉 元參 升麻 牛蒡子 赤芍藥 白芷 甘草 乾葛 青木香 右生薑薄荷煎服發熱無

汗加麻黃

葛根牛蒡湯 治時毒腫痛而便利調和者

葛根 貫衆 甘草 豆豉 牛蒡子半生半炒各二錢 右水煎服

返魂丹 治時毒瘡氣疔瘡惡瘡

黃丹 山甲炮 白礬枯 銅青 乳香 沒藥 輕粉 蟾酥各一錢 麝香二分五釐 右為末酒

煮麵糊丸胡椒大每服二丸葱白一根嚼爛裹丸溫酒吞下

漏蘆湯 治時毒頭面紅腫咽喉閉塞水藥不下或素有臟腑積熱發為腫毒疔瘡一切腫瘍惡瘡便實者

漏蘆 升麻 大黃 黃芩 青木香 藍葉 元參 牛蒡子 桔梗 連翹 甘草 苦參 右薄荷煎服

五利大黃湯 治時毒焮赤腫痛煩渴便秘服實數者大效

大黃 黃芩 升麻 梔子 芒硝 右薄荷煎服加連翹元參大青甘草名梔子仁湯

加減解毒丸 治時毒疔瘡瘴氣癰疽發背無名腫毒解砒霜光粉鼠莽蛇犬蜈蚣白蟻蜂蠆菌菰惡瘡等毒可以磨服可以磨塗大效如神

五倍子三兩 山慈姑二兩 大戟一兩五錢 朱砂 雄黃各三錢 麝香二錢 續隨子去殼一兩

右為末秫米粉煮糊杵搗為丸印作錠子陰乾每服一錠井華水磨化服冬月薄荷湯磨化服一切腫毒米泔水磨塗或用芙蓉葉搗汁磨塗更妙凡修合此藥要端午七夕重陽日或選天德月德日德天醫日最佳合時要淨室焚香至誠修製勿令孝婦雞犬見之效驗不可具述

漏蘆散 治臟腑積熱發為腫毒時疫疔瘡頭面洪腫咽喉壅堵塞水藥不下一切危惡疫癘

漏蘆 升麻 大黃 黃芩各一兩 板藍葉 元參各二兩 右為麤末每服二錢水煎服熱甚加芒硝二錢半

消毒丸 治時毒疔瘡惡證

大黃 牡蠣煨 白僵蠶炒各一兩 右為細末煉蜜丸彈子大新水化下一丸無時用桔梗鼠粘子湯化下尤妙

防風通聖散 治時毒熱毒便秘熱燥若時毒饑饉之後胃氣虧損者須當審察非大滿大實不用

防風 當歸 川芎 白芍藥 大黃 芒硝 連翹 薄荷 麻黃 桔梗 石膏 滑石 黃芩各一兩 甘草二兩 白朮 山梔子 荆芥穗各二錢五分 右水煎服或為末白湯調下量入虛實

通聖消毒散 治時毒腫痛表裏俱實者

防風 荆芥 連翹 赤芍藥 歸尾 青木香 黃芩 麻黃 梔子 牛蒡子 黃連 黃蘗  
石膏 滑石 大黃生 砂硝 川芎 桔梗 元參 藍葉 甘草 右薄荷煎服大便利去大黃砂  
硝

中和湯 治時毒脈浮在半表半裏者  
菖蒲 牛蒡子 川芎 羌活 防風 漏蘆 荆芥 麥門冬 前胡 甘草各等分 右咬咀每服  
一兩水煎服

芩連消毒飲 治時毒發熱惡寒頭項腫痛脈洪數  
防風 荆芥 連翹 柴胡 牛蒡子 黃芩 川芎 羌活 桔梗 藍葉 射干 青木香 黃連  
甘草 金銀花 白芷 右薄荷煎服

瀉陰火升陽湯 東垣下同 治肌熱煩熱面赤食少喘咳痰盛  
羌活 甘草 黃芪 蒼朮各一兩 升麻八錢 柴胡一兩半 人參 黃芩各七錢 黃連酒炒  
石膏各五錢秋深不用 右咬咀每服一兩或五錢水煎服

三黃補血湯 治六脈俱大按之空虛面赤善驚上熱乃手少陰心脈也此氣盛多而亡血以甘寒  
真文之劑 金匱之劑大瀉其氣以墜氣浮以辛甘微苦峻補其血  
丹皮 黃芪 升麻各一錢 柴胡錢半 熟地 川芎各二錢 生地三錢 當歸 白芍各五錢

右咬咀如麻豆大每服五錢水二大盞煎至一大盞去查稍熱服食前  
補中湯 治面黃汗多目赤四肢沉重減食腹中時時痛欬嗽兩手寸脈短右手脈弦細兼澀關脈  
虛

升麻 柴胡 當歸各二分 神麴炒三分 澤瀉四分 大麥麩 蒼朮各五分 黃芪二錢五分  
炙甘草八分 五味子二十箇 紅花少許 右咬咀分作二服水二盞煎至一盞去查食遠服  
菊葉湯 治一切風頭目昏眩嘔吐面目浮腫者

菊花去梗 羌活 獨活 旋覆花 牛蒡子 甘草各等分 右為末每服二錢水一盞生薑三片同

煎至七分去查溫服食後

密補固真丹 治脾腎真元虛損面鰲身悴目黃口燥髮墮爪退風虛偏枯中滿膈氣一切脾胃虛

證常服補養宣通氣血

天南星五錢 半夏製 神麴 麥蘖 茴香炒 三稜炮 白附子 乾生薑 川烏頭生各一兩

巴豆七箇 牽牛三兩 代赭石二兩 官桂一分 右為末水和丸小豆大每服十九丸加至五十九丸溫

水下除泄瀉外並加大黃一兩

天水散 治面熱

滑石六兩 炙甘草一兩 右為極細末水調服

七白散 治面上黧黯

白薇 白朮 白牽牛 白附子 白芷 白芍 白殭蠶各等分 右為末用洗面

破棺散 治厥陰面目俱青心下硬四肢冷脈細而欲絕用之

硫黃酒糞 朱砂研各一兩 右二味酒丸雞頭大入室中勿令人知同病人身沃長掘一坑深一尺入

粟稗火燒坑子極熱醋五升氣出衣被鋪坑以酒化一丸服之後令病人坑上臥少時汗出

五皮散 治男子婦人脾胃停滯頭面四肢悉腫心腹脹滿上氣促急胃膈煩悶痰涎上壅飲食不

下行步氣奔於狀如水病先服此藥能疎理脾氣消退虛腫切不可亂服瀉水等藥以致脾元虛

損所患愈甚此藥平良無毒多服不妨

生薑皮 桑白皮 陳橘皮 大腹皮 茯苓皮各等分 右為塵末每服三錢水一盞半煎至八分去

查不計時候溫服忌生冷油膩硬物

當歸補血湯 治血氣損傷或妄服峻劑致氣血益虛肌熱大渴引飲目赤面紅脈洪大而虛重按

全無此病多得饑飽勞役者

黃芪蜜炙一兩 當歸酒炙三錢 右水煎服

十補丸 治腎臟虛冷面頰鰲黑足寒耳聾膝軟小便不利等證



附子炮 五味各二兩 山茱萸 山藥 桂心 牡丹皮 鹿茸炙 澤瀉 茯苓各一兩 右為細

末煉蜜丸如桐子大每服六七十丸鹽湯送下

涼膈散 治上焦積熱煩渴面赤頭昏咽燥喉痛口瘡便溺赤澀並宜服之

連翹去心四兩 大黃 礞石 山梔子 黃芩 薄荷葉各一兩 右為末每服五七錢水煎

梔子仁湯 治時毒腫痛大便秘結等證

鬱金 枳殼麩炒 升麻 山梔子仁炒各等分 右每服五錢水煎服

異功散 治久欬不已或腹痛少食面腫氣逆又治脾胃虛弱飲食少思面黃等證

人參 白茯苓 白朮 甘草 陳皮各等分 右每服三五錢薑棗水煎服

神效黃芪湯 治頭面手足麻木不仁目緊縮小及羞明畏日或視物不明

黃芪二兩 人參八錢 陳皮五錢 甘草炙 白芍藥 蔓荊子各一兩 右每服五錢水煎臨臥熱

服如麻木不仁雖有熱證不用黃芪更加黃芪

升陽益胃湯 治脾胃虛弱四肢怠惰時值秋燥之令體重節痛口乾燥飲食無味大便不調小便

頻數兼見肺病洒淅惡寒面色惡而不和乃陽氣不伸故也當升陽益胃

羌活 獨活 防風各五錢 柴胡 甘草炙 人參 半夏 黃芪炙各一兩 白茯苓 澤瀉

白朮各三錢 白芍藥 黃連 陳皮各四錢 右每服三五錢薑棗水煎服

茯苓滲濕湯 治黃疸寒熱嘔吐渴飲飲水身體面目俱黃小便不利全不思食不得臥

茵陳七分 白朮 黃連 猪苓 陳皮 澤瀉 蒼朮米泔浸一宿炒各五分 白茯苓六分 山梔

子炒 防己 秦艽 葛根各四分 右水二鍾煎七分食前服

大菟絲子丸 治腎氣虛損五勞七傷脚膝痠疼面色黧黑目眩耳鳴心忡氣短時有盜汗小便

滑數

菟絲子洗淨酒浸 肉桂去麤皮 附子炮去皮 鹿茸去毛酥炙 澤瀉 石龍芮去土各一兩

石斛去根 熟地黃 防風去蘆 白茯苓去皮 牛膝酒浸一宿焙乾 山萸肉 肉蓯蓉酒浸焙

杜仲去麤皮炒去絲 補骨脂去毛酒炒 沉香 葦澄茄 巴戟去心 茴香炒各三兩 五味子  
 桑螵蛸酒浸微炒 覆盆子去枝葉并萼 芎藭各半兩 右為細末酒煮麵糊丸如桐子大每服二十  
 丸空心溫酒鹽湯送下

又方 治酒皴雀斑等疾亦可點痣最妙

黃丹五文 硃砂三十文研極細末 巴豆十粒去殼心膜紙搥去油 酒藥餅五十文罐子盛 右同  
 入餅藥罐子中慢火煎兩三沸取下續入研細生礦灰三錢雞子清調勻雀斑用小竹棒挑藥點患處  
 纔覺小腫即洗去不洗恐藥力太猛

又方 治面上風瘡

大楓油五十文 草烏一箇為末 輕粉一百文 麝香一百文 右先將草烏入油內熬令勻取出少  
 時下輕粉麝香末攪勻每用少許擦患處令熱旬日瘡一方無輕粉用生薑擦患處傳藥

五皮散 和劑 治風濕客於脾經氣血凝滯以面目虛浮四肢腫滿

五加皮 地骨皮 生薑皮 大腹皮 茯苓皮各等分 右咬咀每服三錢水一盞煎七分熱服

導滯通經湯 醫鑑 治脾濕有餘及氣不宣通面目手足浮腫

木香 白朮 桑皮 陳皮各五錢 白茯苓去皮一兩 右咬咀每服五錢水二盞煎一盞去渣溫服

空心食前

葶藶丸 治肺氣咳嗽面目浮腫喘促不安小便赤色

甜葶藶隔紙炒 貝母煨黃色 木通各一兩 杏仁去皮尖雙仁炒 防己各二兩 右為細末用棗

肉和丸如梧桐子大每服五十九丸桑白皮煎湯食前送下

元參升麻湯 治心脾壅熱舌上生瘡木舌舌腫或連面頰兩項腫痛

元參 升麻 犀角 赤芍藥 桔梗 貫衆 黃芩 甘草各等分 右咬咀每服四錢水一盞半煎

七分去渣不拘時服

羌活當歸散 治風毒血熱頭面生瘡或赤腫或成塊或癢疹瘙癢膿水淋漓

羌活 當歸 川芎 黃連酒浸炒 鼠黏子蒸 防風 荆芥 甘草 黃芩酒炒 連翹 白芷  
升麻各一錢 右用酒拌曬乾水煎服

菊花散 治一切風頭眩目昏面浮腫  
菊花 旋覆花 牛蒡子 羌活 獨活 甘草炙各等分 右咬咀每服五錢水二鍾生薑二片煎至  
一鍾食遠服

白蘇皮湯 治肺受風面白色枯頰時赤皮膚乾燥鼻塞乾痛此為虛風

白蘇皮 麥冬 白茯苓 杏仁去皮尖雙仁炒 細辛 白芷各一兩半 桑皮 石膏研各二兩  
右每服三錢水三盞先煮大豆三合取汁一盞去豆下藥煎至七分去渣不拘時服

大楓油 治肺風面赤鼻赤  
草烏尖七箇 大楓油五十文 真麝香五十文 右以草烏尖為末入麝研勻次用大楓油磁盒子二  
盛於火上調勻先以生薑擦患處次用藥擦之日三次兼服後何首烏丸即除根本

何首烏丸 治肺風面赤鼻赤  
何首烏一兩五錢 防風 黑豆去皮 荆芥 地骨皮洗各一兩 桑白皮 天仙藤 苦參 赤土  
各五錢 右為細末煉蜜丸如梧桐子大每服三四十九丸食後茶清下一方有藁本一兩

透冰丹 治一切風毒上攻頭面腫癢痰涎壅塞心胃不利口舌乾澀風毒下注腰脚沉重腫痛生  
瘡大便多祕小便赤澀

川大黃 山梔子 蔓荊子 白茯苓 益智子 白芷 葳靈仙洗焙乾各五錢 麝香研一錢  
香墨煨酢滓訖細研一錢 茯神半兩 川烏二兩河水浸半月焙乾鹽炒 天麻 仙靈脾葉洗焙

右為細末煉蜜和如麥飴相似以真酥塗杵白搗萬杵如乾旋入蜜令得所和成劑每服旋丸如梧子  
大用薄荷自然汁同溫酒化下兩丸如卒中風涎潮昏塞煎皂莢白礬湯放溫化四九灌之癱瘓風每  
日服三五丸漸覺有效常服一丸疎痰利鬲用溫酒下食後服或小兒驚風入膩粉少許薄荷汁化下  
半丸立效治癩癧葱湯化下一丸忌動風毒物

...

...

冬瓜子散 治面鼻酒皰如麻豆疼痛黃水出  
 梔子仁二兩 冬瓜子仁 柏子仁 白茯苓 葵子微炒 枳實麩炒各一兩 右為細末每服二錢  
 食後米飲調下

荊芥散 治肺風皰疱

荊芥穗二兩 防風 杏仁去皮尖 白殭蠶炒 蒺藜炒去刺 炙甘草各一兩 右為細末每服二錢

錢食後茶清調下

蓖麻子膏 治酒皰鼻及肺風面赤生瘡

蓖麻子 輕粉 瀝青 硫黃俱研 黃蠟各二錢 右以麻油一兩熬成膏以磁器盛之每用小許塗

於患上最妙

茵陳散 治牙齒疼痛面上赤腫疼痛及去骨槽風熱

茵陳 白殭蠶 連翹 半夏 荊芥穗 麻黃 升麻 獨活 大黃 薄荷 黃芩 丹皮

射干羌活各二錢半 細辛五錢 牽牛一兩 右為細末每服三錢水一盞先煎湯熟下藥末攪一攪

急瀉出食後連查熱服

大追風散 治久新偏正頭疼肝臟久虛血氣衰弱風毒上攻頭目眩運心煩百節痠疼身寒聲重

項背拘急皮膚瘙癢面上遊風狀如蟲行一切頭風兼治婦人血風攻注此藥消風化痰清利頭

目

川烏炮去皮臍 防風 白殭蠶炒去絲 川芎 石膏煨 甘草炙 荊芥各一兩 南星 天麻

地龍去土炒 全蠍去毒炒 白附子炮 羌活 白芷各五錢 乳香另研 沒藥另研 草烏炮

雄黃各一錢五分 右為細末每服半錢臨睡時候用細茶湯調勻送下

清震湯 治頭面疔瘡增寒拘急發熱狀如傷寒

升麻 蒼朮用米泔水浸一宿各四錢 荷葉一箇全者用之 右用水二鍾煎八分食後服

八參蛤蚧散 治三二日間肺氣上喘咳嗽咯唾膿血滿面生瘡遍身黃腫

蛤蚧一對全者河水浸五宿逐日換水洗去腥氣酥炙黃色 炙甘草三兩 杏仁去尖炒黃腫  
人參 白茯苓 貝母 桑白皮 知母各三兩 右共為細末用磁器內盛每日如茶點服最妙

菊花散 千金方下同 治頭面遊風

菊花一兩 細莘 附子 桂心 乾薑 巴戟 人參 石楠 天雄 白茯苓 秦芫 防己

防風 白朮 山茱萸 薯蕷各三兩 蜀椒五合 右十七味治下篩酒服方寸匕日三

又方 治頭面上風

松脂 石鹽 眞蜜蠟 杏仁各一兩 薰陸香二兩 蓖麻仁三兩 右六味熟搗作餅淨剝百會上

髮貼膏膏上安紙三日一易若癢刺藥上不久風定

犀角湯 治風毒熱頭面腫

犀角 生薑各二兩 苦參 枯蕒根 防風各一兩 石膏六兩 黃芩 青木香 升麻各三兩

防己一兩五錢 竹葉二握 右十一味咬咀以水七升煮取二升分三服相去十里久內消不利

防風散 治頭面偏身風腫

防風二兩 白芷一兩 白朮三兩 右三味治下篩酒服方寸匕日三

摩膏 治頭中二十種病面上游風髮禿落者

蜀椒 莽草各二兩 桂心 藺茹 附子 細莘各一兩五錢 半夏 乾薑各一兩 右八味咬咀

以生豬肪二十兩合搗令肪消盡藥成先沐頭令淨然後以藥摩頤上日一即愈如非十二月合則用

生烏麻油和塗頭皮沐頭令淨乃用之一項生髮如昔必效一方無蜀椒莽草半夏乾薑

王不留行湯 治頭面久瘡去蟲止痛

王不留行 東引茱萸根皮 桃東南枝各五兩 蛇牀子 牡荊子 苦竹葉 蒺藜子合三升

大麻仁一升 右八味咬咀以水二斗半煮取一斗洗瘡日再並療癰疽妬乳月蝕瘡爛

鷓鴣頭酒 治風頭眩轉面上遊風

飛鷓鴣頭五枚 獨活二兩 扶神 枳實 乾薑 葛根 桂心 貫衆 天雄炮 蜀椒 人參

細辛各三兩 薯蕷 芎藭各四兩 山萸一升 石楠一作石膏 麥門冬一作天冬 去心各五兩 右十八

味咬阻絹囊盛清酒四斗漬六宿初服二合日再服補和以知為度一方無茯神

清涼拔毒散治瘡全 治面毒

白芨 雄黃 麝香 乳香 山慈姑 天花粉 黃蘗 烏蘗 右為末雞子清調敷蜜水潤之

參朮內托散 補托前證

人參 白朮 粉甘草 犀角屑 貝母 黃連 防風 黃芩酒炒 羌活 桔梗 當歸 生地

白芍 前胡 天花粉 右咬咀水二鍾薑三片煎服因病之逆從而加減之

犀角鬱金散 治前證能托積毒

犀角屑 鬱金 真珠 牛黃 粉甘草 乳香 真粉 辰砂 煉蜜為丸噙化

清肝流氣飲 治疔腮毒

枳殼 桔梗 黃芪 前胡 羌活 生甘草 石膏 防風 川芎 白芍藥 荆芥 白芷

生地 薄荷 右水煎服

托裏流氣飲 補托前證

人參 黃芪 當歸 川芎 白芍藥 甘草炙 防風 厚朴 烏蘗 官桂 木香 薑三片棗一

枚煎服患處用圍藥敷之

千金內托散 治發頤

桔梗 厚朴 白芷 防風 人參 黃芪炙 川芎 甘草 當歸 官桂 黃芩 白朮炒 水煎

服

不換金散 治證同上

半夏 厚朴 蒼朮 陳皮 人參 白茯苓 藿香 木香 右咬咀水煎溫服後再服乳香護心散

仍貼金絲膏

驅風破毒散 治骨槽風

白礬 巴豆去殼油 紅內硝 草烏尖 薄荷 猪牙皂角各等分 右為細末吹之

又方 治證同上

天麻 防風 草烏 萆薢 細辛 乳香另研 川芎 礪砂 薄荷 麝香另研 溫水漱口或鼻內吹之

清熱消疔散 治證同上

乾葛 升麻 生甘草 貝母 黃連 黃芩 白茯苓 桔梗 薄荷 防風 荆芥 羌活 青皮 牡丹皮 當歸 白芍 生地 鼠黏子 水二鍾燈心三十莖煎服 虛加人參白朮年久加草龍膽 熱加柴胡前胡

珍珠冰片散 治證同上

珍珠製 紅絨末 人中白煨 雞內金煨存性 銅青 青礬 黃連 孩兒茶 細芽茶各一錢 枯礬二錢 冰片五分 麝香二分 右為細末先用蚌水繳淨患處每摻入之一日夜一二十次方愈 男婦皆然并服煎劑

白礬散 景岳全書下同 治面上肺風

白礬 硫黃 乳香各等分 右為末綿裹擦之或加茄汁調敷患處更妙

硫黃散 治面生粉痣

硫黃 輕粉各一錢 杏仁五分 右為末用蜜酒調於臥時塗上早洗去效或用津唾調搽更妙

連子術術方 治雀斑

白芷 甘菊花去梗各三錢 白果二十箇 紅棗十五箇 珠兒粉五錢 猪胰一箇 右將珠粉研細餘俱搗爛拌勻外以蜜拌酒釀頓化入前藥蒸過每晚搽面早洗去

黃連消毒散 東垣 治時毒面腫

川黃連炒 羌活各一分 黃芩 黃蘗 桔梗 藜蘆 防己各五分 當歸尾 連翹 防風 獨活 知母炒 生地黃各四分 人參 甘草各三分 黃芪 蘇木 陳皮 澤瀉各二分 右水

煎服

仙方活命飲 治證同上

穿山甲蛤粉炒黃 白芷 防風 花粉 乳香 赤芍藥 當歸尾 沒藥研 貝母 皂刺 甘草 各一錢 金銀花 陳皮各三錢 右酒一碗煎數沸溫服

清陽散火湯 治骨槽風牙根盡處結腫連及耳項作痛

升麻 白芷 黃芩 牛蒡子 連翹 石膏 防風 當歸 荆芥 白蒺藜各一錢 甘草五分 水二鍾煎八分食後服

上元許達璋耀南初校  
上元樂學熒敏仙覆校



面門四

單方

益母草入面藥令光澤五月五日採根葉曝乾搗末水和作團如雞子大大火燒一炊久經一伏時取出

磁器中再研餘收之使如燥豆法能去風刺粉刺令面悅澤本草下同

瓜萸根悅澤人面療手面皺作粉常塗之妙

白芷去黥黯疵癥潤澤顏色可作面脂常用

指爪破面取生薑汁調輕粉傅之便無癥痕得效

藁本去黥炮酒皴粉刺潤澤顏色可作沐藥面脂本草下同

土瓜根去面上痞癰為細末漿水和勻入夜漿水洗面傅藥朝復洗之仍得光潤皮急白日光華射人

白茯苓去黥黯及產婦黑胞如雀卵為細末蜜和常常塗面良

桑葉治面上肺毒瘡如大風瘡取葉洗淨蒸熟日乾為末水調二錢服日三名綠雲散

蜜常傅面如花色久傅之佳

真珠除黥黯癥點令面潤澤好顏色研為粉和乳汁常塗之

白僵蠶滅黥黯癥痕令面色好為末常塗之又與衣魚鷹屎白等分為末和乳汁塗癥痕便滅

覆盆子令人好顏色久食之佳蓬蘽同功

烏梅肉去黑點黑痣蝕惡肉和諸藥以點之

面生雀子癥取梅肉櫻桃枝猪牙皂角紫背浮萍等分為末如常法洗面其癥自去入門

栗上薄皮搗為末蜜和塗面令皮肉急縮可展又治老人面皺本草下同

菟絲子苗去面黥及粉刺癥點搗苗取汁常塗之

杏仁去面黥搗為末和雞子白夜臥塗面明早溫酒洗之

傷風面腫杏仁搗爛傅之

冬瓜仁令面光澤好顏色去黑癥黑點可作面脂常用

冬瓜取仁三五升去皮搗為末蜜丸空心服三十九丸久服令人面潔如玉

葱白主傷風面目浮腫煎湯飲之洗之

鷓鴣屎去面上黚黚黑癥疣癩疥癩疥取尿白猪脂調塗

熊脂主面上黚黚黑癥悅澤人面可塗之兼食之

羚羊膽主面多黚黚如雀卵色取膽和酒煮沸以塗拭之日三即瘥

大猪蹄令老人面光澤猪蹄一具治如食法煮漿如膠夜以塗面曉以漿水洗即面皮急矣

鹿角炙為末酒服二錢日二久服面色如花

鹿角以漿水濃磨如泥塗面令不皺兼去瘡胞光華可愛

年少氣盛面生胞瘡麋鹿脂塗之即瘥

又方被打頭面青腫羊肉牛肉或猪肉炙令熱貼腫上即愈

時行腮腫用柏葉末調蚯蚓糞塗之丹溪方

疔腮腫痛酢調石灰傅之簡便方

腮頰熱腫赤小豆末和蜜塗之一夜即消或加芙蓉葉尤妙

風熱腮腫絲瓜燒存性研末水調搽之嚴月軒方

面皰鷹屎白二分胡粉一分蜜和傅之外臺

減面上痕用鷹屎白和人精傅日三千金

又方鷹屎白二兩殭蠶一兩五錢為末蜜和傅聖惠

又方鷹屎白白附子各一兩為末酢和傅日三五次痕滅止總錄

面色黚黑牡蠣粉研末蜜丸梧子大每服三十九丸白湯下日一服並製其肉食之普濟方

面皰即黑子也羚羊膽牛膽各一枚酢二斤同煮三沸頻塗之外臺

面黑令白馬珂白附子珊瑚鷹屎白等分爲末每夜人乳調傅日以漿水洗之聖惠下同

面瘡黥胞烏蛇肉二兩燒灰臘猪脂調傅  
面黑黥胞羚羊膽牛膽各一個醇酒三升煮三沸夜夜塗之肘後方  
消滅癥痕以猪脂三升飼烏雞一隻二日後取尿同白芷當歸各一兩煎十沸去查入鷹屎白五錢調傅

外臺

雀斑面胞雞卵酢浸壞取出傅之聖惠下同

消滅癥痕雞子五七枚煮熟取黃炒黑拭塗日三久久自滅

面上黑黯白殭蠶末水和搽之

粉滓面黥令人面色好用白殭蠶黑牽牛細莘等分爲末如澡豆日用之斗門方

鯨刺雕青以白馬汗搽上再以汗調水蛭末塗之儒門事親

酸漿水能白人膚體如繪帛去黥黯黑子以煖漿水洗面以布揩黑子令痛水研白檀取汁塗之

硃砂好顏色水飛爲末并華水點少許傅之

面上痞癩大風用乾蟹螯末以生油調傅約半日痞癩脹起以軟帛拭去藥以棘針挑破近下令水出乾

不得剝其瘡皮不可以藥近口眼若是尖痞癩子即勿用此別用枯礬末以治之極效

面上木痹用牛皮膠化和肉桂末厚塗之一二分良葉氏摘元方

身面印文刺破以酢調赤土傅之乾又易以黑滅爲度千金方

面黑令白白羊乳三斤羊脰三副和搗每夜洗淨塗之旦洗去總錄

滅諸癥痕大鼠一枚以臘猪脂四兩煎至銷盡濾淨日塗三五次先以布拭赤要避風普濟方

面上黥點取白蜜和茯苓末塗之七日便瘥也孫真人食忌

人面黥黑皮厚狀醜用羚羊脛骨爲末雞子白和敷旦以白梁米泔洗之三日如素神效肘後方下同

面上胞瘡用雞子浸於三歲苦酒中三宿待軟取白塗之

面黑令白雞子三枚酒浸密封四七日每夜以白傅面如雪白也普濟方下同

塗面駐顏雞子一枚開孔去黃留白入金華胭脂及硃砂少許紙封與雞抱之俟別卵抱出以塗面洗之  
半年尚紅也

面黑令白土蜂子未成頭翅者炒食併以酒浸傅面聖惠方

雀斑面胞七月七日取露蜂子於漆椀中水酒浸過濾汁調胡粉傅之普濟方

面上皴皴黥黥用木蘭皮細切以三年酢漿漬之百日曬乾搗末每漿水服方寸七日三服肘後用梔子

仁一斤古今錄驗方

身面白駮鮎魚半斤一頭去腸以粳飯鹽椒如常作鮓以荷葉作三包繫之更以荷葉重包令臭爛先以

布拭赤乃炙鮓包乘熱熨令汗出以綿衣裹勿令見風以瘥為度總錄

白礬治粉刺白礬末酒調塗之得效方

面上粉痣銅綠為末晚時切生薑蘸擦之

面腫為風宜用羌活防風升麻白芷牛蒡子之屬外杵杏仁如膏傅之

面上細瘡常出黃水桃花陰乾加當歸或杏花作末洗面

密陀僧治面上黥黥斑點細研為末人乳調塗每夜用之亦令面生光華又治面鼻赤皴本草下同

石灰去面上黑子瘰肉及粉刺

面上黃水瘡併日生瘡三月三日取桃花陰乾為末每食後熟水下方寸匕日三次良或浸酒飲之亦良

面上五色瘡用溫鹽湯新綿浸搗瘡上日五六度即瘥本草

面上粉刺用不語唾塗之或搗菟絲子汁塗之或以白礬末少許酒調塗之

面黑令白冬瓜一箇竹刀去皮切片酒一升半水一升煮爛濾去滓熬成膏瓶收每夜塗之聖濟總錄

面裏皮痛何首烏末薑汁調成膏傅之帛蓋以火炙鞋底熱熨之

面赤酒皴生附子川椒野葛少許剉酢浸一宿取出用猪脂同煎以附子黃為度去滓時時塗之  
又方硫黃半兩蝸牛殼自死枯乾小者為上木香各半兩虢丹半兩俱為末杏仁半兩去皮研膏入臘月

猪脂調成膏夜臥時用漿水先洗面令乾以藥塗患處平明洗去濕癬以米泔水洗却上前藥

搭腮腫赤小豆為末雞子清調貼之酢調貼之亦效日

又方石灰炒熱於地下窖冷如此七次為末酢調傅立消醫

又方細莘草烏等分為末入蚌粉猪脂調傅腫處口含白梅置腮邊良久腫退出涎患消矣丹溪心法

面赤用好黃蘗剉碎四兩人乳浸拌勻以日曬乾再浸拌勻如此六七次為妙然後為細末臨臥茶清或

湯調下二錢有奇效

疥腮用柏葉車前草柏子仁杵碎熱傅患處或用雞子清調赤小豆末

凡伸欠頰車蹉但開不能合以酒飲之令大醉睡中吹皂角末噴其鼻嚏透即自正三因方

汗出中風面腫或連頭項或連手足用牛蒡子研爛酒煎成膏貼之並服三匙本草下劑

頭面腫大疼痛以太黃二兩同疆蠶一兩為末薑汁和丸彈子大服

飢氣熏面浮腫以久用炊布燒灰傅之即消

歲麩治面上黑點久服令好顏色

面黑用女苑鉛丹為末酒服男女二十日黑從大便出

面上黑斑蒼耳葉為末服之

天門冬同蜜搗丸日用洗面去黑

面上雀斑用山柰同鷹屎白密陀僧蓖麻仁為末夜塗旦洗之

面上風刺粉刺白牽牛酒浸為末塗之

面上紫胞羊蹄根同薑汁椒末穿山甲灰泡擦之

面上黑斑桑耳焙乾研每食後熱湯服一錢一月愈摘元方

頭面風腫杏仁搗膏雞子黃和杵塗帛上厚裹之乾則又塗不過七八次愈千金方

面上皴炮野鴨夏枯草燒灰入紅豆洗之

面上粉刺蒼蓮子酢浸揩面令人光澤

雀斑用桃花同冬瓜仁研蜜塗之粉刺如米同丹砂末服令面紅潤

香瓣瘡生面頤耳下浸淫出水用殺羊鬚荆芥乾薑燒入輕粉搽耳腮疔腫及喉下諸腫用蝸牛同麪研傅之

面上毒瘡初起者急尋水蜒蚰一二條用醬少許共搗塗紙上貼之即退紙上留一小孔出氣此乃凌漢章祕傳極效方也 談楚翁試驗方

喘嗽面浮並四肢浮者蛤蚧一雌一雄頭尾全者法酒和蜜塗之多熟紫團人參似人形者半兩為末化蠟四兩和作六餅每煮糯米薄粥一盞投入一餅攪化細細熱呷之 普濟方

面上紫塊如錢大或滿面俱有野大黃四兩取汁穿山甲十片燒存性川椒末五錢生薑四兩取汁和研生絹包擦如乾以酢潤濕數次如初累效 陸氏積德堂方

少年面皤粉刺面黚用浮萍日接盪之並飲汁少許 外臺 又方用紫背萍四兩防己一兩煎濃汁洗之仍以萍於斑點上熟擦日三五次物雖微末其功甚大不可

小看 普濟方 身面疣目杏仁燒黑研膏擦破日日塗之 千金方

身面癩痕用禹餘糧半夏等分為末雞子黃和傅先以布拭赤勿令見風三十日自滅十年者亦能滅去 聖濟錄

頭面諸瘡芝麻生嚼傅之 普濟方 黚黯皸皸銀杏同酒糟嚼塗之

面黑令白用白楊皮同桃花白冬瓜子服之 身面白癩以酒服生芝麻油一合一日三服至五斗瘡忌生冷猪雞魚蒜等百日 千金方

身面白丹白瓷瓦末和猪脂塗之 梅師方 癩痕凸起熱瓦熨之 千金方

痣黚疣贅花糠礦灰以小麥稈灰汁煎一味令乾等分為末以針刺破水調點之三日三上即去須新合乃效 聖濟錄

身面赤疵常以銀措令熱久久自消千金翼

面黧黑痣以草割破銅絲末傅之三日勿洗水自落厚者再上之聖濟錄

身面疔瘡出黃汁者葵根燒灰和猪脂塗之食療本草

粉滓面黧雲母粉杏仁等分爲末黃牛乳拌略蒸夜塗日洗聖濟錄

少年面皤水銀胡粉等分研臘猪脂和夜塗日拭勿見水三度瘥肘後方

菌桂養精神久服面生光華常如童子

肺風面瘡用蓖麻子大棗瓦松白果肥皂爲丸日三次

面上癩痕用蒺藜子山梔子各一合爲末酢和夜塗日洗之救急方

面瘡用絲瓜牙皂燒擦

金腮瘡初生如米豆大久則穿蝕用雞內金鬱金傅之

面皤用馬蘭子花杵傅之佳肘後方

疣痣瘡贅用石灰一兩桑灰淋汁熬成膏刺破點之普濟方

身面洪腫甘遂二錢生研爲末以豬腎一枚分爲瓣入末在內濕紙包煨令熟食之日一服至四五服

當覺腹鳴小便利是其效也肘後方

黑子疣贅續隨子熟時點之自落普濟方

頭面忽腫熱毒風氣內攻或連手足赤腫觸著痛者牛蒡子根一名蝙蝠刺洗淨研爛酒煎成膏絹攤貼

腫處仍以熱酒服一二匙腫消痛減斗門方

面上雀斑蓖麻子仁密陀僧硫黃各一錢爲末用羊髓和勻夜夜傅之摘元方

面上癩癧取鐵掃帚地上自落葉並子煎湯頻洗數次自消善域神方

面上黧黯白附子爲末臥時漿水洗面以白蜜和塗紙上貼之久久自落衛生易簡方

黑氣上面半夏焙研米酢調敷不可見風不計遍敷從早至晚如此三日皂角湯洗下面瑩如玉也摘元方

面上生瘡曼陀羅花曬乾研末少許貼之自愈衛生易簡方

頭風面瘡癢出黃水艾二兩酢一升砂鍋煎取汁每薄紙上貼之一日上二次御藥院方

面上黥黯艾灰桑灰各三升以水淋汁再淋至三遍以五色布納於中同煎令可丸時每以少許傅之自爛脫或與藜灰汁同熬膏點之甚妙外臺秘要

粉刺黑斑五月五日收帶根天麻紫花者曬乾燒灰以商陸根搗自然汁加酸酢和搜灰作餅炭火煨過收之半年方用入面藥甚能潤肌閩關事宜

身面疣日用蠟紙卷硫黃末少許點之焯之有聲目去普濟方

身面瘰子用白礬地膚子等分煎水頻洗之多能鄙事

面多黥黯雀卵色苦酒漬木日日拭之極效肘後方

面黃食少男婦面無血色食少嗜臥蒼朮一觔熟地黄半觔乾薑炮一兩春秋七錢夏五錢為末糊丸梧子大每溫水下五十丸濟生拔萃方

身面卒腫洪滿用皂莢去皮炙黃剉三升酒一斗漬透煮沸每服一升一日三服肘後方

鼻面酒皴用南方沒石子有孔者水磨成膏夜夜塗之甚效危氏得效方

面上膿瘡柳絮膩粉等分以燈盞油調塗之普濟方

面上惡瘡不可名識者柳葉或皮水煮汁入少鹽頻洗之肘後方

面上粉刺癩子如米粉用桃花丹砂各三兩為末每服一錢空心井水下日三服十日知二十日小便當出黑汁面色瑩白也聖惠方

身面水腫坐臥不得取東引桑枝燒灰淋汁煮赤小豆每饑即飽食之不得喫湯飲梅師方

面上痣疵寒食前後取桑條燒灰淋入石灰熬膏以自己唾調點之自落也普效方

身面石疽狀如座癰而皮厚以穀子搗傅之外臺秘要

虛肥面腫積年氣上如水病但脚不腫用穀楮葉八兩以水一斗煮取六升去滓納米煮粥常食之勿絕外臺秘要

面黥肝胞枸杞子十斤生地黃二斤為末每服方寸匕溫酒下日三服久則童顏聖惠方



頭面錢癩權樹皮爲末酌重湯頓如膠傅之王仲勉經效方

身面浮腫用烏豆一升水五升煮汁三升入酒五升更煮三升分溫三服不瘥再合千金方

又方烏頭煮至皮乾爲末每服二錢米飲下建炎初吳內翰女孫忽發腫凸吳檢外臺得此方服之立效

百一選方

身面疣目七月七日以大豆拭疣上三過使本人種豆於南向屋東頭第二溜中豆生葉以熱湯沃殺即

愈外臺秘要

身面卒腫脈洪大用菟絲子一升酒五升漬二三宿每飲一升日三服不消再造肘後方下同

面瘡粉刺菟絲子苗絞汁塗之不過三上即瘥屢驗

面上風刺黑牽牛酒浸二宿爲末先以薑汁擦面後用藥塗之摘元方

面上粉刺癩子如米粉黑牽牛末對入面脂中日日洗之聖惠方

面上雀斑黑牽牛末雞子清調夜傅旦洗心鑑方

面黑令白苦蕒穰三兩杏仁一兩猪脰一具同研如膏每夜塗之令人光潤冬月不皴聖濟錄

面生粉刺酒釀白薇二分杏仁半分雞屎白一分爲末和雜水塗之或拭面一方無雞屎肘後方

身面卒腫生猪肝一具細切酢洗入蒜酢食之勿用鹽本草

面癩醜黑皮厚黔黯者猪脰五具蕪菁子二兩杏仁一兩土瓜根一兩醇酒浸之夜塗旦洗老者少少者

白神驗肘後方下同

水氣身面浮腫商陸一升水二斗煮取一斗去滓羊肉一斤切入內煮熟下葱豉五味調和如臠法食之

身面疣目每月望日子時以禿帚掃疣目上三七遍聖惠方

身面疣目牛口涎塗之自落千金

面上疔炮鹿角尖磨濃汁厚傅之神效本草

面上風瘡鹿角尖磨酒塗之聖惠方下同

面瘡野炮烏蛇肉二兩燒灰臘猪脂調傅

滅癩痕以凍凌頻熨之良方千金

身面腫滿雞子黃白相合塗腫處乾再上方肘後

身面癩痕馬齒莧湯日洗二次聖惠

合面光華三月三日收桃花七月七日收雞血和塗面上三二日後脫下則光華顏色也聖濟總錄

面生黧黯乾柿日日食之普濟

頭面癬瘡生白果仁切斷頻擦取效經驗

食茶面黃川椒紅炒碾末糊丸梧子大每服十九茶湯下方簡便

面上蠶子七月七日午時取話瓜葉七枚直入北堂中向南立逐枚拭蠶即滅去也淮南萬畢術

身面疣目盜酸酒酵洗而呪之曰疣疣不知羞酸酒酵洗你頭急急如律令呪七遍自愈外臺

身面浮腫小便不利喘急用胡葱十莖赤小豆三合硝石一兩以水五升煮葱豆至熟同搗成膏每空心

溫酒服半匙聖惠

面蠶痣點蔓菁子研末入面脂中夜夜塗之亦去面皴或取油用亦妙聖惠

面上黑子芫荽煎湯日日洗之小說

### 鍼灸

素問曰肝氣逆則頭痛耳聾不聰頰腫取血者

心熱病者先不樂數日乃熱熱爭則卒心痛煩悶善嘔頭痛面赤無汗壬癸甚丙丁大汗氣逆則壬癸死

刺手少陰太陽

脾熱病者先頭重頰痛煩心顏青欲嘔身熱熱爭則腰痛不可用俛仰腹滿泄兩頰痛甲乙甚戊己大汗

氣逆則甲乙死刺足太陰陽明

帝曰有病腎風者面附疣然壅害於言可刺不岐伯曰虛不當刺不當刺而刺後五日其氣必至

靈樞經曰顛痛刺足陽明曲周動脈見血立已不已按人迎於經立已

厥胃滿面腫唇潔潔然暴言難甚則不能言取足陽明

厥頭痛面若腫起而煩心取之足陽明太陰

頤痛刺手陽明與頤之盛脉出血

手太陽之脉是動則頤腫不可以顧所生病者目黃頰痛三焦手少陽之脉所生病者頰痛膽足少陽之脉所生病者頤腫心主手厥陰之脉是動則病面赤目黃胃足陽明之脉是動則病洒洒振寒顏黑足少陰之脉是動則病饑不欲食面如漆柴皆視其盛虛熱寒陷下取之也

千金方曰面赤頰中痛取攢竹斷交玉枕

面赤腫取上星頤會前頂腦戶風池

面惡風寒頰腫痛取巨窳天窻

面皮熱取天突天窻

面赤熱取腎膺內關

面蒼黑取行間面塵黑取太衝

顛顛痛頤頤熱痛面赤取中渚

面皮赤痛取懸釐

古今醫統云陷谷面腫目壅腫刺出血立愈

頰腫口急頰車痛不可以嚼頰車針灸皆可

面頰腫生瘡合谷列缺地倉皆可取之

少陰絡治面黑齒長而垢腹脹閉

太陽絡太陰絡治腹脹閉不得息善噫嘔逆則面赤不逆則面黑

導引

養性書曰摩面光澤熱摩手心頰拭額上謂之修天庭連髮際七遍面上自然光澤所謂手宜在面是也

醫案

丹溪心法曰朱奶兩腮熱腫隔壅之病也用乾葛桔梗蘇葉各一錢半升麻一錢甘草炙七分薄荷一錢

薑一片水煎服

衛生寶鑑曰楊郎中之內五十一歲身體肥盛己酉春患頭目昏悶面赤熱多服清上藥不效請予治之診其脈洪大而有力量內經云面熱者手陽明病脈經云陽明經氣盛有餘則身已前皆熱况其人素膏粱積熱於胃陽明多血多氣本實則風熱上行諸陽皆會於頭故面熱之病生矣先以調胃承氣湯七錢黃連二錢犀角一錢疏利三兩行徹其本熱次以升麻加黃連湯主之

一婦人年幾三十憂思不已飲食失節脾胃有傷面色黧黑不澤環脣尤甚心懸如饑狀又不欲食氣短而促大抵心肺在上行榮衛而光澤於外宜顯而不宜藏肝腎在下養筋骨而強於內當隱而不見脾胃在中主傳化精微以灌四旁沖和而不息其氣一傷則四臟失所憂思不已氣結而不行飲食失節氣耗而不足使陰氣上溢於陽中故黑色見於面又經云脾氣通於口其華在脣今水反來侮土故黑色見於脣此陰陽相反病之逆也上古天真論云陽明脈衰於上面始焦故知陽明之氣不足非助陽明生發之劑無以復其色故以沖和順氣湯主之內經曰上氣不足推而揚之以升麻苦平葛根甘溫自地升天通行陽明之氣爲君人之氣以天地之風名之氣畱而不行者以辛散之防風辛溫白芷甘辛溫以散滯氣爲臣蒼朮苦辛獨除陽明經之寒白芍藥之溫酸安太陰經之怯弱十劑云補可去弱人參羊肉之屬人參黃芪甘草甘溫補益正氣爲臣至真要大論云辛甘發散爲陽生薑辛熱大棗甘溫和榮衛開腠理致津液以復其陽氣故以爲使每服早飯後午飯前取陽升之時使人之陽氣易達故也數服而愈

儒門事親曰陳君俞頭項偏腫連一日若半壺診其脈洪大戴人曰內經云面腫者風此風乘陽明經也陽明氣血俱多風腫宜汗解先與通聖散去硝黃入薑葱豉煎服取微汗次日以草莖刺鼻中出血其腫立消

李杲十書曰泰和年東垣監納濟源稅時長夏多疫癘初覺憎寒體重次傳面目腫盛目不能開上喘咽喉不利舌乾口燥俗云大頭天行親戚不相訪問如染之多不救張縣丞亦得此證至五六日醫以承氣湯加藍根下之稍緩翌日其病如故下之又緩終莫能愈漸至危篤或曰李明之存心於醫可以請治遂命診視具說其由曰夫身半已上天之氣也身半已下地之氣也此雖邪熱客於心肺之間上攻頭而爲

腫盛以承氣下之瀉胃中之實熱是誅伐無過殊不知適其病所爲故遂處方用黃連黃芩味苦寒瀉心  
肺間熱以爲君橘紅元參苦寒生甘草甘寒瀉火補氣以爲臣連翹鼠黏子薄荷葉苦辛平板藍根味甘  
寒馬屁勃白殭蠶味苦平散腫消毒定喘以爲佐升麻柴胡味苦平行後急者謂前緩劑已經高分瀉邪  
氣入於中是到陰部染於有形質之所若不速去反損陰也此却爲客邪當急去之是治客以急也且治  
主當緩者謂陽邪在上陰邪在下各本家病也若急治之不惟不能解其紛而反致其亂矣此所以治主  
當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急  
去之此治急以客也假令少陽陽明之爲病少陽爲邪者出於耳前後也陽明者首面大腫也先以黃芩  
黃連甘草通炒過剉煎少少不住服呷之或服畢再用大黃或酒浸或煨又以鼠黏子新瓦上炒香咬咀  
煎去查內芒硝各等分亦細細呷之當食後用徐得微利及邪氣已只服前藥如不已再服後藥依前次  
第用之取大便利邪已卽止如陽明渴者加石膏少陽渴者加瓜萆根湯陽明行經加升麻葛根芍藥之  
類太陽行經加羌活防風荆芥之類選而加之並與上藥均合不可獨用散也

醫學綱目曰許學士醫檢正患鼻頰間痛或麻痺不仁如是數年忽一日連口脣頰車髮際皆痛不開口  
言語飲食皆妨碍頰與頰上常如糊手觸之則痛此足陽明經絡受風毒傳入經絡血凝滯而不行故有  
此證或以排風小續命透髓丹之類與之皆不效製犀角升麻湯贈之數日愈夫足陽明胃也經云腸胃  
爲市又云陽明多血多氣胃之中腥羶五味無所不納如市廛無所不有也以其腐熟飲食之毒聚於胃  
此方以犀角爲主解飲食之毒也陽明經脈環脣挾舌起於鼻交頰中循頰車上耳前過客主人循髮際  
至額顱今所患皆一經絡也故以升麻佐之餘藥皆滌除風熱升麻黃芩專入胃經

或問一人年五十忽顱骨上初覺如松子漸大如胡桃不甚腫微赤微癢或云痰核或云結毒或作癰治  
何如曰皆非也是名顱疽屬陽明經積熱所致用紫金丹烏金散活命飲加製過南星服之而消按經曰  
心病者顱赤又曰腎病者顱與顏黑然則當察其色赤者宜以黃連安神丸降心火補心丸養心血黑者  
宜以地黃丸滋腎水未可專委之陽明鬱火也

薛己醫案曰一人年逾三十夏月熱病後患頤毒積日不潰氣息奄奄飲食少思大便不禁診脈如無經

曰脈息如無似有細而微者陽氣衰也齊氏曰飲食不入大便滑利腸胃虛也以六君子加炮薑肉豆蔻破故紙數劑而泄稍止食稍進更加黃蘗當歸肉桂乃潰而膿水清稀前藥每服加熱附子一錢數劑泄止食進膿漸稠再以十全大補湯加酒炒芍藥白薇月餘而愈

地官陳用之患前證服發散之劑寒熱已退腫痛不消此血凝滯而欲作膿也用托裏消毒散而膿成又用托裏散而潰但膿清作渴乃氣血虛也用八珍加麥門冬五味子三十餘劑而愈

上舍盧懋樹患此而尺脈數證屬腎經不足誤服消毒之劑尅損元氣而不能愈予用補中益氣六味丸料而痊

上舍熊棟卿頤後患之膿清體瘦遺精盜汗晡熱口渴痰氣上湧久而不愈脈洪大按之微細屬腎氣虧損所致遂用加減八味丸料並十全大補湯而愈

一婦人素內熱因怒耳面至頸項腫痛寒熱此肝膽經火燥而血虛用柴胡梔子散而腫痛消用加味道遙散而寒熱退用八珍湯加丹皮而內熱止

平江陳氏因驚懼後常用手指甲拄搯兩頰遂兩頰破損心中懊懣不安脈數而實諸藥不愈用活幼口議牛黃清心涼膈丸數服如失

老母年七十餘累歲患頰車痛每多言傷氣不寐傷神則大發發之至劇則上連頭下至喉內及牙齦皆如針刺火灼不可手觸乃至口不得開言語飲食並廢自覺目中火光如閃電尋常涎唾稠粘如絲不斷每勞與餓則甚得臥與食則稍安知其虛也始以清胃散犀角升麻湯人參白虎湯羌活勝濕湯加黃芩甘桔皆不效後改用參芪白朮芎歸升柴甘桔之類稍佐以芩梔連翹鼠黏空腹進之而食遠則服加減甘露飲始漸安第老人性躁不耐閒勞而多言時有之不能除去病根然發亦稀少即發亦不如往歲之劇矣

從之銛因喪子鬱結復多餌鹿角膠諸種子藥或於食後臨臥輒進之以至積成胃熱遂患面痛如老母證服清胃散甘露飲大加石膏過當而見虛證又服參芪等補藥過當而復見火證門人施生以越鞠加山梔連翹貝母橘紅之屬開其鬱結而始向安

孫兆治一人滿面黑色相者斷其死孫診之曰非病也乃因登溷感非常臭氣而得去至臭無如至香令用沉香檀香碎劈焚於爐中安帳內以熏之明日面色漸變旬日如故蓋腎臭腐屬水脾臭香屬土今夫臭者腐臭也故聞之則入腎而面黑沉香者香臭也故熏之則脾土勝腎水而色還也

浙全夫人忽一日面上生黑斑數點日久滿面俱黑徧求醫治不效忽遇一草澤醫人云夫人中食毒治之一月平復後校其方止用生薑汁服之問其故云食斑鳩蓋此物常食半夏苗中毒故以薑解之又治尼長老六十一歲身體瘦弱十月間病頭面不耐寒氣弱不敢當風行諸治不效診之其脈皆弦細而微其人年高素食茶果而已陽明之經本虛脈經云氣不足則身以前皆寒慄又加看誦損氣由此胃氣虛經絡之氣亦虛不能上榮頭面故惡風寒先以附子理中丸溫其中氣次以升麻湯加附子主之徐考功兄湖廣人年踰三十患時毒耳面焮腫寒熱拘急其脈浮洪此邪在表也以荆防敗毒散加牛蒡子元參治之漸愈更以升麻葛根連翹桔梗川芎金銀花牛蒡子而平復齊氏云宜於鼻內啗通氣散取十餘嚏作效用嚏藥不嚏者不可治如嚏出膿血治之必愈如左右看病之人每日用嚏藥嚏之必不傳染

一婦人表邪已解腫尚不消診之脈滑而數乃瘀血作膿也以托裏消毒散潰之而愈

一婦人腫痛用硝黃之劑攻之稍緩翌日復痛診之外邪已退亦瘀血欲作膿亦以前藥潰之愈

一人表俱解惟腫不消以托裏消毒散四劑膿成針之而愈

一人患時毒腫痛發熱作渴脈實便閉以五利大黃湯下之諸證悉退以葛根牛蒡子湯四劑而痊

一人患時毒服表散藥愈熾發熱便秘診其脈沈而實此邪在裏也以大黃湯下之裏證悉退以葛根牛蒡子湯浮腫亦消惟赤腫尚存更以托裏藥潰之而愈

一人患時毒焮腫脹痛作渴煩熱便秘脈數按之尤實用防風通聖散一劑諸證頓退以荆防敗毒散加

元參牛蒡黃芩二劑而痊

周舉人母冬月頭面耳項俱腫痛甚便秘脈實此表裏俱實也服防風通聖散不應遂砭患處出黑血仍投前藥即應又以荆防敗毒散而瘳蓋前藥不應者毒血凝聚上部經絡藥力難達故也惡血既去其藥

自效或拘用寒遠寒及年高畏用硝黃而用托裏與夫尋常消毒之劑或不砭泄其毒專假藥力鮮不危矣

一婦人頭面俱赤腫焮痛甚盛其脈浮數此形證俱在表也以平昔胃氣有損不可用發表之劑宜用潔古法托裏以防邪毒之內侵作內托復煎散一劑終日飲之兩日而平

少宰李蒲汀患前證用發散之藥耗損元氣患處不消體倦惡寒食少口乾用補中益氣加桔梗及托裏消毒散而愈

秋官陳同野患前證元氣素弱脈微細而伏此形病俱虛也用參朮芎歸陳皮柴胡升麻炙甘草以升舉陽氣用牛蒡元參連翹桔梗以解熱毒二劑腫消而脈亦復矣苟以脈微細爲屬陰以腫赤爲屬陽而藥之鮮有不悞者

一婦人前證潰後腫赤不消食少體倦膿清色白乃脾肺氣虛也先用六君加桔梗芎歸後用益氣湯加桔梗而斂

一男子前證表裏俱解腫痛尚不退以葛根升麻湯二劑而消

一男子患前證腫痛發寒熱診其脈浮數以荆防敗毒散二劑少愈以人參敗毒散二劑勢減半又二劑而瘥

一男子耳面赤腫作痛咽乾發熱脈浮數先以荆防敗毒散二劑勢退大半又以葛根牛蒡子湯四劑而瘥

一男子頭面腫痛服硝黃敗毒之劑愈甚診之脈浮數邪在表尚未解用荆防敗毒散二劑勢退大半更以葛根牛蒡子湯四劑而瘥內經云身半已上腫天之氣也身半已下腫地之氣也乃邪客心肺之間上攻頭目而爲腫此感四時不正之氣爲患與夫膏梁積熱之證不同硝黃之劑非大便秘實不可用若不審其因不辨其虛實表裏概用攻之必致有悞常見饑饉之際芻蕘之人多患之乃是胃氣有損邪氣從之爲患不可不察予常治邪在表者用葛根牛蒡子湯人參敗毒散或普濟消毒飲子邪在裏者五利大黃湯梔子仁湯表裏俱不解者防風通聖散表裏俱解而腫不退者犀角升麻湯如腫甚者砭患處出惡



血以泄其毒或用通氣散取嚏以泄其毒十日外自愈若嚏出膿血即愈欲其作膿者用托裏消毒散欲其收斂者用托裏散此法最爲穩當五七日咽喉腫閉言語不出頭面不腫食不知味者不治

一男子服表散藥愈熾發熱便秘診其脈沈實此邪在裏也以大黃湯下之裏證悉退以葛根牛蒡子湯浮腫亦消惟赤腫尚存更以托裏藥潰之而愈齊氏云時毒者爲四時邪毒之氣而感之於人也其候發於鼻面耳項咽喉赤腫無頭或結核有根令人增寒發熱頭痛或肢體痛甚者恍惚不甯咽喉閉塞庸人不識將爲傷寒便服解藥一二日腫氣增益方悟始求瘡醫原夫此疾古無方論世俗通爲丹瘤病家惡言時毒切恐傳染考之於經曰人身忽經變赤狀如塗丹謂之丹毒此風熱惡毒所爲與夫時毒特不同耳蓋時毒初狀如傷寒五七日間乃能殺人治者宜精辨之先診其脈滑數浮洪沈緊弦澹皆其候也蓋浮數者邪氣在表也沈澹者邪氣深也氣實之人急服化毒丹以攻之熱實不利大黃湯下之其有表證者解毒升麻湯以發之或年高氣軟者五香連翹湯主之又於鼻內噴通氣散取十餘嚏作效若噴藥不嚏者不可治如嚏出膿血者治之必愈左右看病之人每日用噴藥嚏之必不傳染其病人每日亦用嚏藥三五次以泄熱毒此治時毒之良法也經三四日不解者不可大下宜和解之服犀角連翹散之類至七八日大小便通利頭面腫起高赤者可服托裏散黃芪散宜針鎌砭割出血泄其毒氣十日外不治自愈此病若五日已前精神昏亂咽喉閉塞語聲不出頭面不腫食不知味者必死治之無功矣然而此疾有陰有陽有可汗有可下常見麤工但云熱毒就用寒藥殊不知病有微甚治有逆從不可不審矣

一人冬月病頭面赤腫耳前後尤甚痛不可忍發熱惡寒牙關緊急涕唾稠粘飲食難下不得安臥醫砭腫上四五十針腫赤不減痛益甚予診其脈浮緊按之洪緩知爲寒覆皮毛鬱遏經絡熱不得升聚而赤腫且夫天令寒凜之時腠理閉汗不出血氣強肉堅澹善用針者不得取四厥必待天溫又云冬月閉藏用藥多少針石也宜以苦溫之劑溫經散寒所謂寒繳腠理以苦發之以辛散之

外科正宗曰一男子耳項腫痛發寒熱脈浮數以荆防敗毒散一劑寒退熱存又以連翹消毒飲一劑便行三次內熱頓退餘腫不消本方去大黃加川芎數劑而愈

一男子先發寒熱次日頭面俱腫又二日口噤湯水不入診之脈洪數而有力此表裏俱實也又咽喉妨

砒湯藥難下先用針刺咽間去惡血鍾許牙關稍開以防風通聖散一劑徐徐服之便去三四次腫上破去惡血以金黃散敷之次日腫勢稍退又以普濟消毒飲二劑面腫漸消惟兩耳下堅腫不退此必作膿又以托裏消毒散數服候膿熟而針之次以十全大補湯去肉桂加陳皮十餘劑而斂

一男子牙根腫痛次傳腮項俱腫頓生寒熱此陽明濕熱上攻用荆防敗毒散加石膏一劑寒熱頓退惟腮腫不消以針刺牙根腫上出毒血以冰硼散擦之外敷真君妙貼散內服牛蒡子湯數服而愈

一男子冬月耳面赤腫發熱口乾脈洪實而便秘此三陽蘊熱證也必捨時從證治之以五利大黃湯一劑便行二次赤腫稍退內熱稍疎又以升麻解毒湯二服腫亦消而病愈此爲用寒遠寒之意也

一婦人冬月面腫咽痛口噤難開診脈洪數有力又見房中爇氣如烘此因爐火盛也以黃連解毒湯加元參一劑次日腫消咽利又用二劑其疾痊愈

一男子勞甚鬢間腫硬肉色不變予曰勞傷氣血濕痰凝滯之證與夫外感時毒不同又診脈細數而無力爲內傷損病治當養氣血調經脈理勞績損治之彼欲內消自服仙方活命飲二服腫不覺消脾胃已損又請一醫乃行攻利復損臟腑數日後飲食不進便泄不止腫硬愈堅痰涎愈甚復請視之辭不可治予曰凡療理病有主末治有權宜此病初起肉色不變者血不足也堅硬不熱者脾胃弱也脈細數而無力正氣衰也豈可用前有餘之藥以攻不足之病後又強投溫中補劑不應而死

海甯梁福綬筱林初校

上元樂學吳啟仙覆校

欽定古今圖書集成醫部全錄

醫部彙考一百三十四

耳門一

黃帝素問

生氣通天論

陽氣者煩勞則張精絕辟積於夏使人煎厥目盲不可以視耳閉不可以聽憤憤乎若壞都汨汨乎不可止

註此言煩勞而傷其陽氣也蓋陰陽之要陽密乃固煩勞則陽氣外張陰不得陽之溫固則精自出而絕於內矣秋冬之陽氣收藏於內夏則陽氣張浮於外故益虛而煎厥也精氣虛故目盲不可以視耳閉不可以聽也

又曰陽不勝其陰則五臟氣爭九竅不通

註五臟為陰九竅為水注之器乃精氣所注之門戶如陰甚而陽不能勝之則五臟之氣交爭於內而九竅為之不通

金匱真言論

南方赤色入通於心開竅於耳

註邪氣臟腑病形篇曰其別氣走於耳而為聽別氣者心主之氣也故曰心開竅於耳也  
陰陽應象大論

北方生寒在臟為腎在竅為耳

註腎氣通於耳腎和則耳能聞五音矣故腎氣開竅於耳  
人年五十體重耳目不聰明矣

註年五十而精液血液皆虛虛則不能并於上而耳目不聰明矣  
智者有餘有餘則耳目聰明

有餘則陽氣充故耳目聰明也

天不足西北故西北方陰也而人右耳目不如左明也

註天不足西北者陽中之陰不足也在人則左為陽而右為陰陰不足於上故右耳目不如左明也

東方陽也陽者其精并於上并於上則上盛而下虛故使耳目聰明而手足不便也西方陰也陰者其精并於下并於下則下盛而上虛故其耳目不聰明而手足便也故俱感於邪其在上則右甚在下則左甚此天地陰陽所不能全也故邪居之

註此言天地陰陽與人身之左右俱有所不能全也故人當配天地以養頭足而勿使邪居之

五臟生成篇

徇蒙招尤目冥耳聾下實上虛過在足少陽厥陰甚則入肝

註厥陰肝臟開竅於目少陽經脈上出於耳邪實於下而經氣不能上通是以目冥耳聾正氣虛於上致動視而昏冒搖掉之甚也此始傷氣而致正虛於上過在經而復邪實於下也

診要經終論

少陽終者耳聾百節皆縱目寰絕系絕系一日半死其死也色先青白乃死矣

註手足少陽經脈皆循於耳經氣絕故耳聾也少陽主骨諸節皆屬於骨少陽氣終故百節皆縱手足少陽之脈皆至目銳眥終則牽引於目故目如驚而邪視也少陽屬腎腎藏志目系絕則志先絕故一日半死也青者甲木之氣外脫白者三焦之榮內亡也

玉機真臟論

脾不及則令九竅不通名曰重強

註經曰五臟不和則九竅不通今脾氣不足則五臟之氣皆不和矣夫胃為陽土而氣強脾為陰土而氣弱脾弱而不得稟水穀之氣則胃氣益強故名重強蓋言脾氣虛而不能為胃行其津液者胃強脾弱臟腑之剛柔不和也

通評虛實論

凡治暴厥而聾偏寒閉不通內氣暴薄也不從內外中風之病故瘦留著也

註暴厥而聾厥氣上逆上竅不通也偏寒閉結厥氣下逆下竅不通也此內外暴薄而為外竅之不通也如不從內之憂怒外之中風而多病夭者此緣形弱氣衰牆基卑薄故肌肉瘦而皮膚薄著也

五臟不平六腑閉塞之所生也頭痛耳鳴九竅不利腸胃之所生也

註夫五臟之氣久逆而不得和平者六腑閉塞之所生也六腑不和則九竅為之不利蓋臟腑陰陽表裏相應是以證見於外者病本於內閉塞於內者而外竅為之不通

### 熱論

傷寒三日少陽受之少陽主膽其脈循脅絡於耳故脅痛而耳聾九日少陽病衰耳聾微聞

註少陽之氣主樞主膽膽氣升則諸陽之氣皆升所謂因於寒欲如運樞也諸陽之氣從樞脅而出於膻表太陽主表陽明主肌少陽主胃脅痛而耳聾者病在氣而見有形之經證也

其病兩感於寒者三日則少陽與厥陰俱病則耳聾囊縮而厥水漿不入不知人六日死

註少陽與厥陰為表裏故見少陽之耳聾厥陰之囊縮而厥水漿不入穀氣絕也不知人者神氣傷也此臟腑皆病榮衛不行故盡氣終而死也

### 厥論

手太陽厥逆耳聾泣出項不可以顧腰不可以俛仰治主病者

註手太陽所生病者耳聾小腸主液故逆則泣出也夫心主血脈小腸主液而為心之表小腸氣逆則津液不能榮養於經脈是以項不可以顧腰不可以俛仰蓋腰項之間乃脈絡經俞之大會也

少陽之厥則暴聾頰腫而熱脅痛胛不可以運

註足少陽之脈起於目銳眥從耳後入耳中下頰車循脅過季脅出膝外廉循足跗故逆則暴聾頰腫脅痛足胛不可以運行

### 脈解篇

太陽所謂耳鳴者陽氣萬物盛上而躍故耳鳴也

註此言陽氣之更盛也春三月所謂發陳天地俱生萬物以榮是以天地萬物之氣皆盛上而躍然而人之陽氣亦榮盛於上是以經脈上壅而耳鳴也

太陽所謂浮為聾者皆在氣也

註此申明經氣之有別也如陽氣盛上而所謂耳鳴者因氣而病經也若所謂浮為聾者皆在氣

刺客主人內陷中脈為內漏為聾

註此言刺客主人太過則誤中內陷交過之脈而為耳內漏而聾也

鍼解篇

人髮齒耳目五聲應五音六律

註髮齒耳目共六齒又為六六之數而髮之數不可數矣律呂之數推而廣之可千可萬而萬之外不可數矣此言天地人之相應通變之無窮也

氣交變大論

歲火太過炎暑流行金肺受邪民病瘧少氣欬喘血溢血泄注下嗌燥耳聾

註諸戊之歲火運太過火勝則尅金故金肺受邪肺乃水之生源火熱鑠金水源已竭腎開竅於耳故腎虛而耳聾

歲金太過燥氣流行肝木受邪民病兩脅下少腹痛目赤痛眦瘍耳無所聞

註諸庚之歲金運太過燥氣流行則肝木受病耳無所聞者肝虛也

厥陰司天風氣下臨脾氣上從體重肌肉萎食減口爽目轉耳鳴

註目轉耳鳴風淫於上也

少陽司天民病聾聵

註聾聵者風熱之氣乘於內也

厥陰司天三之氣耳鳴掉眩

註耳鳴掉眩乃風病行於上也

木鬱之發甚則耳鳴眩轉

註耳鳴眩轉乃風氣之為病也

少陽所至為喉痹耳鳴嘔涌

註此秋病之常也

木鬱之發民病胃脘當心而痛上支兩脅鬲咽不通食飲不下甚則耳鳴眩轉目不識人善暴僵仆

註此受司天在泉之制勝鬱極乃發以報復其歲氣如丁卯丁酉歲少角木運而上臨陽明壬子壬午

歲太角木運而陽明在泉則木氣皆鬱矣胃脘咽鬲食飲不下木勝而土傷也上支兩脅耳鳴眩轉仆不識人風氣之為病也

至真要大論

厥陰司天客勝則耳鳴掉眩

註風木之客氣勝於上故耳鳴掉眩

厥陰之勝耳鳴頭眩憤憤欲吐胃鬲如寒

註耳鳴頭眩木淫於上也憤憤欲吐胃氣如寒胃土病也

少陽之勝熱客於胃煩心心痛目赤欲嘔嘔酸善飢耳痛溺赤善驚譫妄少腹痛下沃赤白治以辛寒佐以甘鹹以甘瀉之

註少陽之勝舍於三焦故熱客於胃蓋三焦之原皆出於胃間也三焦與心主包絡相合故煩心心痛

三焦之脈上入耳中絡目銳眦故淫上而為耳痛

少陰司天客勝則軌噓頸項強肩背脊熱頭痛少氣發熱耳聾目瞑

少陰司天二之氣乃厥陰風木耳聾厥陰之氣勝也  
少陽司天客勝則丹眇外發及為丹燥瘡瘍嘔逆喉痹頭痛噎腫耳聾血溢內為瘕瘕主勝則胃滿欬仰  
息甚而有血

少陽司天初氣三氣乃君相二火耳聾等證皆風火之為病也  
歲太陰在泉民病耳聾渾渾焯焯噎腫喉痹

太陰在泉辰戌歲也民病耳聾等證乃三焦經病

靈樞經

邪氣臟腑病形篇

心脈微瀼為耳鳴

南方赤色入通於心開竅於耳心脈微瀼乃心氣虛故耳鳴

十二經脈三百六十五絡其血氣皆上於面而走空竅其別氣走於耳而為聽

別氣者心腎之氣別走於耳而為聽也

經脈篇

小腸手太陽是主液所生病者耳聾目黃頰腫

三焦手少陽是動則病耳聾渾渾焯焯噎腫喉痹

凡此皆經脈所循之部分而為病

手陽明之別者入耳合於宗脈實則齟齬

實則氣滯而為齟齬之病

經筋篇

手太陽之筋其支者入耳中直者出耳上下其病則耳中鳴痛引領

此太陽之筋所過而為病也

脈度篇



腎氣通於耳腎和則耳能聞五音矣五臟不和則七竅不通

註五臟常內閱於七竅五臟不和故七竅為之不通

熱病篇

熱病不知所痛耳聾不能自收口乾陽熱甚陰頗有寒者熱在髓死不治

註不知所痛者外因之熱入於內也耳聾不能自收口乾者腎臟之熱乘於上也陽熱甚陰頗有寒者內熱交爭於外也熱在髓者外熱交爭於內也病深入內故死

口問篇

黃帝問曰人之耳中鳴者何氣使然岐伯曰耳中宗脈之所聚也故胃中空則宗脈虛虛則下溜脈有所竭者故耳鳴

註肺朝百脈宗脈者百脈之宗肺所主也耳者宗脈之所聚也百脈之血氣水穀之所生也故胃中空則宗脈虛虛則脈氣下溜矣脈中之血氣有所竭故耳鳴也

上氣不足耳為之苦鳴

註此言膀胱所藏之津液不足不能灌精濡空竅正氣不足而生奇邪之病也

師傳篇

腎者主為外使之遠聽視耳好惡以知其性

註腎開竅於耳故主為外言其聽之遠也

決氣篇

精脫者耳聾液脫者骨屬屈伸不利色夭腦髓消脛痠耳數鳴

註腎主藏精開竅於耳故精脫者耳聾液淖澤於骨補益腦髓故液脫者骨屬屈伸不利不能潤澤皮膚故毛色夭焦也腎主骨而骨髓上通於腦故腦髓消而脛痠耳鳴

海論

髓海不足則腦轉耳鳴

註 髓海不足則精液竭精液者所以濡空竅者也是以耳為之鳴

五閱五使篇

耳者腎之官也

本臟篇

黑色小理者腎小粗理者腎大高耳者腎高耳後陷者腎下耳堅者腎堅耳薄不堅者腎脆耳好前居牙車者腎端正耳偏高者腎偏傾也

註 耳者腎之候故視耳而知腎也

衛氣篇

足少陽之標在耳窻籠之前而出於頭氣之街窻籠者耳也

註 標猶樹之稍秒足少陽之標出於頭氣之街

陰陽二十五人篇

手少陽之上血氣盛則耳色美血氣少則耳焦色惡

註 手少陽之脉其上行者出走耳前交頰上至目銳眦是以皮膚之血氣盛則耳色美氣血皆少則耳

焦色惡也

扁鵲難經

耳能聞聲之故

四十難曰肺主聲耳者腎之竅而反聞聲其意何也然腎者北方水也水生於申申者西方金金者肺肺主聲故令耳聞聲

註 肺金也聲出於金故肺主聲鼻屬於肺不能聽聲耳屬於腎而反能聞聲音果何如邪腎屬北方水

水長生在申西方申酉戌申正金臨官之地金在臟為肺肺主聲耳雖屬腎水水生於肺金之位故令

耳能聞聲

漢華佗中藏經

腎氣通耳

腎者精神之舍性命之根外通於耳

耳聾

肝氣逆則頭痛耳聾頰赤其脈沉而急浮而急亦然病耳無聞其脈浮大而濇者死

耳部凶證

黑色起於耳目漸入於口者死

赤色見於耳目額者五日死

腎絕耳乾者六日死

晉皇甫謐甲乙經

腎氣通耳

腎氣通於耳耳和則能聞五音矣經曰腎在竅為耳然則腎氣上通於耳下通於陰也

耳焦枯

耳焦枯受塵垢者病在骨

宋楊士瀛直指方

耳聾

腎通乎耳所主者精精氣調和腎氣充足則耳聞而聰若勞傷氣血風邪襲虛使精脫腎憊則耳轉而聾又有氣厥而聾者有挾風而聾者有勞傷而聾者蓋十二經脈上絡於耳其陰陽諸經適有交并則臟氣逆而為厥厥氣搏入於耳是為厥聾必有時見眩暈之證耳者宗脈之所附脈虛而風邪乘之風入於耳之脈使經氣否而不宣是為風聾必有時見頭痛之證勞役傷於血氣淫欲耗其精元瘦悴力疲昏昏憤憤是為勞聾有能將適得所血氣和平則其聾暫輕其或日就勞傷風邪停滯則為久聾又有耳觸風邪與氣相擊其聲嘈嘈眼或見火為虛鳴熱氣乘虛隨脈入耳不散膿出為膿耳人耳間有津液輕則不能為害若風熱搏之津液結紐成核塞耳亦令暴聾謂之聾耳前是數者腎脈可推風則浮而盛熱則洪而

實虛則澀而濡風爲之疎散熱爲之清利虛爲之調養邪氣並退然後以通耳調氣安腎之劑主之  
寶漢卿瘡瘍全書

### 耳風毒

耳風毒受在心經因腎氣不流行壅在心經致傷於耳五種耳痔耳草耳癰耳濕耳爛可用清肝流氣飲後用定痛降氣湯治之如遇耳痔耳草先用鍼刺破用紅玉膏點之耳脹痛用虎耳草汁滴入耳內痛即止耳疔以燒酒滴疔根上方得脫隨用苦茶洗解酒毒

### 耳門癰

耳門癰受在肝經毒氣傳注血不周流此是惡毒證也當用煎藥治之

### 耳根癰

耳根癰受在腎經絡怒氣傷心凝滯肝經風熱壅盛成毒也當用眉風藥治之或用清肝流氣飲活法治之

### 發耳

其瘡生於耳邊又名熱毒發疽五六月間漸長如蜂窠皮紫者亦熱諸處如火燒痛不可忍十日可刺無膿者十一日死若瘡不硬刺見白膿者不死黃膿出者不死無時出鮮血者及赤膿者死食不知味多謊語者亦死在二十日之間便見凶吉煎藥用千金內托散隨時增損之

### 石疽

石疽雖與石癰同惟石疽深寒客於經絡血氣結聚不散隱於皮內腫按之如石此毒連頸項之間內先潰爛方出皮膚恐髓出頸項者即死用排膿內補十宣散待膿盡內補散戀心乳香護心散仍貼金絲膏渴甚加五味天花粉乾葛麥冬烏梅初起須用艾火灸患上三四十壯發於額面者不可治矣  
嚴用和濟生方

### 耳論治

夫耳者腎之所候腎者精之所藏腎氣實則精氣上通聞五音而聰矣若疲勞過度精氣先虛於是乎風

寒暑濕得以外入喜怒憂思得以內傷遂致聾聵耳鳴熱壅加之出血出膿則成聾耳底耳之患候其額  
頰色黑者知其耳聾也亦有手少陽之脈動厥而聾者耳內輝輝焯焯也手太陽脈動厥而聾者耳內氣  
滿也大抵氣厥耳聾尚易治精脫耳聾不易藥愈諸證既殊治各有法

耳者腎之候腎乃宗脈之所聚其氣通於耳腎氣和平則聞五音而聰矣腎氣不平則耳爲之受病也醫  
經云腎氣通耳心寄竅於耳風寒暑濕燥熱得之於外應乎腎憂愁思慮得之於內生瘡或爲聾耳或爲  
掀腫六淫傷之調乎腎七情所感治乎心醫療之法甯心順氣欲其氣順心甯則耳爲之聰矣宜用局方  
妙香散以石菖蒲煎湯調服以順心氣參丹蜜砂以甯心君調腎之藥菴蓉圓  
金劉完素六書

### 耳聾

聾之爲病俗醫率以慄悍燥烈之藥治之往往謂腎水虛冷故也夫豈知水火之陰陽心腎之寒熱榮衛  
之盛衰猶權衡也一上則必一下是故高者抑之下者舉之此平治之道也夫心火本熱虛則寒矣腎水  
本寒衰則熱矣腎水既少豈能反爲寒病耶經言足少陰腎水虛則腹滿身重濡瀉瘡瘍流水腰股痛發  
癰膈股膝不便煩寃足痿清厥意不樂大便難善恐心惕如人將捕口苦舌乾咽腫上氣嗌乾及痛煩心  
心痛黃疸腸澼下血脊臀股肉後廉痛痿厥嗜臥足下熱而痛以此見腎虛爲病皆是熱證經又曰有所  
遠行勞倦逢大熱而渴渴則陽氣內伐謂伐腹中之陰氣也水不勝火以熱舍於腎中也經又曰骨痿者  
生於大熱也又曰腎熱者色黑而齒槁凡色黑齒槁之人必身瘦而耳焦也所以然者水虛則火實而熱  
亢極則害承乃制故反兼水之黑也腎水衰少不能潤澤故黑乾焦槁也齒耳屬腎故甚也如瘡瘍熱極  
無液則肉乾焦而色黑也然則水衰爲熱明矣豈可反言寒耶故仙經以息爲六字之氣應於三陰三陽  
臟腑之六氣實則行其本化之字瀉之衰則行其勝己之字瀉之是爲殺其鬼賊也所謂六字之氣者肝  
噓心呵相火唏脾呼肺咽腎本吹也故吹去腎寒則生熱呵去心熱則生寒故曰春不呼夏不咽秋不噓  
冬不呵四時常有唏謂三焦無不足八節不得吹謂腎臟難得實然以吹驗之吹去腎水寒氣則陽熱暴  
甚而目瞑昏眩虛爲熱證明矣豈可反言腎虛而以熱藥養水耶况水少不能勝火又服熱藥甯無損歟

經言以寒治熱謂寒養水而瀉火以熱治寒謂熱助火而耗水也經雖或言以熱治熱謂病氣熱甚能與寒藥交爭而寒藥難下故反熱服順其病熱熱病既消寒性乃發則病熱除愈如承氣湯寒藥反以熱服之類是也傷寒同法經曰寒因熱用熱因寒用亦是治熱類也故治病之道瀉實補衰平而已矣或謂病熱爲火實水虛反言腎虛爲冷心迷正理不敢用對證寒藥誤以食前服其助陽熱藥欲令下部水勝退上焦心火食後兼服微涼之藥而退火熱豈知十益不及一損也病本熱而無寒又得熱藥則病熱轉甚食後雖服大寒之藥亦難解其勢之甚也况以微涼乎豈不詳熱藥證中止言治寒助熱安有養水瀉火之言哉經言五臟以平爲期及夫一法無問五臟生尅與衰一槩言熱爲實寒爲虛者通言陽氣之興衰也假令下部寒者謂下焦火氣之虛也故以熱藥補之非助腎水之藥爾由水虛不能反爲寒也凡諸疾之所起也不必臟腑興衰變動相乘而病但乘內外諸邪所傷卽成病矣大凡治病必求所在病在上者治其上病在下者治其下中外臟腑經絡皆然病氣熱則除其熱寒則退其寒六氣同法瀉實補虛除邪養正平則守常醫之道也豈可見病已熱而反用熱藥復言養水而勝心火者可謂道在邇而求諸遠事在易而求諸難深可戒哉所以或言腎虛而下部冷者非謂腎水虛也所謂腎有兩枚經曰七節之旁中有小心楊上善注太素曰人之脊骨有二十一節從下第七節之旁左者爲腎右者爲命門命門者小心也難經言心之原出於太陵然太陵穴者屬手厥陰包絡相火小心之經也元珠言刺太陵穴曰此瀉相火小心之原也然則右腎命門爲小心乃手厥陰相火包絡之臟也仙經曰先生右腎則爲男先生左腎則爲女謂男爲陽火女爲陰水故也或言女子左腎爲命門者誤也難經止言右腎爲命門男子以藏精女子以繫胞豈相反也然右腎命門小心爲手厥陰包絡之臟故與手少陽三焦合爲表裏神脈同出見手右尺也二經俱是相火相行君命故曰命門爾故仙經曰心爲君火腎爲相火是言右腎屬火而不屬水也是以右腎火氣虛則爲病寒也君相雖爲二火論其五行之理則一於爲熱也夫五行之理陰中有陽陽中有陰孤陰不長獨陽不成但有一物全備五行遞相濟養是謂和平交互尅伐是謂興衰變亂失常災害由生是以水少火多爲陽實陰虛而病熱也水多火少爲陰實陽虛而病寒也故俗以熱藥欲養腎水勝退心火者豈不誤歟至如或因恣慾而卽病或因久而成病者俗以爲元氣虛損而病寒者皆誤

也然諸所動亂勞傷乃爲陽火之化神狂氣亂而爲病熱者多矣故經言消瘴熱中及夫熱病陰陽變易房勞之病證也所以熱病未復及大醉以不禁入房而爲禍甚速者陽熱易爲暴甚故也夫太乙天真元炁非陰非陽非寒非熱也是以精中生氣氣中生神神能御其形也由是精爲神氣之本形體之充固則衆邪難傷衰則諸疾易染何正言元氣虛而爲寒爾故老人之氣衰多病頭目昏眩耳鳴或聾上氣喘欬涎唾稠粘口苦舌乾咽隘不利支體焦痿筋脈拘捲中外燥澀便溺祕結此皆陰虛陽實之熱證也俗悉言老弱爲虛冷而無熱也縱見熱證雖云少水不勝多火而反言腎水虛則爲寒此乃舉世受誤之由也但須臨時識其陰陽虛實則無橫天之冤慎不可妄以熱藥養其真氣則真氣何由生也故西山記曰餌之金石當有速亡之患內經言石藥發癲狂熱甚之所生也或欲以溫藥平補者經言積溫成熱則變生熱疾故藥物不可妄服也夫養真氣之法飲食有節起居有常不妄作勞無令損害陰陽和平自有益矣仙經雖有服餌之說非其人不可也况乎齊於氣味平和無毒之物但以調其氣爾真修道者以內事爲功外事爲行非服餌而望成於道也故仙經又曰服餌不備五味四氣而偏食之久則腑臟偏傾而生其病矣然則豈可誤服熱藥而求其益所謂聾者由水衰火實熱鬱於上而使聽戶元府壅塞神氣不得通泄也其所驗者仙經言雙手閉耳如鼓音是謂鳴天鼓也由脈氣流行而閉之於耳氣不得泄衝鼓耳中故聞之也或有壅滯則天鼓微聞天鼓無聞則聽戶元府閉絕而耳聾無所聞也故一法含浸針砂酒以磁石附耳欲導其氣令通泄也或問曰聾既爲熱或服乾蠍生薑附子醇酒之類辛熱之物而或愈者何也答曰欲以開發元府而令耳中鬱滯通泄也故養生方言藥中其效則如聞攢百樂音由陽氣開衝耳中也凡治聾者適其所宜若熱證已退而聾不已者當以辛熱發之三兩服不愈者則不可久服恐熱極而成他病耳若聾有熱證相兼者宜以退風散熱涼藥調之熱退結散而愈然聾甚閉絕亦爲難矣慎不可攻之過極反傷正氣若非其病不可服其藥飲食同法當所宜者過度則反傷正氣病已則止藥欲求不病無損而已矣故經云大毒治病十去其六小毒治病十去其七常毒治病十去其八無毒治病十去其九穀肉果菜食養盡之勿令過度反傷其正不盡行復如法故曰必先歲氣無伐天和無實實無虛虛而遺人夭殃無致邪無失正絕人長命

陽氣煩勞積於夏令人熱厥目盲不可視耳閉不可聽人參散主之

耳者蓋非一也以竅言之是水也以聲言之金也以經言之手足少陽俱會其中也有從內不能聽者主也有從外不能入者經也有若蟬鳴者有若鐘聲者有若火熇熇狀者各隨經見之其間虛實不可不察也假令耳聾者腎也何謂治肺肺主聲鼻塞者肺也何謂治心心主臭如推此法皆從受氣爲始腎受氣於巳心受氣於亥肝受氣於申肺受氣於寅脾王四季此法皆長生之道也

### 耳鳴

耳鳴有聲非妄聞也蓋耳爲腎之竅交會手太陽少陽足厥陰少陰少陽之經若水虛火實而熱氣上甚客其經絡衝於耳中則鼓其聽戶隨其脈氣之微甚而作諸音聲也經言陽氣萬物盛上而躍故耳鳴是也

元李杲十書

### 耳簫聲

心臟虛邪熱風相合妄聽妄聞耳簫聲膽與三焦之經同出於耳銅人云刺關衝出血瀉支溝脈浮大而弦初小柴胡湯後大柴胡湯此證是太陽與少陽爲病前客後主也

### 耳鳴耳聾

經曰頭痛耳鳴九竅不利腸胃之所生也胃氣一虛耳目口鼻俱爲之病矣

經曰陽氣者煩勞則張精絕辟積於夏使人煎厥目盲耳閉潰潰乎若壞都故蒼天之氣貴清淨陽氣惡煩勞病從脾胃生者一也

脈弦洪緩而沉按之中之下得時一濇其證耳鳴耳聾者調中益氣湯

經曰頭痛耳鳴九竅不利腸胃之所生也此胃弱不能滋養手太陽小腸手陽明大腸故有此證然亦止從胃弱而得之故聖人混言腸胃之所生也或曰子謂混言腸胃之所生亦有據乎予曰經云脾不及令人九竅不通謂脾爲死陰受胃之陽氣能上升水穀之氣於肺上充皮毛散入四臟今脾無所稟不能行氣於臟腑故有此證此則脾虛九竅不通之謂也雖言脾虛亦胃之不足所致耳



耳之體屬腎用屬肺

耳者上通天氣腎之竅也乃腎之體而為肺之用蓋肺長生在子子乃腎之舍而肺居其中而能聽音聲也故精脫者耳聾此明為清氣所奉於天而心勞腎損則受邪也  
朱震亨心法

耳聾

耳聾皆屬於熱少陽厥陰熱多當用開痰散風熱通聖散滾痰丸之類

大病後耳聾須用四物湯降火

陰虛火動耳聾者亦用四物湯

因鬱而聾者以通聖散內大黃酒煨再用酒炒三次後入諸藥通用酒炒

聾病必用龍蒼丸四物湯養陰

濕痰者神芎丸檳榔丸

耳鳴

耳鳴因酒過者大劑通聖散加枳殼柴胡大黃甘草南星桔梗青皮荆芥不愈用四物湯妙

耳鳴必用龍蒼丸食後服

氣實人檳榔神芎丸下之

耳內闕闕然亦是陰虛亦有氣閉者蓋亦是熱氣閉者耳廼鳴也

耳腫痛

耳濕腫痛涼膈散加酒炒大黃黃芩酒浸防風荆芥羌活服腦多麝少濕加枯礬吹

羅天益衛生寶鑑

耳聾

黃帝鍼經云精脫者則耳聾夫腎為足少陰之經而藏精氣通乎耳耳者宗脈之所聚也若精氣調和則腎臟強盛耳聞五音若勞傷氣血兼受風寒損於腎臟而精脫精脫則耳聾也然五臟六腑十二經脈有

絡於耳者其陰陽經氣有相併時併則臟逆名之曰厥氣搏於耳之脈故令聾其腎病精脫耳聾者其候頰顴色黑手少陽之脈動其氣厥逆而耳聾者其證耳內輝輝焯焯也手太陽厥而耳聾者其候聾而耳內氣滿也宜以燒腎散治之

卒聾

夫卒耳聾者由腎氣虛爲風邪所乘搏於經絡隨其血脈上入耳正氣與邪氣相搏故令耳卒聾也宜以蒲黃膏治卒聾也

聾耳

夫耳者宗脈之所聚腎氣之所通足少陰之經也若勞傷氣血熱氣乘虛入於其經邪隨血氣至耳熱氣聚則生膿汁謂之聾耳也

耳中生瘡

夫耳內生瘡者爲足少陰之經其氣通於耳其經虛則風熱乘之隨脈入於耳與氣血相搏故令耳內生瘡也

危亦林得效方

耳鳴

耳鳴皆是腎精不足陰虛火動也痰火者鳴甚腎虛者微鳴宜補腎丸黃芪丸大補丸滋腎通氣湯或六味地黃丸

明方賢奇效良方

論耳鳴耳聾

耳聾屬足少陰腎經寄竅於耳而腎之所主者精精氣調和腎氣充足則耳自聰矣且耳聾所感不一有勞傷氣血風邪乘熱使精脫腎憊而聾者有挾風而聾者有勞損而聾者蓋十二經脈上絡於耳其諸經適有交併則臟氣逆而爲厥厥氣搏入於耳爲厥聾耳者宗脈之所附脈虛而風邪乘之風入於耳使經氣否而不宣爲風聾勞役傷於血氣淫慾耗其精元瘦悴力疲昏昏瞶瞶爲勞聾或人善調養氣血和平

不妄作勞其證漸愈或不能謹避勞傷精氣神風邪停滯則爲久聾之證又有耳觸風邪與氣相搏其聲嘈嘈眼或見光爲虛鳴有熱氣乘虛隨脈入耳聚熱不散膿汁出焉爲膿耳俗醫多用慄悍燥熱之藥制之往往爲腎水虛冷故也夫心火本熱虛則寒矣腎水本寒衰則熱矣腎水既少豈能反爲病耶故一法用酒浸針砂一日至晚去針砂將酒含口中用磁石一塊綿裹塞耳在左塞左在右塞右欲導其氣而通泄也或問曰聾既爲熱或服乾蠍生薑附子醇酒之類性熱之物而或愈者何也答曰欲以開發元府而令耳中鬱滯通泄也凡治聾者適其所宜若熱證退而聾不已者當以辛熱之劑發散疾止卽已不可久服恐熱極而成他病爾若聾有熱證相兼者宜以退風散熱調之退結散熱而愈然聾甚悶絕亦爲難已慎不可攻之過極反傷正氣若非其病不可服其藥飲食同法當所宜者過度則反傷正氣病已卽止藥欲求不病無損而已矣又言老人之氣衰多病頭目昏眩耳鳴或聾土氣等證此皆陽實陰虛之證也俗言老弱爲虛冷而無熱也縱有熱證或云少水不勝多火而反言腎水虛則爲寒此乃舉世受悞之由者也

虞搏醫學正傳

耳病

內經曰腎者作強之官技巧出焉又曰耳爲腎之外候又曰腎通竅於耳又曰心通竅於耳夫腎之爲臟水臟也天一生水故有生之初先生二腎而一陰藏於其內而又有相火存乎命門之中也相火每挾君火之勢而侮所不勝經所謂一水不能勝二火是矣其或嗜慾無節勞役過度或中年之後大病之餘腎水枯涸陰火上炎故耳癢耳鳴無日而不作也或如蟬噪之聲或如鐘鼓之響甚爲可惡早而不治漸而至於龍鍾良可嘆哉治法宜瀉南方之火補北方之水無有不安者焉錢仲陽曰腎有補而無瀉厥有旨哉

診法

左寸洪數心火上炎兩尺洪數相火上炎其人必遺精夢泄兩耳或鳴或聾  
戴思恭證治要訣

耳病

耳爲腎竅耳病皆屬於腎腎虛故耳中或如潮聲蟬聲或暴聾無聞宜鳴聾散或嚼蠟用酒下及黃蠟粥食之

腎經久虛耳中潮聲蟬聲無休止時妨害聽聞者當墜氣補腎正元飲嚙黑錫丹兼進安腎丸風毒攻耳致生膿者名聾耳

樓英醫學綱目

耳目受陽氣以聰明

人之耳目猶月之質必受日光所加始能明耳目亦必須陽氣所加始能聰明是故耳目之陰血虛則陽氣之加無以受之而視聽之聰明失耳目之陽氣虛則陰血不能自施而聰明亦失然則耳目之聰明必須血氣相須始能視聽也

耳病屬腎肝

耳以竅言之腎水也經云腎主耳在臟爲腎在竅爲耳又云腎氣通於耳腎和則耳能聞五音矣又云精脫者耳聾故羅謙甫以精脫耳聾必顛頰色黑也

經云肝虛則目眈眈無所見耳無所聞善恐治用四物湯加防風羌活柴胡菖蒲茯苓神等分煎服二十餘帖却用杜壬薑蠍散開之肝虛則生薑補之是也

運氣耳聾有四

一曰濕邪傷腎三焦聾經云太陰在泉濕淫所勝民病耳聾渾渾焯焯治以苦熱是也

二曰燥邪傷肝聾經曰歲金太過燥氣流行肝木受邪民病耳聾無所聞是也

三曰火邪傷肺聾經云歲火太過炎暑流行肺金受邪民病耳聾是也

四曰風火炎擾於上聾經云少陽司天之政風熱叅布雲物沸騰民病聾瞑三之氣炎暑至民病熱中聾瞑治以寒劑是也

運氣耳鳴皆屬風火

經云厥陰司天風行太虛雲物搖動目轉耳鳴三之氣天政布氣乃特舉民病耳鳴又云厥陰之撈耳鳴

經云厥陰司天風行太虛雲物搖動目轉耳鳴三之氣天政布氣乃時舉民病耳鳴又云厥陰之勝耳鳴頭眩又云少陽所至爲耳鳴治以辛寒是也

運氣耳痛皆屬熱

經云少陽之勝耳痛治以辛寒是也

李梴醫學入門

耳聾有新舊之異

耳聾須分新舊新聾多熱少陽陽明火多故也宜散風熱開痰鬱之劑舊聾多虛腎常不足故也宜滋補兼通竅之劑脈證以腎爲主遲濡爲虛浮動爲火浮大爲風沉澹爲氣數實爲熱

耳聾有三

厚味動胃火則左右俱聾忿怒動膽火則左耳聾色慾動相火則右耳聾三者忿怒爲多

耳聾有痰火風濕氣閉虛勞精脫氣脫之不同

痰火因膏粱胃熱上升兩耳蟬鳴熱鬱甚則氣閉漸聾眼中流火宜二陳湯加黃蘗木通篇蓄瞿麥因酒者通聖散加南星枳殼大黃或滾痰丸

風聾因風邪入耳必內作癢或兼頭痛風熱或因鬱者防風通聖散先將大黃酒煨又酒炒三遍後入諸藥俱用酒炒煎服風壅連頭目不清者清神散風虛者排風湯桂香飲芎芷散

濕聾因雨水浸漬必內腫痛涼膈散加羌活防風俱用酒炒或五苓散加陳皮枳殼紫蘇生薑濕痰神芎丸痞塞不通必兼眩運實人因怒者當歸龍薈丸虛人因思者妙香散憂滯者流氣飲子加菖蒲上盛下虛者祕傳降氣湯加菖蒲

虛聾因久瀉或大病後風邪乘虛入耳與氣相搏嘈嘈而鳴或時眼見黑花陰虛者四物湯加知藥菖蒲遠志或腎氣丸加磁石故紙菟絲子黃蘗陽虛者八味丸益腎散磁石湯

勞聾昏昏聵聵瘦瘁乏力因勞力脫氣者補中益氣湯加菖蒲有火者加知藥茯苓因房勞脫精者人參養榮湯加知藥或補骨脂丸如久聾腎弱氣虛絕不聞者難治

大要調氣與開關通竅腎水竅耳而能聞聲者水生於金也肺主氣一身之氣貫於耳故能聽聲凡治諸聾宜先調氣開鬱間用磁石羊腎丸開竅蓋聾皆痰火鬱結非磁石鎮墜烏桂椒辛菖蒲辛散流通則老痰鬱火難開然亦劫劑也愈後以通聖散和之可也

耳鳴

耳鳴乃是聾之漸也惟氣閉多不鳴便聾風熱鳴者解毒湯加生地知母或通聖散痰火鳴甚當歸龍蒼丸挾濕神芎丸或青木香丸腎虛微鳴滋腎丸氣虛四君子湯下血虛四物湯下陰虛虎潛丸

聾耳膿耳耳疼

聾膿疼皆風熱湊也聾耳原有油液風熱搏結成核以致鳴聾外用猪脂地龍鍋煤等分薑汁和丸棗核大綿裹入耳令潤挑去重者內服柴胡聰耳湯膿耳風熱上壅外用枯礬五分陳皮胭脂俱燒灰各二分麝五釐爲末吹耳重者內服犀角飲子耳疼如蟲走者風盛乾痛者風熱或屬虛火有血水者風濕外用蛇蛻燒存性爲末吹入枯礬末亦可疼甚用吳萸烏頭尖大黃搗爛盒足心重者內服東垣鼠黏子湯龔信古今醫鑑

耳病論

夫耳者腎之竅也其爲病亦有數種有氣厥而聾者有挾風而聾者有勞傷而聾者有熱氣乘虛隨脈入耳而爲膿耳者有耳出津液風熱搏之結核塞耳亦令暴聾而爲聾耳者然又有左聾者有右聾者有左右俱聾者不可不分經而治之也

治法

夫左耳聾者因有所忿怒過度則動少陽膽火故從左起以龍蒼丸主之右耳聾者因有所色慾過度則動太陽膀胱相火故從右起以六味地黃丸主之左右俱聾者因有所醇酒厚味過度則動足陽明胃火故從中起以通聖散滾痰丸主之蓋左耳聾者婦人多有之以其多忿怒故也右耳聾者男子多有之以其多色慾故也左右俱聾者膏粱之家多有之以其多肥甘故也總二者而論之忿怒致耳聾者爲多痰火上升兩耳蟬鳴漸欲聾宜加減龍蒼丸鍼砂酒通用利氣湯復聰湯

龔廷賢萬病回春

耳聾脈證

耳病腎虛遲濡其脈浮大爲風洪動火賊沉瀦氣凝數實熱塞久病聾者專於腎責暴病浮洪兩尺相同或兩尺數陰火上衝

左耳聾宜龍膽湯右耳聾宜滋陰地黃湯左右耳俱聾宜酒製通聖散清聰化痰丸  
腎虛耳聾宜六味地黃丸本方加遠志菖蒲黃蘗知母並鹽水炒亦治陰虛火動而聾





欽定古今圖書集成醫部全錄

醫部彙考一百三十五

耳門二

明張三錫醫學準繩六要

耳鳴聾總論

耳鳴耳聾須分新久虛實忽因大怒大醉而聾或鳴者屬痰火分輕重治中年及體虛或病後有此悉屬虛但分氣血耳古方有用鼠膽猫尿凌霄花等杵汁滴耳者有用杏仁去皮加鹽蒸熟捻油滴者有用蓖麻子去皮加棗子一個同搗加乳汁和丸綿裹塞耳者有蒜瓣剗空納巴豆炮熟綿裹塞耳者有用雄黃巴豆末葱涎和錠捲紙塞耳者有以蜀椒巴豆菖蒲松脂以蠟鎔作筒子塞耳者有用細莘蒲黃麴末杏仁和丸塞耳者加有龍腦椒目者無非辛熱散結透竅有餘暴起者或可取效若元氣不足腎陰虧損虛火挾痰泛上閉住其竅而聾鳴者雖日滴時塞如蟻撼石終莫能動須大補氣血滋陰制火使大氣上行充塞乎頭則九竅通利聾聵咸除難經曰腎氣通於耳耳和則知五音矣腎氣不得通於耳則耳不和而聾得上通於耳則耳和而聰觀此則虛實判然矣

腎虛耳中潮聲蟬聲無休止時妨害聽聞者當墜氣補腎正元飲嚙黑錫丹間進安腎丸有熱者龍齒散腎臟風耳鳴夜間如打鼓聲四肢抽掣痛耳內覺有風吹奇癢宜黃芪丸

耳屬腎人所共知也然少陽膽經循脅絡耳故傷寒邪傳少陽則耳聾脅痛是也婦女鬱悒既久則耳前後生瘰癧馬刀暴怒氣逆則耳卒聾皆相火客於本經而然不獨腎也

耳聾耳鳴有痰有火有氣虛有陰虛有肝火少壯悉屬痰火中年必是陰虛

陰虛耳聾

兩尺脈大或左脈大或左脈虛大體瘦色黑兼見口乾腸燥而耳鳴或聾者手足心必熱屬陰虛六味丸坎離丸主之

氣閉耳聾

耳聾著惱而成通氣散效茴香木香人參延胡索陳皮菖蒲各一錢羌活殭蠶川芎蟬蛻各五分穿山甲二錢甘草錢半為細末每服三錢溫酒調下

肝火耳聾

左脈弦急而數屬肝火其人必多怒耳鳴或聾宜平肝伐木龍膽瀉肝湯不已龍薈丸

痰火耳聾

右關脈滑而數屬痰火鬱於上焦宜清痰降火二陳酒芩連柴胡枳殼或竹瀝薑汁下滾痰丸佳

氣虛耳聾

右脈大而無力或濡而細證兼倦怠口中無味等內傷證者屬氣虛恆見勞碌之人或中年病後得此宜加減益氣聰明湯

風熱耳聾

耳根連牙牀腫痛屬上焦風熱陽明少陽二經受病清胃兼辛涼散之升柴芷翹荆防薄荷甘桔枳殼酒芩連元參花粉赤芍鼠黏生地等類頻緩服勢盛加酒蒸大黃腫已消但出水膿不止用紅末子吹之耳門瘡鼠黏子湯佳

耳中忽然大痛如有蟲在內走奔或出血或出水或乾痛不可忍用蛇蛻燒存性以鵝翎管吹入耳中立止

大病後及勞碌耳聾或鳴當作虛治須分氣血一補陰一益氣

虛聾

耳出膿汁或聾而鳴屬上焦風熱蔓荆子散佳方用蔓荆生地赤芍甘菊桑皮木通麥冬升麻前胡炙甘草赤茯苓薑棗煎服

耳鳴聾皆是陰虛火動滋腎丸虎潛丸或滋陰百補丸俱好

肝火耳聾

脈弦而濡或數其人多飲屬肝經風熱木香檳榔丸耳根連及項或腫多在左邊脈弦數屬肝火恆見於婦女宜平肝降火兼舒鬱柴胡青皮香附撫芎梔子酒芩連歸芍貝母連翹元參主之若腫而發熱有表證者荆防敗毒散主之

耳下結久硬且脹著惱便甚屬鬱越鞠丸主之

徐春甫古今醫統

### 耳聾有六候

諸書論聾證有六候有氣聾火聾風聾厥聾勞聾陰聾又有聾耳膿耳大抵耳屬足少陰腎經腎寄竅於耳也腎通耳所主者精精氣調和腎氣充足則耳聞而聰若勞傷血氣精脫腎憊必主耳聾且十二經脈上絡於耳其陰陽諸經適有交併則臟氣入於耳而為厥是謂厥聾必有眩運相兼耳者宗脈之所附脈虛而風邪乘之經氣痞而不宣謂之風聾必有頭痛之證癆疫傷於氣血淫慾耗其精元瘦瘁力疲昏昏聵聵而開闕然者是為勞聾必兼虛怯等證此好色腎虛者有之有痰火上升鬱於耳中而鳴有熱乘虛隨脈入耳結為膿汁謂之膿耳或耳間有津液風熱搏之結硬成核塞耳亦令暴聾此為聾耳前是數者皆當推其腎脈風則浮盛熱則洪大虛則澹而微風者散之熱者清之腎虛者補益之痰火者涼而降之各隨其宜而治之豈有不聰聽者也

### 耳聾耳鳴屬熱者多

俗云老人多是虛冷而無熱此世之誤也凡老人之氣衰多病頭目昏眩耳鳴或聾上氣喘咳涎唾稠粘口苦舌乾筋痿脈促二便秘結此皆陰虛陽實之證故經云人年四十而陰氣自半惟是孤陽獨盛見證皆火又以熱藥與之是以益火也大寒之藥故不可服而惟以溫平調理計出萬全

### 氣虛耳聾當見於大病之後

凡人大病之後而耳聾者多是氣虛若老人耳聽漸重亦是氣虛重而兼鳴者亦有痰不宜峻補

### 耳聾當以通氣開鬱為主

耳聾證乃氣道不通痰火鬱結壅塞而成聾也凡用清痰降火之藥須兼味辛行氣通竅之藥方得治法

之要古方用酒浸鍼砂一日至晚去鍼砂將酒含口中用緊磁石一塊綿裹塞耳左聾塞左右此欲導其氣而通其閉也若峻用痰火藥則反傷脾胃亦不能開其塞若急補氣虛則火愈上而亦不能開惟以前法痰火藥中佐以辛溫之味緩緩平治自然痊愈予見攻之太過反傷正氣變生他疾者有之此又不可不察也

耳聾治法宜瀉南方補北方

憂愁思慮則傷心心虛血耗必致耳聾耳鳴房勞過度則傷腎腎虛精竭亦必致耳聾耳鳴藥宜瀉南方補北方滋陰降火爲主心虛當甯心順氣宜辰砂妙香散平補鎮心丹選用之腎虛者宜益精補腎肉苁蓉丸

王綸明醫雜著

耳鳴

耳鳴證或鳴甚如蟬或左或右時時閉塞世人多作腎虛治不效殊不知此是痰火上升鬱於耳中而爲鳴鬱甚則壅閉矣若遇此證但審其平昔飲酒厚味上焦素有痰火只作清痰降火治之大抵此證多先有痰火在上又感惱怒而得怒則氣上少陽之火客於耳也若腎虛而鳴者其鳴不甚其人多慾當見勞怯等證

按前證若血虛有火用四物湯加山梔柴胡若中氣虛弱用補中益氣湯若血氣俱虛用八珍湯加柴胡若怒便聾而或鳴者屬肝膽經氣實用小柴胡湯加芎歸山梔虛用八珍湯加山梔若午前甚者陽氣實熱也小柴胡湯加黃連山梔陽氣虛用補中益氣湯加柴胡山梔午後甚者陰血虛也四物湯加白朮茯苓若腎虛火動或痰盛作渴者必用地黃丸經云頭痛耳鳴九竅不利腸胃之所生也脾胃一虛耳目九竅皆爲之病

耳瘡

耳瘡屬手少陽三焦經或足厥陰肝經血虛風熱或肝經燥火風熱或腎經虛火等因若發熱焮痛屬少陽厥陰風熱用柴胡梔子散若內熱癢痛屬肝經風熱用小柴胡湯加山梔川芎若內熱口乾屬腎經虛

火用加味地黃丸如不應用加減八味丸餘當隨證治之  
趙獻可醫貫

論耳諸病

耳者腎之竅足少陰之所主人身十二經絡中除足太陽手厥陰其餘十經絡皆入於耳惟腎開竅於耳故治耳者以腎爲主或曰心亦開竅於耳何也蓋心竅本在舌以舌無孔竅因寄於耳此腎爲耳竅之主心爲耳竅之客爾以五臟開於五部分陰陽言之在腎肝居陰故耳目二竅陰精主之在心脾肺居陽故口鼻舌三竅陽精主之靈樞曰腎氣通於耳腎和則能聞五音五臟不和則七竅不通故凡一經一絡有虛實之氣入於耳者皆足以亂其聰明而致於聾聵此言暴病者也若夫久聾者於腎亦有虛實之異左腎爲陰主精右腎爲陽主氣精不足氣有餘則聾爲虛若其人瘦而色黑筋骨健壯此精氣俱有餘固藏閉塞是聾爲實乃高壽之兆也二者皆稟賦所致不須治之又有乍聾者經曰不知調和七損八益之道早衰之節也其年未五十體重耳目不聰明矣是可畏也其證耳聾面頰黑者爲脫精腎憊用安腎丸八味丸菴蓉丸薯蕷丸選而用之若腎經虛火面赤口乾痰盛內熱者六味丸主之此論陰虛者也至於陽虛者亦有耳聾經曰清陽出上竅胃氣者清氣元氣春升之氣也同出而異名也今人飲食勞倦脾胃之氣一虛不得上升而下流於腎肝故陽氣者閉塞地氣者冒明邪害空竅令人耳目不明此陽虛耳聾須用東垣補中益氣湯主之有能調養得所氣血和平則其耳聾漸輕若不知自節日就煩勞卽爲久聾之證矣

又有因虛而外邪乘聾者如傷寒邪入少陽則耳聾脅痛之類當各經分治之

又有耳痛耳鳴耳痒耳膿耳瘡亦當從少陰正竅分寒熱虛實而治之者多不可專作火與外邪治耳鳴以手按之而不鳴或少減者虛也手按之而愈鳴者實也王節齋云耳鳴聲如蟬或左或右或時閉塞世人多作腎虛治不效殊不知此是痰火上升鬱於耳而爲鳴甚則閉塞矣若其人平昔飲酒厚味上焦素有痰火只作清痰降火治之大抵此證多先有痰火在上又感惱怒而得則氣上少陽之火客於耳也若腎虛而鳴者其鳴不甚其人必多慾當見勞怯等證惟薛立齋詳分縷悉云若血虛有火用四物湯加山

梔柴胡若中氣虛弱用補中益氣湯若血氣俱虛用八珍湯加柴胡若怒便聾而或鳴者屬肝膽經氣實  
用小柴胡湯加川芎當歸山梔虛用八珍湯加山梔若午前甚者陽氣實熱也小柴胡加黃連山梔陽氣  
虛用補中益氣湯加柴胡山梔午後甚者陰血虛也四物加白木茯苓若腎虛火動或痰盛作渴者必用  
地黃丸

耳中闐闐然是無陰也又液脫者腦髓消脛痠耳數鳴宜地黃丸

腎虛耳中潮聲蟬聲無休止時妨害聽聞者當墜氣補腎正元飲嚙黑錫丹間進安腎丸腎臟風耳鳴夜  
間睡著如打戰鼓更四肢抽掣痛耳內覺風吹奇痒宜黃芪丸腎者宗脈所聚耳為之竅血氣不足宗脈  
乃虛風邪乘虛隨脈入耳氣與之搏故為耳鳴先用生料五苓散加製枳殼橘紅紫蘇生薑同煎吞青木  
香丸散邪風下氣續以芎歸飲和養之耳中聒聒耳鳴耳聾內有汚血宜柴胡聰耳湯  
其餘耳痛耳痒耳腫耳聾等證悉與薛氏論相參用之

### 耳瘡

羅謙甫曰耳內生瘡者為足少陰是腎之經也其氣通於耳其經虛風熱乘之隨脈入於耳與氣相搏故  
令耳門生瘡也會青散主之黃連散亦可內服鼠黏子湯

### 膿耳

耳膿即聾耳用紅綿散麝香散內服柴胡聰耳湯通氣散如壯盛之人積熱上攻膿水不瘥紅綿散麝香  
散不宜用收斂太過也宜三黃散效  
王肯堂證治準繩

### 論耳

### 耳屬足少陰腎經

中藏經曰腎者精神之舍性命之根外通於耳素問曰腎在竅為耳腎和則耳能聞五音矣又曰腎者  
主為外使之遠聽視耳好惡以知其性故耳好前居牙車者腎端正註牙車即頰車穴也在耳下曲頰  
端陷中耳偏高者腎偏傾耳高者腎高耳後陷者腎下耳堅者腎堅耳薄不堅者腎脆元珠曰耳薄而

黑或白者腎敗也

又屬手少陰心經

素問曰南方赤色入通於心開竅於耳又曰手少陰之絡會於耳中

又屬手太陰肺經

李東垣曰耳本主腎而復能聽聲者聲爲金是耳中有肺水土生於申也王太僕曰手太陰肺之脈其絡會於耳中肺虛則少氣不能報息是以耳聾也

又屬足厥陰肝經

素問曰肝病氣逆則耳聾不聰朱丹溪曰耳聾屬熱少陽厥陰熱多

又屬手足少陽三焦膽手太陽小腸經之會

靈樞曰少陽根於竅陰結於窻籠窻籠者耳中也素問曰一陽獨嘯少陽厥也其終者耳聾嘯耳中鳴如嘯聲也膽及三焦脈皆入於耳故氣逆上則耳中鳴又曰少陽主膽其脈循脅絡於耳故傷寒三日少陽受之則脅脅痛而耳聾九日少陽病衰耳聾微聞也又靈樞曰手太陽所生病者耳聾目黃

又屬手足陽明大腸胃經

素問曰頭痛耳鳴九竅不利腸胃之所生也靈樞曰聾而痛者取手陽明聾而不痛者取足少陽又曰耳者宗脈之所聚也胃中空則宗脈虛虛則下溜脈有所竭者故耳鳴

又屬足太陽膀胱經

素問曰太陽所謂耳鳴者陽氣萬物盛上而躍故耳鳴也

又屬手足少陰心腎太陰肺脾足陽明胃經之絡

素問曰此五絡皆屬於耳中上絡左角邪客之則病

耳前屬手足少陽三焦膽足陽明胃經之會

素問曰上部人耳前之動脈在耳前陷者中動應於手手少陽脈氣之所行也

耳後屬手足少陽三焦膽經之會

李東垣曰少陽者斜出於耳前後也

耳下曲頰屬足少陽膽陽明大腸經之會又屬手太陽小腸經

靈樞曰手太陽當曲頰

曲頰前屬足少陽膽陽明大腸經之會

前寸許屬手陽明大腸經

曲頰後屬足少陽膽經

靈樞曰足少陽在耳下曲頰之後

趙以德曰耳者腎之竅足少陰經之所主然心亦寄竅於耳在人身十二經絡中除足太陽手厥陰外其餘十經脈絡皆入於耳中蓋腎治內之陰心治外之陽合天地之道精氣無處而不交通故清淨精明之氣上走空竅耳受之而聽斯聰矣因此耳屬二臟之竅也於是諸經稟其陰陽五行精明者皆上入之所以宮商角徵羽之五音從斯辨矣經曰積陽爲天積陰爲地清陽出上竅是也若二氣不調則交通不表故陽氣者閉塞地氣者冒明而陽氣之閉塞者或因煩勞陰虛氣浮或因衛氣不下循脈積聚於上或得於邪風與陽並盛或因熱淫之勝或因三焦之火獨光而耳中渾渾焯焯或因經臟積熱所致或因大怒氣上而不下夫如是者皆由心氣虛實不調虛則不能治其陽下與陰交實則恃陽強而與陰絕經曰至陰虛天氣絕是也而地氣之冒明者或憂愁不解陰氣閉塞不與陽通或內外濕飲痞隔其氣不得升降則耳中亦渾渾焯焯或腎精脫若熱病之精脫二者尺脈絕則死或耳中因二氣不和結乾聾聵塞之夫如是皆由腎氣不和虛則陰氣微不能上交於陽而陽是暴實則陰氣逆不納其陽也

暴聾之病與陰陽隔絕之未甚經脈欲行而未通衝擊其中鼓動聽戶隨其氣之微甚而作嘈嘈風雨諸聲者則可隨其邪以爲治補不足瀉有餘務使陰陽和平自然清淨之氣上走耳中而聽斯聰矣曰若子所表言水火同開此竅何原病式之非溫補耶曰心在竅爲舌以舌非孔竅因寄竅於耳則是腎爲耳竅之主心爲耳竅之客以五臟開竅於面部分陰精陽氣言之在腎肝居陰故耳目二竅陰精主之在心肺脾居陽故口舌鼻三竅陽氣主之所以陰精主者貴清涼而惡煩熱陽氣主者貴溫暖而惡寒涼潔古老



人嘗有是論信耳目之不可以溫補也

風虛耳聾排風湯桂星散羊腎羹魚腦膏磁石丸薑蠟散  
風熱耳聾犀角飲子芍藥散犀角散茯神散

耳因鬱聾輕者吞來復丹重者吞養正丹凡治耳聾皆當調氣

氣逆耳聾有三肝與手太陽少陽也經云肝氣逆則頭痛耳聾不聰頰腫又云太陽所謂浮爲聾者皆在氣也羅謙甫云手太陽氣厥而耳聾者其候聾而耳內氣滿也手少陽氣厥而耳聾者其候耳內渾渾焯焯此皆氣逆而聾也治法宜四物湯吞龍蒼丸降火及復元通氣散調氣是也

耳聾面頰黑者爲精脫腎虛羅謙甫云經曰精脫者則耳聾夫腎爲足少陰之經乃藏精而氣通於耳耳者宗脈之所聚也若精氣調和則腎臟強盛耳聞五音若勞傷氣血兼受風邪損於腎臟而精脫者則耳聾也然五臟六腑十二經脈有絡於耳者其陰陽經氣有相併時併則臟氣逆名之曰厥厥氣相搏入於耳之脈則令聾其腎病精脫耳聾者其候頰色黑手少陽之脈動則氣厥逆而耳聾者其候耳內渾渾焯焯也手太陽厥而耳聾者其候聾而耳內氣滿也宜以燒腎散主之  
燒腎散益腎散補腎丸菴蓉丸肉菴蓉丸桑螵蛸湯腎虛有寒者宜之  
本事地黃湯腎虛有熱者宜之

耳聾少氣嗌乾者爲肺虛東垣曰臟氣法時論云肺虛則少氣不能報息耳聾嗌乾註云肺之絡會於耳中故聾此說非也蓋氣虛必寒盛則氣血俱滯滯而不行也耳者宗氣也肺氣不行故聾也宜生脈散嚼下蠟彈丸

勞聾宜益氣聰明湯

頭目不清清神散

氣閉不通通氣散祕傳降氣湯加菖蒲

耳發

或問耳輪生疽何如曰是名耳發疽屬手少陽三焦經風熱所致六七日漸腫如胡桃或如蜂房之狀或

赤或紫熱如火痛徹心是也下日刺出黃白膿者生刺之無膿時出鮮血飲食不下神昏狂躁者死小兒耳竅旁生者相傳指月而生恐未必然大抵風濕熱毒成疔故名月蝕疔瘡

耳內瘡

或問耳中生毒何如曰耳中所患不同皆由足少陰手少陽二經風熱上壅而然其證有五曰聾耳亦曰耳濕常出黃膿有耳風毒常出紅膿有纏耳常出白膿有耳疔生瘡臭穢有震耳耳內虛鳴常出清膿雖有五般其源一也皆不寒熱有耳聾耳疔則不作膿亦不寒熱外無腫腫但耳塞不通已上纏綿不已令人耳聾活命飲黃連消毒飲治之若寒熱間作內外紅腫疼痛日增者為耳癰用活命飲加升麻桔梗紫金丹烏金丹壯實者一粒金丹下之若寒熱大作痛楚難禁者疔也作疔治之

耳後疽

或問耳後一寸三分生疽古云不治之證今有一人年二十四歲耳後結塊如拳肉色不變亦不甚痛七日不食何如曰此名耳後毒非癭也隔蒜灸之活命飲加柴胡桔梗升麻八陣散下之愈

耳根毒

或問耳根結核何如曰是名耳根毒狀如痰核按之不動而微痛屬足少陽膽經兼三焦經風熱所致用活命飲加升麻柴胡水酒煎服或烏金散汗之壯實者一粒金丹汗之老弱者黃芪內托散十宣散托之吳崑醫方考

耳病方論

耳以司聽匪聽弗聰也君子有思聰之責者胡然而使衰如乎故考方論

腎熱耳中膿血不聞人聲者千金腎熱湯主之蓋耳者腎之竅故腎熱則令人病耳生膿出血不聞人聲也是方也磁石能引肺金之氣下降於腎腎得母氣自然清肅而熱日愈生地汁麥門冬白芍藥所以滋腎陰而瀉腎熱乃葱白者所以引腎氣上通於耳也牡蠣鹹寒能軟堅而破結氣得葱白引之入耳則能開聽戶而消膿血乃白朮甘草大棗者健脾之品也所以培萬物之母益土氣而制腎邪爾勞聾氣聾風聾虛聾毒聾久聾耳鳴者千金補腎丸主之蓋勞聾者勞火鼓其聽戶也氣聾者經氣滯塞

於聽戶也風聾者風熱閉其聽戶也虛聾者氣血虛耗而神不用也毒聾者膿血障礙妨於聽戶也久聾者病非一日邪氣痺聚也凡是聾者勢必耳鳴故總繫其耳鳴也味甘之甘者可以補虛亦可却勞人參黃芪羊腎山萸乾地黃菟絲巴戟從容澤瀉芍藥當歸茯苓甘草均之味甘之品也能療虛聾勞聾味之辛者可以驅風亦可以順氣防風細莘菖蒲遠志丹皮石斛均之味辛之品也能療氣聾風聾性之毒者可以開結毒亦可以療久痺蛇牀桂心附子乾薑均之辛溫微毒之品也能療毒聾久聾三十年久聾用故鐵三十斤以水七斗浸三日取汁入麴釀米七斗如常造酒法候熟取磁石一斤研末浸酒中三日乃以飲取醉以綿裹磁石內耳中覆頭一臥酒醒去磁石即瘥其謂磁石引鐵物類之相感也金石之性寒可使主內熱金石之性重可使鎮祛氣共釀於酒飲其無所不之既飲其酒復以磁石內耳欲其內外交感而聽戶隨開爾

耳膿用人髮燒灰存性每用分許吹入耳中即瘥此濕者燥之之意而必以人髮者近取諸身而自足也他如白礬赤石脂鴿糞皆可枯灰用之陳實功外科正宗

### 耳病

耳病乃三焦肝風妄動而成大人由虛火實火之分小兒有胎熱胎風之別虛火者耳內蟬鳴或兼重聽出水作痒外無焮腫此屬虛火妄動之證也四物湯加牡丹皮石菖蒲及腎氣丸主之實火者耳根耳竅俱腫甚則寒熱交作疼痛無時宜柴胡清肝湯治之又有耳挺結於竅內氣脈不通疼痛不止以梔子清肝湯為治外用黃線藥插入挺肉縫旁化盡乃愈小兒胎熱或浴洗水灌竅中亦致耳竅作痛生膿初起月間不必擦藥治早項內生腫候毒盡自愈如月外不瘥以紅綿散治之則安矣

### 百蟲入耳

百蟲入耳乃偶然誤入之如蠅蚊細蟲入耳以麻油數點滴入竅中蟲亦自死取出如蜈蚣等大蟲入者以肉炙香安耳邊其蟲聞香自出有蟲夜間暗入者切勿驚慌喊叫逼蟲內攻宜正坐點燈光向耳竅其蟲見光自出對面有人見其蟲不出

黑疔

黑疔生於耳竅之內黑硬腐爛破流血水疼及腮頰宜先鍼刺次行發汗仍照疔類調治  
醫門法律 臣喻昌著

耳鳴

人身有九竅陽竅七眼耳鼻口是也陰竅二前後二陰是也陽氣走上竅而下入於陰竅則有溺泄腹鳴之候陰氣走下竅而上入於陽位則有窒塞耳鳴之候故人當五十以外腎氣漸衰於下每每從陽上逆而腎之竅開於耳耳之聰司於腎腎主閉藏不欲外泄因肝木爲子疏泄母氣而散於外是以謀慮鬱怒之火一動陰氣從之上逆耳竅窒塞不清故能聽之用不礙而聽遠不無少礙高年之體大率類然較之聾病一天一淵聾病者其竅中另有一膜遮蔽外氣不得內入故以開竅爲主而方書所用石菖蒲麝香等藥及外填內攻等法者皆爲此而設至於年高陰氣不自收攝越出上竅之理從無一人言及反以治少壯耳聾藥及發表散氣藥兼帶陰虛爲治是以百無一效不知陰氣至上竅亦隔一膜不能越出竅外止於竅中汨汨有聲如蛙鼓蚊羅鼓吹不已以故外入之聲爲其內聲所混聽之不清若氣稍不逆上則聽稍清氣全不逆上則聽全清矣昌悟明此理凡治高年逆上之氣屢有奇效方中大意全以磁石爲主以其重能達下性主下吸又能制肝木之上吸故也而用地黃龜膠羣陰之藥輔之更用五味子山茱萸之酸以收之令陰氣自旺於本宮不上觸於陽竅絲是空曠無礙耳之於聲似谷之受響萬籟之音尚可細聆豈更與人聲相拒艱於遠聽耶此實至理所在但醫術淺薄之輩不能知之試觀人之收視而視愈明返聽而聽愈聰者然後知斯言非臆說也

人兩腎之竅雖開於耳而腎氣上入耳際亦爲隔膜所蔽不能越於耳外止於耳根下少則微鳴多則大鳴甚且將縈耳之筋觸之跳動直似撞穿耳輪之象者然實必不可出也設陰氣能出耳外而走陽竅則陰陽相混非三才之理矣故耳之用妙在虛而能受也外入之氣隨大隨小至耳無礙惟內觸之氣咕咕有聲所以外入之氣僅通其半若鬱怒之火動內氣轉增則外入之氣轉混必內氣漸走下竅上竅復其虛而能受之體然後清清明朗聲入卽通無壅礙也方書指爲少陽膽厥陰肝二經熱多所致是說左耳

分部然少陽之氣能走上竅其穴皆絡於腦巔無觸筋冲耳之理不當與厥陰混同立說其通聖散一方汗下兼用乃治壯火之法丹溪所取亦無確見惟滾痰丸一方少壯用之多效者則以大黃黃芩沉香之苦最能下氣而蒙石之重墜大約與磁石之用相倣也昌所以不用此方者以其大損脾胃且耗胃中氤氳之氣也至於腎虛耳鳴指作膀胱相火上升則陽火必能透出上竅而為鳴也尤見丹溪無據之談易言水中有火原說真火坎中一點真陽即真火也高年之人腎水易竭真火易露故腎中之氣易出難收况有厥陰之子為之挹取乎則壯水之主以制陽光如盞中加油而燈燄自小誠為良法乃云作腎虛治不效者知其泛論世人不為老人立法也夫收攝腎氣原為老人之先務豈丹溪明哲而為此等議論乎

景岳全書

臣張介賓著

### 論證

耳聾證諸家所論雖悉然以余之見大都其證有五曰火閉曰氣閉曰邪閉曰竅閉曰虛閉

凡火閉者因諸經之火壅塞清道其證必闕闕焯焯或脹或悶或煩或熱或兼頭面紅赤者是也此證治宜清火火清而閉自開也

氣閉者多因肝膽氣逆其證非虛非火或因恚怒憂鬱氣結而然治宜順氣氣順心舒而閉自開也邪閉者因風寒外感亂其營衛也解其邪而閉自開

竅閉者必因損傷或挖傷或雷炮震傷者或患聾耳潰膿不止而壞其竅者宜用開通之法以治之也虛閉者或以年衰或以病後或以勞倦過度因致精脫腎虧漸至聾閉是非大培根本必不可也

凡此數者有從外不能達者其病在經有從內不能通者其病在臟當各隨其宜而治之自無不愈者然暴聾者多易治久聾者最難為力也

耳聾證總因氣閉不通耳蓋凡火邪風邪皆令氣壅塞則閉也怒則氣逆逆則閉也竅傷則氣窒窒則閉也虛則氣不充不充則閉也凡邪盛氣逆而閉者實閉也氣有不及而閉者虛閉也然實閉者少而虛閉者多且凡屬實邪固令耳竅不通使果正氣強盛斷不至此惟經氣不足然後邪氣得以奪之此正邪之所湊其氣必虛之謂也故即係實邪而病至聾閉者亦無不有挾虛之象所以凡治此證不宜峻攻如古

法之用通聖散神芎丸涼膈散木香檳榔丸之屬皆不可輕用蓋恐攻之未必能愈反傷脾胃則他變踵至矣治此之法凡火壅於上者自宜清降兼陰虛者亦宜補陰此陽證之治也若無火邪止由氣閉則或補或開必兼辛溫之劑方可通行此陰證之治也然此二者皆當以漸調理但無欲速庶乎盡善

耳鳴當辨虛實凡暴鳴而聲大者多實漸鳴而聲細者多虛少壯熱盛者多實中衰無火者多虛飲酒味厚素多痰火者多實質清脈細素多勞倦者多虛且耳爲腎竅乃宗脈之所聚若精氣調和腎氣充足則耳目聰明若勞傷血氣精脫腎憊必至聾聵故人於中年之後每多耳鳴如風雨如蟬鳴如潮聲者是皆陰衰腎虧而然經曰人年四十而陰氣自半半卽衰之謂也又以易義參之其象尤切易曰坎爲耳蓋坎之陽居中耳之聰在內此其所以相應也今老人之耳多見聰不內居而聲聞於外此正腎元不固陽氣漸渙之徵耳欲求來復其勢誠難但得稍緩卽已幸矣其惟調養得宜而日培根本乎

論治

火盛而耳鳴耳閉者當察火之微甚及體質之強弱而清之火之甚者宜抽薪飲大分清飲當歸龍蒼丸之類主之火之微者宜徒薪飲兼陰虛者宜加減一陰煎清化飲之類兼痰者宜清膈飲主之

氣逆而閉者宜六安煎加香附丹皮厚朴枳殼之類主之

氣逆兼火者宜加山梔龍膽草天花粉之類主之

氣逆兼風寒者加川芎細辛蘇葉菖蒲蔓荊子柴胡之類主之

傷寒外感發熱頭痛不解而聾者當於傷寒門察證治之邪解而耳自愈也但傷寒耳聾雖屬少陽之證然必因虛所以有之故仲景亦以爲陽氣虛也是以凡遇此證必當專顧元氣有邪者兼以散邪且可因耳之輕重以察病之進退若因治而聾漸輕者其病將愈聾漸甚者病必日甚也其有聾閉至極而絲毫無聞者此其腎氣已絕最是大凶之兆

虛閉證凡十二經脈皆有所主而又惟肝腎爲最若老年衰弱及素稟陰虛之人皆宜以大補元煎或左歸右歸丸肉蓯蓉丸或十全大補湯之類主之

若憂愁思慮太過而聾者宜平補鎮心丹辰砂妙香散之類主之

若陽虛於上者宜補中益氣湯歸脾湯之類凡諸補劑中或以川芎石菖蒲遠志細辛升麻柴胡之類皆可隨宜加用但因虛而閉或已久者終不易愈

竅閉證非因氣血之咎而病在竅也當用法以通之

石室祕錄 臣陳士鐸著

### 耳聾

耳聾者腎經病也論理該用六味地黃丸內加柴胡五錢甘菊白芍各二兩當歸枸杞麥冬各三兩北五味三錢今不用此而用鼠膽一枚龍齒冰片麝香硃砂各一分乳香朝腦各半分各研為絕細末以人乳為丸如梧子大外用絲綿裹之不可太大塞入耳之深處至不可受而止塞三日取出即耳聰未不再聾不必三丸但鼠膽最難得覓一大鼠先以竹籠養之後以紙為匣子引其藏身內用果品令其自食久之忽然用棒椎擊死立時取膽則膽在肝中也否則再不可得也乾者可用只消用水調化俱入藥末中則一樣也實耳聾者亦用此方神效又方用珍珠一粒外用龍骨末一分以蜜調之丸在珠上外用丹砂為衣綿裹塞耳中即愈神方也一月後取出再用六味地黃丸一料末不再聾

### 耳癢

耳中作癢以木刺之尚不足以安其癢必以鐵刀刺其底錚錚有聲始覺快然否則癢極欲死此腎肝之火結成鐵底於耳中非湯藥可救予立一方用龍骨一錢皂角刺一條燒灰存性冰片三分雄鼠膽一枚先將前藥為末後以鼠膽水調勻而後以人乳再調如厚糊一般將此藥盡抹入耳孔內必然癢不可當必須人執其兩手癢定而自愈矣愈後服六味丸三十斤可也

### 耳鳴

耳中聞螞蟻戰鬥之聲者此則非崇乃腎水耗盡又加怒氣傷肝所致方用柴胡白芥子梔子各三錢熟地山茱萸白芍各三兩麥冬一兩水煎服方中純是補腎平肝之聖藥飲之數日其戰鬥之聲漸遠服一月即愈

### 方一

補中益氣湯東垣 治氣虛清氣下陷濁氣上升耳聾不聞聲

黃芪一錢 白朮 人參各三分 炙甘草五分 當歸身酒製 橘皮 升麻 柴胡各二分 水二盞煎至一盞溫服欬去人參

四物湯 治血虛耳聾

熟地二錢 川芎八分 當歸身 白芍各一錢 右為粗末水煎

四君子湯 治氣虛耳聾

白朮二錢 人參 茯苓各一錢 炙甘草五分 薑棗水煎

八珍湯 治氣血兩虛而聾者

人參 白朮 茯苓 炙甘草 熟地黃 當歸 白芍 川芎 水煎服

六味丸 治腎經不足頭運耳聾等證

熟地黃八兩 山茱萸肉 乾山藥 牡丹皮 白茯苓 澤瀉各三兩 右各另為末和地黃膏加煉

蜜丸桐子大每服七八十九丸空心食前滾湯下

大安腎丸 治腎經久積陰寒膀胱虛冷下元衰憊耳重常服補元陽益腎氣

肉桂去粗皮不見火 川烏頭炮去皮臍各一斤 桃仁麩炒 白蒺藜炒去刺 巴戟去心 山藥

茯苓 肉蓯蓉酒浸炙 石斛去根炙 萆薢 白朮 破故紙各四十八兩 右為末煉蜜為丸如梧

桐子大每服三十九丸溫酒或鹽湯下空心食前

小安腎丸 治腎氣虛之下元冷憊精神昏憤耳作蟬鳴等證

川練子鹽四兩水四升同煮候乾切焙 香附子 川烏頭各一斤 藜香十二兩 熟地黃八兩

川椒去目及閉口者微炒出汗四兩 右六味為細末酒糊為丸如桐子大每服二十九丸空心臨臥鹽湯

酒任下

滾痰丸 治耳聾耳鳴耳痒等證之由於痰火實盛者

大黃蒸少頃翻過再蒸少頃取出不可過 黃芩各八兩 沉香 青蒙石煨如金色 百藥煎各五錢



右爲末水丸如梧桐子大白湯食後空心服此方用百藥煎乃得之方外祕傳蓋此丸得此藥乃能收攝周身頑涎聚於一處然後利下甚有奇功

沉香降氣散 治陰陽壅滯氣不升降耳竅閉塞

沉香二錢八分 砂仁七錢五分 香附子鹽水炒去毛六兩二錢五分 甘草炙五錢五分 右爲極細末每服二錢入鹽少許沸湯調服不拘時

指迷七氣湯 治七情相干陰陽不得升降氣道壅滯耳竅閉塞

香附子二錢 青皮去瓢 陳皮去白 桔梗 蓬朮 官桂 藿香 益智仁 半夏湯洗七次

甘草炙各一錢 水二鍾生薑三片紅棗二枚煎一鍾食遠服

流氣飲子 治五臟不和三焦氣壅耳閉無聞

紫蘇葉 青皮去白 當歸 芍藥 半夏湯洗 烏藥 茯苓 桔梗 川芎 黃芪 枳實麩炒各一錢 木香 防風去蘆 檳榔 陳皮去白 炙甘草 大腹子連皮 枳殼麩炒各五分 生薑三片紅棗一枚水煎不拘時服

蘇子降氣湯 治虛陽上攻氣不升降上盛下虛耳聾等證

紫蘇子炒 半夏湯泡各二錢五分 前胡去蘆炙甘草 厚朴去皮薑炙炒 陳皮去白各一錢

當歸去蘆一錢五分 沉香七分 水二鍾生薑三片煎至一鍾不拘時服

養正丹 治上盛下虛氣不升降元陽虧損

水銀 黑錫去滓淨秤與水銀結砂子 硫黃研 硃砂研細各一兩 右用黑盞一隻火上鎔黑鉛成

汁次下水銀以柳條攪次下硃砂攪令不見星子放下少時方入硫黃急攪成汁和勻如有饒以酢灑

之候冷取出研極細末糞糯米糊丸菜豆大每三十九丸鹽湯棗湯任下

復原通氣散 治氣不宣流或成瘡癩耳聾耳痒

舶上茴香炒 穿山甲蛤粉炒 延胡索 陳皮 白牽牛炒 甘草炙各一兩 木香不見火兩半

右爲細末每服二錢用熱酒調食後服不用酒者煎南木香湯調下

右爲細末每服二錢用熱酒調食後服不用酒者煎南木香湯調下

防風通聖散 治證同上

防風 川芎 當歸 白芍藥 大黃 薄荷葉 麻黃去節 連翹 芒硝各五錢 石膏 黃芩

桔梗各一兩 滑石三兩 甘草二兩 荊芥穗 白朮 梔子各二錢半 右為末每服二錢水一大

盞生薑三片煎六分溫服

排風湯 治風虛冷濕邪氣入臟重耳不聞人聲此湯聰耳明目通臟腑

白鮮皮 當歸酒浸一宿 肉桂去粗皮 防風 白芍藥 杏仁去皮尖麩炒 炙甘草 芎藭

白朮各二兩 獨活 麻黃去節 茯苓各三兩 右為粗末每服三錢水一盞半薑四片煎八分去滓

溫服不拘時

不換金正氣散 治耳瘡出膿水

蒼朮炙 橘皮去白 半夏麩 厚朴薑炙 藿香各二錢 甘草炙一錢 生薑五片紅棗二枚煎服

正元散 治證同上

紅豆炒 乾薑炮 陳皮去白各三錢 人參 白朮 炙甘草 茯苓去皮各二兩 烏藥去木

附子炮去皮尖 山藥薑汁浸炒 川芎 乾葛各一兩 黃芪炙一兩五錢 肉桂去麩皮 川烏炮

去皮各五錢

右為細末每服三錢薑三片棗一枚鹽少許煎七分食前溫服

木香檳榔丸 治證同上

木香 檳榔 枳殼麩炒 杏仁去皮尖炒研 青皮去瓢各一兩 半夏麩 皂角去白酥炙

榔杏仁去皮各二兩 右為細末別以皂角四兩用漿水一碗搓揉熬膏更入熟蜜少許和丸梧子大每

十九食後薑服五湯下

越鞠丸 治證同上

香附炒 蒼朮米泔水浸一宿炒 川芎各二兩 山梔炒 神麩各一兩五錢 右為末滴水丸梧子

大每服一百丸白湯下

平補鎮心丹和劑 治虛人耳聾

酸棗仁去皮炒二錢半 車前子 白茯苓去皮 麥門冬去心 肉桂去粗皮不見火 五味子

茯神去木各一兩二錢半 龍齒 熟地黃酒蒸 天門冬去心 山藥薑汁炒 遠志去心甘草水煮

各一兩半 人參 硃砂細研為衣各五錢 右為末煉蜜丸如桐子大每服三十九丸空心米湯溫酒任下

五苓散景仲 治痰水上逆耳聾耳聾

猪苓 茯苓 白朮炒各十八銖 肉桂半兩 澤瀉一兩六銖半 右為末每服三錢服後多飲熱水

汗出而愈

二陳湯 治痰火耳聾

茯苓 陳皮 半夏各一錢 甘草五分 生薑二片水煎服

青木香丸 治痰水耳聾

黑牽牛二百四十兩炒令香取頭末一百二十兩 檳榔用酸粟米飯裹濕紙包火中煨令紙焦去飯

補骨脂炒香 葶澄茄各四十兩 木香二十兩 右為細末清水滴為丸如菜豆大每服二十九茶湯

熱湯任下

小柴胡湯景仲 治虛人肝火耳聾

柴胡八兩 半夏八兩 人參 黃芩 生薑 甘草各三兩 大棗十二枚劈 右七味以水一斗二

升煮取六升去滓再煎取三升溫服一升日三服

一粒金丹東垣 治耳鳴耳聾或耳中生瘡

葶芩以猪膽汁拌勻入膽內懸待陰乾 青黛 延胡索 白芷 川芎各一兩 右為細末用無根

水為丸每用一丸以無根水化開嚙鼻內更以銅錢咬口內出涎

人參散

人參 炙甘草 龍齒各二兩 犀角屑 生地 白茯苓去皮各一兩 麥門冬去心一兩五錢 右

咬咀每服五錢水一中盞煎至七分去滓溫服不拘時

妙香散良方

山藥薑汁炒 茯苓 茯神 黃芪炙 遠志炒各一兩 人參 桔梗 炙甘草各五錢 木香煨二錢五分 辰砂三錢另研 麝香一錢另研 右為細末每服二錢不拘時溫酒調下

烏金散三因

黃丹炒 細墨燒各一兩 右為細末研勻每服三錢食後先用水漱口待心中熱渴欲水便以冷水調下

歸脾湯濟生

人參 茯神 黃芪炙 酸棗仁炒研 龍眼肉 白朮各二錢五分 木香 炙甘草各五分 水二鍾生薑五片紅棗一枚煎一鍾服薛新甫加遠志當歸各一錢

四生散和劑

黃芪 川羌活 蒺藜 白附子各等分生用 右為末每服二錢薄荷酒調下

涼膈散

梔子 連翹 薄荷 黃芩 甘草各一兩五錢 大黃 芒硝各五錢 右為麤末每一兩水二盞竹葉七片煎至一盞去滓入蜜少許食後服

逍遙散元戎

當歸 白芍 白朮 柴胡 甘草 茯神各等分 右薑水煎服

紫金丹本事

淡豆豉好者二錢用水略潤少時以紙挹乾研膏 白砒水飛半錢 右用豉膏子和砒同杵極勻如麻子大每服五丸至十丸量大小與之並用臘茶清極冷吞下臨臥以知為度

調中益氣湯東垣

黃芪一錢 人參 甘草 當歸 白朮各五分 五味子十五粒 白芍 柴胡 升麻各三分 橘皮二分 右水二盞煎一盞去滓服食前

上元樂學榮敏仙初校 陽胡陳以真藥御覆校

耳門三

方二

桂星散 準繩下同 治風火閉塞耳竅不聞

蕤桂 川芎 當歸 石菖蒲 細辛 木通 木香 白蒺藜炒去刺 麻黃 甘草炙各一錢

白芷稍 天南星煨製各一錢五分 右水二鍾葱白二根紫蘇五葉薑五片煎至一鍾食後服一方加

全蝎去毒一錢

磁石羊腎丸 治風虛不爽時有重聽或有風癢之狀

磁石二兩火煨醋淬七次用葱子一合木通三兩入水同煎一晝夜去葱并木通 川椒去目 防風

石棗去核 遠志肉 白朮炒 白茯苓 細辛 兔絲子酒浸 川芎 山藥炒 木香 當歸身

鹿茸酒浸一宿炙黃芪製 川烏炮各一兩 石菖蒲一兩五錢 肉桂六錢五分 熟地黃九蒸二兩

右為細末用羊腎兩對去膜以酒煮爛和諸藥末搗以養腎酒打糊和丸如梧子大每服百十九空心

溫酒鹽湯任下仍服清神散二藥相間服忌牛肉雞鴨子

清神散 治氣壅頭目不清耳常重聽

甘菊花 白殭蠶炒各半兩 羌活 荆芥穗 木通 川芎 防風各四錢 木香一錢 甘草

石菖蒲各一錢五分 右為細末每服二錢食後茶清調服

磁石浸酒方 治風邪之氣干於腦或入於耳久而不散經絡痞塞不能宣利使人耳中空空然或

作旋運

磁石五兩搗碎水淘去赤汁 山茱萸 天雄炮去皮臍各二兩 木通 防風 薯蕷 遠志去心

菖蒲 芎藭 細辛 蔓荊子 白茯苓 肉桂乾薑炮 甘菊花各一兩 熟地黃三兩 右剉細和

魚腦膏 治風聾年久及耳鳴

鯉魚腦二兩 當歸焙 白芷 菖蒲 細辛 附子炮去皮臍各半兩 右除魚腦外為細末以魚腦

置銀器中入藥在內微火煎候香濾去滓傾入磁器中候凝丸如棗核大綿裹塞耳中一方無菖蒲有

羊腎脂同魚腦先熬次下諸藥

羊腎羹 治證同上

杜仲去麤皮炙黃 黃芪各半兩 磁石五兩搗碎水淘去赤汁綿裹懸煎不得到鎊底 羊腎一隻去

脂膜切 肉蓯蓉一兩酒浸一宿去皮炙乾 右以水三大椀先煮磁石取汁二大椀下杜仲等又煎取

一盞半去滓入羊腎粳米一合葱白薑椒鹽酢一如作羹法空心服

磁石丸

磁石煨酢淬七次 防風 羌活 木通 白芍 黃芪鹽水浸焙 桂心各一兩 人參半兩 右為

末用羊腎一對去脂膜搗爛打酒糊為丸如桐子大每服五十九丸空心溫酒鹽湯下

薑蠟散 治耳聾氣塞腎虛等證

全蠍四十九個去毒泡濕

右以糯米半升於大瓦鋪平將蠍鋪米上焙令米黃為度去米不用又切生薑四十九片每片置蠍再

焙薑焦為度去薑不用將蠍研為細末三五日前每日先服黑錫丹三五服臨服藥時令夜飯半飽服

時看其人酒量勿令大醉服已令熟睡勿得叫醒却令人輕喚如不聽得濃煎葱白湯一椀令飲五更

耳中聞百十攢笙響便自此聞聲一方無糯米製銀石器中炒

犀角飲子 治風熱上壅耳內聾閉聾腫掣痛膿血流出

犀角鎊 木通 石菖蒲 甘菊花 赤芍藥 元參 赤小豆炒各二錢 甘草炙一錢 右水二

鍾薑五片煎至一鍾不拘時服

芍藥散 治熱壅生風耳內痛與頭相連膿血流出 赤芍 白芍 川芎 木鼈子 當歸 大黃 甘草各一錢五分 右水二鍾煎至一鍾食後服

犀角散 治風毒壅熱心胃痰滯兩耳虛聾頭重目眩

犀角屑 甘菊花 前胡 枳殼麩炒黃 羌活 石菖蒲 澤瀉 木通 生地黃各五錢 麥門冬

去心二兩 甘草炙二錢五分 右為末每服三錢水煎去滓食後溫服

茯神散 治上焦風熱耳忽聾鳴四肢滿急胃膈痞悶不利

茯神 麥門冬各一兩 羌活 防風 蔓荊子 苡仁 石菖蒲 五味子 黃芪各五錢 薄荷

甘草各二錢五分 右為末每服三錢生薑三片水煎去滓食後溫服

解倉飲子 治氣虛熱壅或失饑冒暑風熱上壅耳內聾閉徹痛膿血流出

赤芍 白芍各五錢 當歸 炙甘草 大黃蒸 木鼈子去殼各一兩 右剉末每服四錢水煎食後臨臥服

檳榔神芎丸 治濕痰耳聾

大黃生 黃芩各二兩 牽牛 滑石各四兩 檳榔二兩 右為末滴水丸桐子大每服十九次加十

丸白湯下

燒腎散 治腎虛耳聾

磁石一兩煨酢淬七次研飛 附子一兩炮去皮 巴戟一兩 川椒一兩去目及閉口者微炒出汗

右為末每服用猪腎一枚去筋膜細切葱白韭白各一分入散藥一錢鹽花一字和勻用十重濕紙裹於塘灰火內煨熟空心細嚼酒解薄粥下之十日效寶鑑方無巴戟

菴蓉丸 濟生下同 治腎虛耳聾或風邪入於經絡耳內虛鳴

肉菴蓉酒浸焙 山茱萸肉 石龍芮 石菖蒲 菟絲子酒浸蒸焙 羌活 鹿茸去毛酒蒸焙

石斛 磁石火煨酢淬水飛 附子炮各一兩 全蠍去毒七個 麝香半字 右為末蜜丸桐子大每服百丸空心鹽酒鹽湯任下

益腎散 治腎虛耳聾

磁石製 巴戟 川椒開口者各一兩 石菖蒲 沉香各五錢 右為細末每服二錢用猪腎一隻細

切和以葱白少鹽并藥濕紙十重裹煨令香熟空心細嚼溫酒送下

補腎丸 治腎虛耳聾

巴戟去心 乾薑炮 白芍藥 山茱萸 桂心 遠志去心 細辛 菟絲子酒製 澤瀉 石斛  
黃芪 乾地黄 當歸 蛇牀子 人參 甘草 牡丹皮 肉蓯蓉酒浸 附子炮各二兩 防風一  
兩五錢 石菖蒲一兩 茯苓五錢 羊腎二枚 右為細末以羊腎研爛細酒煮麪糊丸如桐子大每  
服五十九丸空心鹽酒送下

肉蓯蓉丸 治腎虛耳聾

肉蓯蓉酒浸焙 菟絲子酒浸 山芋 白茯苓 人參 官桂 防風 熟地黄 白芍藥 黃芪各  
五錢 附子炮去皮臍 羌活 澤瀉各二錢半 羊腎一對薄切去筋膜炙乾 右為細末煉蜜和丸  
如桐子大每服三十九丸空心用溫酒送下

桑螵蛸湯 治虛損耳聾

桑螵蛸炙十枚 當歸 白朮米泔浸炒 官桂 白茯苓去皮 附子炮 荆子 磁石火煨酢淬  
菖蒲 乾地黄焙各一兩 大黃剉炒 細辛 川芎 牡丹皮各五錢 右咬咀每服三錢匕先以水  
三盞煮猪腎一隻取汁一盞去腎入藥煎至七分去滓食前溫服

羊腎丸 治腎虛耳聾或勞頓傷氣中風虛損腎氣升而不降或耳虛鳴

山茱萸 乾薑 巴戟 白芍藥 澤瀉 桂心 北細辛 菟絲子酒浸 遠志 乾地黄 黃芪  
石斛 附子 當歸 牡丹皮 蛇牀子 甘草 蓯蓉酒浸 人參各二兩 菖蒲一兩 防風一兩  
五錢 茯苓五錢 右為末以羊腎一對研細以酒煮麪糊丸梧子大食前鹽酒下三十九丸至五十九立  
效

安腎丸 治虛弱耳聾

大安腎丸四兩 真磁石五錢酢煨 石菖蒲 羌活各五錢 右三件為末為丸梧子大每服四五十  
丸鹽湯溫酒任下



地黃丸 治勞損耳聾

大熟地黃洗焙 當歸 川芎 薜桂 菟絲子酒浸三日蒸乾搗末 川椒出汗 故紙炒 白芷

白茯苓炒杵去刺 胡盧巴炒 石菖蒲 杜仲薑製炒去絲各二錢五分 磁石火煨酢淬七次研細

水飛三錢七分五釐 右件藥為細末煉蜜為丸如梧桐子大每服五十九丸以葱白溫酒空心吞下晚飯

前再服一服

蠟彈丸因三 治肺虛耳聾

白茯苓二兩 山藥炒三兩 杏仁炒一兩五錢去皮尖 右三味研為末和勻用黃蠟一兩鎔和為丸

如彈子大鹽湯嚼下有人止以黃蠟細嚼點好建茶送下亦效山藥茯苓杏仁皆入於太陽山藥大補

陰氣惟杏仁利氣乃補中有通也少氣隘乾者門冬人參五味湯嚼下

通氣散 治氣閉耳聾

穿山甲二錢 茴香 木香 全蠍 元胡索 陳皮 菖蒲各一錢 羌活 白僵蠶 川芎 蟬蛻

各一錢 甘草一錢五分 右件藥為細末每服三錢不拘時候溫酒調下

復元通氣散 治諸氣澀耳聾腹癰便癰瘡疽無頭止痛消腫

青皮 陳皮各四兩 甘草炙三寸半 連翹一兩 右為末熱酒調服

菖蒲散

石菖蒲一兩一寸九節者 蒼朮五兩生用 右剉成塊子置瓶內以米泔浸七日取出蒼朮只將菖蒲

於甑上蒸二兩時取出焙乾搗為細末每服二錢糯米飲調服日二次或將蒸熟者作指頭大塊子食

後置口中時時嚼動嚙津亦可

通神散 治耳聾

全蠍一枚 地龍 土狗各二個 麝香一字 明礬半生半煨 雄黃各五錢 右為細末每用少許

葱白蘸藥引入耳中閉氣面壁坐一時二日一次

通耳法

磁石緊者豆大一塊 穿山甲燒存性為末一字 右二味用新綿裹了塞所患耳內口中銜少生鐵覺耳內如風雨聲即愈

追風散 治耳聾

藜蘆 雄黃 川芎 石菖蒲 全蠍 白芷 藿香葉 鵝不食草 薄荷 苦丁香各等分 麝香

少許 右為細末每用些少吹鼻中如無鵝不食草加片腦少許

蓖麻丸 治耳聾

蓖麻子去殼 松脂 黃蠟 杏仁去皮雙仁炒各五錢 乳香 食鹽 巴豆炒各二錢五分 右件

藥搗如膏捻如棗核樣以黃蠟薄捲之大針劄兩三眼子兩頭透用塞耳經宿黃水出愈

透耳筒 治證同上

椒目 巴豆 菖蒲 松脂各一錢 右件藥為末攤令薄捲作筒塞耳內一日一易

雄黃散 治證同上

雄黃 防風 礬石 石菖蒲 烏頭 川椒開口者炒出汗各二錢五分 大棗核十枚 右為末以

香爐中安艾一彈子大次著黃蘖末半錢於艾上覆以藥二錢匕著艾上火燃之以筒引耳熏之

耳聾方

一豆三猫不出油麝香少許用真修煉蜜為丸麥粒大綿裹挺子耳中投

鯽魚膽膏 治證同上

鯽魚膽一箇 烏驢脂少許 生油半兩 右和勻內樓葱管中七日滴入耳內

蠍梢膏 治證同上

蠍梢七枚焙 淡豆豉二十一粒揀大者焙乾 巴豆七粒去心膜不去油 右先研蠍梢淡豉令細別

研巴豆成膏同研勻捏如小棗核狀用葱白小頭取孔以藥一粒在內用薄綿裹定臨臥時置耳中一

宿取出未通再用以通為度

鼠膽丸 治證同上

會青一錢 龍腦五分 凌霄花二錢 右為細末每用一字吹入後用鼠膽滴入隨用綿子塞之從  
晚至雞鳴取出

蓖麻子丸 治久聾

蓖麻子二十一箇去油用 皂角煨取肉半錠 生地龍中者一條 全蠍二箇焙 遠志去心 磁石  
火煨酢淬七次研細水飛 乳香各二錢 右為細末以黃蠟鎔和為丸塞耳中

久聾方

天雄二錢五分 附子一枚 右為細末將雞子開一孔取出黃用清和藥仍入殼中封固令雞抱之俟  
雞出藥成取出以綿裏塞耳中取瘥為度

耳聾雞卵方

新雞卵一箇 巴豆一粒去心膜 右先以雞卵上開一孔將巴豆納卵中以紙兩重麪粘貼蓋却與雞  
抱以其餘卵雞出為度取汁滴耳內日二次

通耳丹 治耳聾

安息香 桑白皮 阿魏各一兩五錢 硃砂五分 右用巴豆七箇蓖麻仁七箇大蒜七箇研爛入藥  
末和勻棗核大每用一枚塞耳內

通氣散 治耳聾

穿山甲 螻蛄各五錢 麝香一錢 右為細末以葱涎和劑塞耳或為細末葱管盛少許放耳中  
耳聾方

水銀二錢五分 蚯蚓中者一條

右就樓葱叢內以一莖去尖頭入水銀蚯蚓在內即繫却頭勿令傾出候蚓化為水滴入耳中

勝金透關散 善治前證

川烏頭炮一箇 細莘各二錢 膽礬五分 鼠膽一具 右為細末用鼠膽調和勻再焙令乾研細入  
麝香半字鵝毛管吹入耳中吹時口含茶清待少時

蒲黃膏 治卒耳聾

細莘 蒲黃各一分 杏仁湯浸去皮尖雙仁 麴末各三分 右為細末研杏仁如膏和捻如棗核大 綿裹塞耳中日一易

龍腦膏

龍腦一錢二分研 椒目五錢 杏仁二錢半 右件搗研合勻綿裹棗核大塞耳中日二易

蘆薈丸 良方下同 治疔積火盛耳閉耳鳴耳瘡等證

蘆薈 胡黃連 黃連炒焦 木香 白蕪荑炒 青皮各五錢 當歸 茯苓 陳皮各一兩五錢

甘草炙七錢 右為末米糊丸桐子大每服七八十九丸米湯下

龍齒散 治腎虛熱毒乘虛攻耳致耳內常鳴如蟬聲不可專服補藥

龍齒 人參 白茯苓 麥門冬 遠志各半兩 丹砂 鐵粉 龍腦 牛黃 麝香各二錢半另研

右為細末研勻每服半錢匕食後用沸湯調服日三次

黃芪丸 治證同上

黃芪一兩 沙苑蒺藜炒 羌活各五錢 黑附子大者一箇 羯羊腎一對焙乾 右為細末酒糊丸

如桐子大每服四十九丸空心食前煨葱鹽湯下

芎歸飲 治證同上

川芎 當歸 細莘各五錢 石菖蒲 官桂 白芷各二錢 每服三錢水二盞入紫蘇薑棗煎至一

盞去滓不拘時服如虛冷甚者酌量加生附子

柴胡聰耳湯 治耳中乾聾耳鳴致聾

柴胡二錢 連翹四錢 水蛭五分炒研 蝨蟲二箇去翅足研 麝香少許研 當歸身 人參

炙甘草各一錢 右除另研外以水二盞入薑二片煎至一盞稍熱下水蛭等末再煎一二沸食遠稍熱

芎芷散 治風入耳虛鳴

白芷 石菖蒲炒 蒼朮 陳皮 細辛 木通 厚朴 半夏製 薜桂 紫蘇 炙甘草各一分

川芎二分 右剉散每服三錢薑五片葱白二根食後臨臥服

麝香散 治耳內虛鳴

麝香五分 全蠍十四箇 薄荷十四葉裏麝香全蠍瓦上焙乾 右為細末滴水捏作梃子塞耳內極

妙 耳鳴沸開方

吳茱萸 巴豆去皮炒 乾薑 石菖蒲 磁石 細辛各一分 右為末用鵝膏和少許以綿裹塞耳

中以鹽五升布裏蒸熨耳門令暖氣通入耳內冷即易之如此數次瘥後常以亂髮捲塞耳中慎風一

方無磁石

生犀丸 治耳中策策疼痛

犀角鎊 牛黃研 南星 白附子炮 乾薑炮 丹砂研 半夏洗 龍腦研 沒藥研 乳香研

烏蛇酒浸去皮骨炙 官桂各二錢半 防風 當歸焙 麝香研各五錢 右為細末煉蜜為丸如桐

子大每服二十九丸空心溫酒送下

解熱飲子 治氣虛熱壅耳內聾閉微痛膿血流出

赤芍 白芍各五錢 當歸 川芎 炙甘草 大黃蒸 木鼈子去殼各一兩 右剉散每服四錢水

一盞煎至七分食後臨臥服

鼠黏子湯 治耳內痛生瘡

桔梗五錢 桃仁一錢 柴胡 黃芪各三分 連翹 酒黃芩 鼠黏子 當歸梢 生地黃 黃連

各二分 蒲黃 炙甘草 龍膽草 昆布 蘇木 生甘草各一分 紅花少許 右水一盞煎至一

盞去滓稍熱服食後忌寒藥利大便

白龍散 治小兒腎臟盛而有熱熱氣上衝於耳津液結滯則生膿汁有因沐浴水入耳內水濕停

積搏於血氣蘊積成熱亦令耳膿汁出謂之聾耳久而不愈則成聾

圖書集艾醫部全錄

卷三十三 彙考一百二十六 耳門三

耳門三

耳門三

白礬枯 黃丹 龍骨各五錢 麝香一錢 右研極細末先以綿杖子展盡耳內膿水用藥一字分摻兩耳日二次勿令風入

杏仁膏 治耳中汁出或痛或膿

杏仁不拘多少炒令赤黑 右研成膏薄綿裹內耳中日三四度易之或亂髮裏塞之亦妙

菖蒲槌子 治耳中痛

菖蒲一兩 附子炮去皮臍五錢 右為細末每用不以多少油調滴耳內效一法用酢丸如杏仁大綿裹置耳中日三易一法搗菖蒲自然汁灌耳神效

通氣散 治聾耳

柳李仁去皮研 芍藥 人參各五錢 大黃 山芋 官桂去皮各一兩 檳榔三枚 牡丹皮 木香 細莘去苗 炙甘草各二錢五分 右為細末研勻每服一錢七空心溫酒調服

蔓荆子散 治內熱耳出膿汁

蔓荆子 赤芍藥 生地黃 桑白皮 甘菊花 赤茯苓 川升麻 麥門冬去心 木通 前胡 炙甘草各一錢 右水二盞薑三片紅棗二枚煎至一盞食後服

松花散 治前證

枯礬五錢 麻勃 木香 松脂 臘脂各二錢半 右搗羅細末先以綿杖子淨拭後用藥吹入耳

白連散 治前證

枯礬 鴈鱗骨 黃連去鬚 龍骨各一兩 右為細末以綿裹棗核大塞耳中日三易

麝香散 治前證

桑螵蛸一箇炙 麝香一字 右為末研令勻每用半字摻耳如有膿先用綿杖子撚乾一法用麝香少黃丹多研勻入耳

禹餘糧丸 治前證

禹餘糧火燒酢淬七次 鴈鱗魚骨 釜底墨 伏龍肝各二錢五分 生附子 右牛馬末以綿裹

皂角子大塞耳日再易之如不瘥者內有蟲也

葱涎膏 治疔疔塞耳聾不可強挑

葱汁三合 細莘去苗 附子炮去皮各二錢 右以細莘附子為末葱汁調如棗核大塞耳中

耳聾方

龍骨 枯礬 燕脂 海螵蛸各等分 麝香少許 右為細末先繳耳淨將藥乾吹

菖蒲散 治前證

菖蒲焙 狼毒 磁石火煨酢淬 附子炮去皮 枯礬各五錢 右為細末以羊髓和少許綿裹塞耳

中

竹蛀散 治前證

苦竹蛀末 枯礬各二錢 燕脂五分 麝香一錢 右研極細以綿杖子拭之用鵝毛管吹一字入耳

蠟倍散 治前證

全蠟燒存性三錢 五倍子炒一兩 枯礬一錢 麝香少許 右為細末研勻每用少許吹耳中一方

加乾燕脂

立效散 治前證

陳橘皮燈上燒黑一錢為末 麝香少許 右研勻每用少許先以綿拭耳內膿淨吹之

香附散 治前證

香附去毛研為末 右以綿杖送入耳

附子丸 治耳聾出膿疼痛及疔疔塞耳

附子炮去皮臍 菖蒲米泔浸焙 蓖麻仁另研 枯白礬 松脂各一兩研 乾燕脂半兩 杏仁二

兩去皮尖雙仁炒另研 右為細末研勻鎔黃蠟和然如棗核大針穿一孔令透塞耳中日一換或治疔

聾不用黃蠟只搗成膏綿裹如棗核大塞耳

耳膿方

密陀僧一錢 輕粉五分 麝香一字 右為細末先以綿拭耳內膿却搽藥

三黃散 治耳內流膿

雄黃 硫黃 雌黃各等分 右為細末以少許吹入耳中

二聖散 治耳內出膿水

羌活 白附子炮各一兩 右為細末用猪羊腎各一隻切開每隻入藥末五分不得著鹽濕紙裏煨熟

五更初溫酒嚼下續喫粥壓之

無憂散 治前證

黃芪 木通 桑白皮 陳皮各一兩 胡椒 白朮 木香各五錢 牽牛頭末四兩 右俱為細末

每服三五錢食後以薑汁調下

會青散 治耳內瘡

雄黃七錢五分 會青五錢 黃芩二錢五分 右為細末研勻每用少許納耳中有膿汁用綿杖子拭

乾用之

黃連散 治前證

黃連五錢 枯白礬七錢五分 右為細末每用少許綿裹納耳中

柴胡梔子散 治三焦及足少陽經風熱耳內作痒生瘡或出水疼痛或曾乳間作痛或寒熱往來

柴胡 梔子炒 牡丹皮各一錢 茯苓 川芎 芍藥 當歸 牛蒡子炒各七分 甘草五分 右

水煎服一名梔子清肝散

當歸川芎散 治手足少陽經血虛瘡證或風熱耳內痒痛生瘡出水或頭目不清寒熱少食或婦

女經水不調胃膈不利腹脅痞痛

當歸 川芎 柴胡 白朮 白芍藥各一錢 山梔炒一錢二分 牡丹皮 白茯苓各八分

蔓荊子 甘草各五分 右水煎服 若肝氣不平寒熱加地骨皮 肝氣實加柴胡黃芩 氣血虛加

參芪歸地 脾虛飲食少思加蒼朮 脾虛胃膈不利加參芪 痰滯胃膈不利加朮半 肝氣不順



胃膈不利或小腹痛滿攻痛加青皮 肝血虛胃膈不利或小腹痛痞滿時作痛加熟地 肝血虛寒小腹時痛加肉桂 日晡發熱加歸地

加味地黃丸 治肝腎陰虛瘡證或耳內痒痛出水或眼昏痰氣喘嗽或作渴發熱小便赤澀等證

乾山藥 山茱萸肉 牡丹皮 澤瀉 白茯苓 熟地黃 生地黃 柴胡 五味子各另為末等分

右將二地黃搗碎酒拌濕杵膏入前末和勻加煉蜜為丸如桐子大每服百丸空心白湯下不應加

減八味丸

立驗散 治蛇虫入耳

川芎 白芷 夜明沙炒 猪牙皂角炙 南星炮 各七錢五分 百部 白丁香 藜蘆各四錢

草烏五錢 砒霜另研 萆薢各二錢 海金沙二錢五分 右為細末研勻臨時更用鉛丹調色勻磁

器收如蛇虫入耳取少許酢調以細翎蘸藥入耳微吹令藥氣行立出藥不得多多即蛇虫成水不出

如蠍螫先點少酢在螫處搽藥半字許擦令熱即效

加減龍蒼丸 醫鑑下同 治痰火上升耳鳴

麝香五分 草龍膽酒洗 當歸酒洗 梔子炒 黃芩 青皮各一兩 木香二錢半 大黃酒蒸

青黛 柴胡各五錢 蘆薈 牛膽 南星各三錢 右為末神麴糊和丸菜豆大薑湯下二十九日三

服七日後用鍼砂酒以通其氣一本無牛膽

鍼砂酒 治證見上

鍼砂一兩 穿山甲末一錢 右以穿山甲拌鍼砂養一晝夜揀出山甲將鍼砂以酒一椀浸三四日噲

酒口內外用磁石一塊綿裹塞耳忌怒

通明利氣湯 治虛火痰氣鬱於耳中或閉或鳴痰火熾盛痞滿煩躁

貝母一錢五分 陳皮一錢二分五釐 黃連 黃芩並酒浸 又用猪膽汁拌炒七分五釐 黃蘗酒

炒 梔子炒 元參酒洗各一錢 蒼朮鹽水炒 白朮 香附童便炒 生乾地黃薑汁炒 檳榔各

五分 川芎四分 木香二分五釐 甘草二分右剉作一貼入薑三片水煎入竹瀝五匙服

復聰湯

丹溪

治痰火上攻耳鳴耳聾

半夏

赤茯苓

陳皮

甘草

篇蓄

木通

瞿麥

黃蘗鹽炒各一錢

右剉作一貼入薑三片水

大補丸

醫鑑

治耳鳴欲聾

黃蘗

八兩剉人乳拌勻曬乾再用鹽水炒褐色

滋腎通氣湯

同春下同

治腎虛耳鳴欲聾

右搗為末水丸梧子大空心鹽湯下百丸一名獨勝丸

當歸

川芎 白芍藥

生乾地黃酒炒各一錢

炒各七分

右剉作一貼空心水煎溫服

知母

黃蘗

黃芩並酒炒

柴胡

白芷

香附

龍膽湯

治忿怒動膽火致左耳聾

黃連

黃芩炒

梔子炒

當歸

陳皮

牛膽

南星各一錢

龍膽

香附各八分

元參七分

滋陰地黃湯

治色慾動相火致右耳聾

熟地黃一錢五分

山藥

山茱萸肉

白芍藥

當歸

川芎各八兩

牡丹皮

澤瀉

白茯苓

石菖蒲

遠志

知母鹽酒炒

黃蘗鹽酒炒各六分

右剉作一貼水煎服空心亦治大病後耳聾

橘紅去白鹽水洗

赤茯苓

蔓荊子各一兩

片苓酒炒八錢

黃連酒炒

白芍藥酒浸煨

生地黃酒洗

柴胡

半夏薑製各七錢

人參六錢

青皮酢炒五錢

生甘草四錢

右為末葱湯

黃龍散

治沐浴水入耳中成膿耳亦治小兒聾耳

枯白礬

龍骨煨

黃丹水飛

乾臙脂燒灰

海螵蛸煨一錢

麝香少許

右為末先以紙拭乾

膿水乃以綿拭蘸藥入耳日日易之

補骨脂丸

入門

治勞損耳聾

磁石煨碎一兩二錢五分 熟地黄 當歸身 川芎 肉桂 菟絲子 川椒 破故紙 杜仲

白蒺藜 胡盧巴 白芷 菖蒲各二錢 右為末蜜丸梧子大空心葱白湯下五十九

聽耳湯 醫鑑 治耳重聽不清

黃蘗酒炒一錢 當歸身酒洗 白芍藥酒炒 生地黄酒洗 川芎 知母酒炒 陳皮 烏藥  
白芷 防風 羌活酒洗 獨活酒洗 薄荷 蔓荊子 藁本酒洗各一錢 細莘七分 右剉作一  
貼水煎食後服服後低頭睡一時

地黃湯 草本 治腎經熱右耳聽事不真每心中著意則轉覺重虛而鳴疼痛

磁石煨碎為末二兩 生乾地黃酒洗一兩五錢 甘草五錢 枳殼 羌活 桑皮 防風 黃芩  
木通各一兩 右為粗末每四錢水煎日二服

荊芥連翹湯 春同 治兩耳腫痛由腎經有風熱

荊芥穗 連翹 防風 當歸 川芎 白芍藥 柴胡 枳殼 黃芩 梔子炒 白芷 桔梗各七  
分 甘草五分 右剉作一貼水煎食後溫服

紅綿散 丹溪 治膿耳

枯礬 海螵蛸各一錢 乾臙脂五分 麝香一字 右研勻先以綿撚子拭去耳膿水盡却以紙撚蘸  
藥摻入耳中即乾一方無海螵蛸

抵聖散 東垣 治耳中膿出經年不愈

鷓鴣骨二錢 乳香二錢 枯白礬 乾臙脂 輕粉各一錢 麝香五分 右細末或摻入或吹入  
耳中

明礬散 丹溪 治腎經熱上衝於耳使津液凝滯為稠膿清汁或沐浴水入耳停滯為膿但不疼若不  
差變成膿

枯白礬 龍骨各三錢 黃丹二錢 麝香少許 乾臙脂一錢 右為末先去膿水次吹藥入

吹耳散 春同 治腎經風熱耳內出膿汁

乾燕脂 海螵蛸 枯白礬 龍骨 赤石脂 蜜陀僧煨 膽礬 青黛 礪砂 黃連各一錢  
龍腦二分 麝香一分 右為細末先去膿水次吹藥入

元參貝母湯醫鑑 治耳熱出汗作痒乃痰也腎火上炎也

防風 貝母 天花粉 黃蘗鹽水炒 白茯苓 元參 白芷 蔓荊子 天麻 半夏製各一錢

甘草五分 右剉作一貼入薑三片水煎食後服

塞耳丹得效 治氣壅塞聾聵

石菖蒲一寸 巴豆肉一粒 全蠍一箇 右為末葱涎和如棗核大綿裹塞耳

柴胡清肝散 治肝膽三焦風熱瘡瘍或怒火憎寒發熱或瘡毒結於兩耳前後或身外側至足或

兩胷乳小腹下或股內側至足等證

柴胡 黃芩炒 人參各三分 山梔炒 川芎各五分 連翹 桔梗各四分 甘草二分 右水煎服

麝香佛手散 治五般耳出血水者

麝香少許 人牙煨過存性出火毒 右為細末每用少許吹耳內即乾及治小兒痘瘡出現而醫者酒

調一字服之即出

水銀膏 治月蝕瘡在兩耳上及竅旁隨月盈虛以為消長

水銀二錢五分 胡粉研 松脂 黃連去鬚為末各五錢 右先熬猪脂令沸下松脂諸末及水銀攪

令勻磁盒盛先以鹽湯洗淨瘡塗敷日三五度

胡粉散 治月蝕瘡

胡粉炒微黃 白礬 虢丹煨 黃連淨 輕粉各二錢 燕脂一錢 麝香少許 右為末先以溫漿

水入鹽洗拭後摻藥如瘡乾麻油調敷

黃芪內托散 治耳腫痛

川芎 當歸 黃芪各二錢 白朮 金銀花 天花粉 皂角針各一錢 甘草 澤瀉各五分

右水三鍾煎八分食前服

仙方活命飲 治前證

穿山甲蛤粉炒黃 白芷 防風 赤芍 花粉 歸尾 乳香 沒藥 川貝母 皂角刺 甘草各

一錢 金銀花 陳皮各三錢 酒一椀煎數沸溫服

托裏消毒散 治前證

人參隨證加減 黃芪鹽水拌炒 當歸 川芎 白芍藥炒 白木炒 白茯苓各一錢 金銀花

白芷各七分 甘草 連翹各五分 右水煎服

參芪內托散 治前證

人參 黃芪蜜炙 當歸 川芎 厚朴薑炙 防風 桔梗炒 白芷 紫草 官桂 木香 甘草

等分 右入糯米一撮水煎服

十宣散 治前證

人參 黃芪製 當歸各二錢 川芎 甘草炙 桔梗 白芷 防風 厚朴各一錢 桂心三分

右為細末每服一錢或二錢木香湯下

黃連消毒散 治前證

黃連炒 羌活各一分 黃芩 黃蘗 桔梗 藜本 防己各五分 當歸尾 連翹 防風 獨活

知母炒 生地黃各四分 人參 甘草各三分 黃芪 蘇木 陳皮 澤瀉各二分 右咬咀為粗

末煎服

遠志酒 能托散諸毒

遠志不拘多少用米泔浸洗椎去心 右為末每服三錢用好酒一鍾調遲少頃澄清飲之以滓敷患處

清肝流氣飲 瘡瘍全書下同 治耳痔耳聾耳癰耳濕耳爛

枳殼 桔梗 黃芩 小柴胡 青皮炒 前胡 羌活 薄荷 生地黃 烏藥 甘草生 防風

川芎 白芷 石膏 赤芍 右咬咀水煎服

定痛降氣湯 前證服流氣飲後即服此方

紫蘇葉 厚朴 陳皮 甘草生 半夏 前胡 川芎 防風 白芍藥 白芷 當歸身 黃蘗

知母 乳香 小柴胡 右薑三片棗一枚煎服不拘時

煉石散 治耳旁石疽堅如石塊其色不變

鹿角燒灰八兩 白薇三兩 粗厲黃石二斤 右用好酢五升先燒石通紅淬酢中再燒再淬酢

盡方止為末加二味末將剩下酢調如泥塗上消軟灸處亦塗之

上元樂學熒敏仙初校  
陽湖陳以真璞卿覆校

欽定古今圖書集成醫部全錄

醫部彙考一百二十七

耳門四

單方

耳腫風毒腫起出血取柳蟲糞化水取清汁調白礬末少許滴之後册

聾耳出水苦竹蛀屑狼牙白薇等分爲末和勻頻搽之聖惠

耳膿作痛因水入耳內者如聖散用箭幹內蛀末膩粉各一錢麝香五分爲末以綿杖繳盡送藥入耳以

綿塞定有惡物放令流出甚者三度必愈普濟方下同

聾耳出膿水棗蠹蟲屎研末同麝香少許吹之

蜈蚣入耳炙猪肪掩耳自出

百蟲入耳椒末一錢酢半盞浸良久少少滴入自出積方

老人耳聾猪腎一對去膜切以粳米二合葱白二根薤白七根人參二分防風一分爲末同煮粥食奉親養老

方

蚰蜒入耳濕生蟲研爛塗耳邊自出或攤紙上作撚安入耳中亦出衛生寶鑑

腎虛耳聾用鹿腎一對去脂膜切以豉汁入粳米二合煮粥食亦可作羹聖惠方

卒耳聾黃蠟不拘多少和茯苓末細嚼茶湯下普濟方

耳聾用鵝油半匙磁石一小豆大麝香少許和勻以綿裹成錠子塞耳中口含生鐵少許用三五枚卽有

效青囊

疳耳出膿用天鵝油調草烏末入龍腦少許和敷立效無則以雁油代之通元論

聾耳出膿蜈蚣末吹之氏飽

腎虛耳聾烏雄雞一隻治淨以無灰酒三升煮熟乘熱食三五隻效

聾耳出汁陳皮燒研一錢麝香少許爲末日搽之

陽湖陳以真璞卿覆校

聾耳出汁青橘皮燒研末綿包裹之

聾耳流水或膿血取柑子嫩葉七個入水數滴杵取汁滴之即愈

聾耳出汁胡桃仁燒研狗膽汁和作梃子綿裹塞之普濟方

傷耳成瘡出汁者用胡桃杵取油內入同上

聾耳出膿檳榔末吹之鮑氏方

聾耳出膿楠木燒研以綿杖繳入聖惠方

耳卒熱腫棟實五合搗爛綿裹塞之頻換

耳痛有膿柳根細切熟搗封之燥即易之

耳卒聾閉巴豆一粒蠟裹針刺孔通氣塞之取效經驗方

耳鳴耳聾一二十年者用柘根二十觔菖蒲五斤各以水一石煮取汁五斗故鐵二十斤煨赤以水五斗浸取清水合水一石五斗用米二石麩二斗如常釀酒成用真磁石三斤為末浸酒中三宿日夜飲之取醉而眠聞人聲乃止

聾耳出膿蟬蛻半兩燒存性麝香五分炒為末綿裹塞之追出惡物效海上方

耳卒聾閉蚯蚓入鹽安葱內化水點之立效勝金方

聾耳出膿生地龍釜上墨生豬脂等分研勻葱汁和捻作梃子綿裹塞之聖惠方用地龍為末吹之

耳中取膿乾結不出用白蚯蚓入葱管中化為水滴耳令滿不過數度即易挑出

蜒蚰入耳地龍為末入葱內化水滴入則蜒蚰亦化為水聖惠方

耳聾氣閉蚯蚓川芎各兩半為末每服二錢麥門冬湯下服後低頭伏睡一夜一服三夜立效聖濟總錄

月蝕耳瘡望夜取兔屎納蝦蟇腹中同燒末敷之肘後方

聾耳出汁故綿燒灰綿裹塞之聖惠方

聾耳出膿用狗膽一枚枯礬一錢調勻綿裹塞耳內三四次即瘥一方加臘豬脂調和奇效良方

滴耳聾閉蝸牛膏用蝸牛一兩石膽鍾乳粉各二錢五分為末瓷盒盛之火煨赤研末入片腦一字每以



油調一字滴入耳中無不愈者聖惠方

蜒蚰入耳蝸牛椎爛置於耳邊即出也瑞竹堂方

耳中有物不出用弓弩弦長三寸打散一頭塗好膠拄著耳中徐徐粘引出聖惠方

久聾不聽鍊松脂三兩巴豆一兩和搗成丸薄綿裹塞一日二度梅師方

耳聾鼠脂半合青鹽一錢蚯蚓一條同和化以綿蘸捻滴耳中塞之聖惠方

耳聾不聽雞矢白炒半升烏豆炒一升以無灰酒二升乘熱投入服取汗耳如鼓聲勿訝外臺方

耳中惡瘡雞矢白研敷之聖惠方

聾耳有蟲膿血日夜不止用鯉魚鮓三斤鯉魚腦一枚鯉魚腸一具洗切烏麻子炒研一升同搗入器中

微火炙暖布裹貼耳兩食頃有白蟲出盡即愈慎風寒千金

耳聾取鯉魚膽汁滴入耳中本草

耳聾取生鯉魚腦髓綿裹塞耳直指

又方用竹筒盛生鯉魚腦於炊飯處蒸之令烺注耳中

耳暴聾以鯉魚腦髓二兩粳米三合和鹽醬煮粥食人門

久聾取鼠膽汁令病人側臥瀝汁入耳令盡須臾膽汁從下耳出初灌益聾半日乃瘥能治二三十年老聾

但鼠膽難得鼠纔死膽便消矣或三月初三日前有之人門

鼠腦髓綿裹塞耳亦治聾直指

耳聾取蛇膏塞耳中神效千金方

耳內忽大痛如有蟲在內奔走或血水流出痛不可忍蛇脫皮燒存性為末吹入耳中立愈正傳

耳痛出膿水取杏仁熬赤為末葱涎和丸綿裹入耳中日三易本草方

耳聾用芥子搗為末人乳汁和丸綿裹塞耳日兩易本草方

耳聾取雄猫尿滴入耳中左滴右如猫不放尿取生薑擦其齒即放尿綱目

氣閉耳聾真麝香為末以葱管吹入耳內後將葱塞耳內耳自聰同春

積年耳聾取驢生脂和川椒熟搗綿裹塞耳妙不可言一方用生薑不用川椒本草

耳聾用巴豆一粒去心皮蟄蟄一枚去翅足二物合搗膏綿裹塞耳中再易甚驗

耳卒腫出膿并底耳及治耳聾出膿用枯礬研細每以葦筒吹少許入耳中日三四度或以綿裹棗核大塞耳一方先以食鹽摻之次入礬末尤妙一方先以紙纏去耳中汁次以礬末粉耳中次以食鹽末粉耳中食久乃起不過再度永瘥一方不用鹽

又方商陸生者洗淨以竹刀削如棗核大塞耳中亦治耳內生瘡

膿水出耳中白礬煨為末入麝香少許綿裹塞耳中本草

耳內流膿腫痛已消膿尚不止用此方摻之神效用上白明礬煨枯三錢乾胭脂二錢麝香一分五釐共研為極細末磁罐密收用時先以新綿作毬絞盡耳內膿再用濕綿毬涼藥送入至耳底日一三次自愈

外科 又方磁石生研細綿裹納聾耳中別用鐵砂末納不聾耳中自然通聽直

耳聾石菖蒲一寸巴豆肉一粒合搗作丸綿裹塞耳日一易

耳痛取菖蒲自然汁灌耳神效本草

耳聾耳鳴生地黃灰火煨綿裹塞耳數易之以瘥為度

水入耳取薄荷自然汁點入立效經

耳聾耳鳴蓖麻子去皮四十九粒大棗肉十個入人乳和搗令勻每取作棗核大綿裹塞耳中覺熱為度一日一易名棗子錠得

久聾甘遂半寸綿裹塞耳中甘草半寸嚼口中即通綱

又方甘遂末吹入左耳甘草末吹入右耳亦效須兩人各處脩製乃效丹溪

又方巴豆肉十四箇研爛鵝脂半兩鎔化作丸綿裹塞耳中

久聾取得龜尿盛青葱管中滴入耳中取尿法以明鏡照龜淫發放尿又艾灸其尻亦放

又方用蠟紙一張剪作四片每一片於筋上緊捲抽却筋以蠟紙捲之安耳中然之待火欲至耳急除去

當有惡物出在殘紙上日一角用了以蠟塞定

又方用附子以醇酢煮一宿削如棗核以綿裹塞耳中

又方取龜一枚安於盒中荷葉上養之專看葉上有尿收取滴耳中

耳中有蟲鯉魚腦和桂末搗勻綿裹塞之千金方

聾耳出膿石首魚頭中石鮓研末或燒存性研摻耳集周方

耳疔出汁雞子黃炒油塗之甚妙談望翁方

耳疔出膿用抱出雞子殼炒黃為末油調灌之疼即止杏林摘要

蚰蜒入耳牛乳少少滴入即出若入腹者飲一二升即化為水聖惠方

底耳出膿海螵蛸半錢麝香一字為末以綿杖繳淨吹入耳中澹素方

耳瘡腫痛五倍子末冷水調塗濕則乾摻之海上方

聾耳出膿五倍子末吹之或用五倍子焙乾一兩全蠍燒存性三錢為末摻耳中

耳卒痛鹽三五斤蒸熱裹以青布枕之冷復易熱者立效綱目

聾耳出汁夜明沙二錢麝香一字為末拭淨摻之聖惠方

底耳疼痛桑螵蛸一箇燒存性麝香一字研末每用半字摻入神效有膿先繳淨經驗方

百蟲入耳小便少少滴之聖惠方

勞聾已久童子小便乘熱少少頻滴之

熏耳治聾蠶退紙作撚入麝香二錢入筆管燒煙熏之三次即開肘後方

百蟲入耳人乳滴之即出聖惠方

多年耳聾重者用三兩度初起者一上便效用驢前腿脛骨打破向日中瀝出髓以瓷盒盛收每用綿點

少許入耳內側臥候藥行其髓不可多用以白色者為上黃色者不堪

又方驢前腿脛骨髓以針沙一合水二合浸十日取清水少許和髓攪勻滴少許入耳中外以新磚一塊

塞耳治聾荒青巴豆仁蓖麻仁各一枚研末丸棗核大綿裹塞之聖惠方

聾耳出膿蜘蛛一箇臙脂坯子半錢麝香一字為末用鵝翎吹之

耳暴聾閉全蠲去毒為末酒服一錢以耳中聞水聲即效雜鈔

膿耳疼痛蠅梢七枚去毒焙入麝香半錢為末挑少許入耳中日夜三四次以愈為度楊氏家藏

物入耳中以麻纏剪令頭散著膠粘上徐引出之金千

百蟲入耳藍汁葱汁韭汁蒿苳汁雞冠血酸酢香油稻稈灰汁俱灌入耳中本草下同

又方桃葉按細塞耳

又方白膠香燒煙熏入耳

又方猪肉少許炙香置耳孔邊

又方麻油作煎餅側臥以耳枕之

又方以火照之

又方以刀兩口於耳上相擊作聲

又方白礬雄黃等分為細末香油調成膏每用皂角子大塞耳

又方蠅入耳礪砂膽礬等分研細鵝翎管吹一字入耳中蟲化為水

又方雞一隻去毛足以油煎令黃筋穿作孔枕之

又方綠礬為末水調灌耳

又方雄黃為末酢調灌耳

又方驢乳三合灌耳中其蟲從左耳入右耳出

又方用生薑汁或韭汁灌耳中即出

又方大蒜汁灌耳中即出

又方鱖鱉甲燒灰為末水調濾過滴入耳中

飛蛾入耳醬汁灌入耳即出或以鵝管極氣吸之出或擊銅器於耳邊

蒼蠅入耳最害人速用皂子蟲研爛生僭血調灌入耳中

耳中出血名曰耳衄以龍骨吹入若左關脈弦洪內服柴胡清肝散尺脈躁或弱服六味地黃丸

聾耳膿血綿裹車轄脂塞之

外臺秘要

諸蟲入耳車缸脂塗孔中自出

梅師方

多年老聾衛生家寶方勝金透關散用活鼠一枚繫定熱湯浸死破喉取膽真紅色者是也用川烏頭一

箇炮去皮華陰細莘二錢膽礬半錢為末以膽和勻再焙乾研細入麝香半字用鵝翎管吹入耳中口含

茶水日二次十日見效永除根本

久聾臘月取鼠膽二枚熊膽研一分水和旋取菜豆大滴耳中日二次

聖惠方

虛損昏聾大羊尾骨一條水五碗煮減半入葱白五莖荆芥一握陳皮一兩麪三兩煮熟取汁搜麪作索

餅同羊肉四兩熟和五味食

多能鄙事

暴耳聾者川椒巴豆菖蒲松脂以蠟鎔為筒子內耳中一日一易或用雄黃一錢巴豆肉一箇研細葱涎

和作錠子紙捲塞耳中或用凌霄花葉杵自然汁滴耳中

凍耳用橄欖燒灰清油調敷雀腦亦可

凍耳成瘡用柏葉三兩微炙為末杏仁四十九枚湯浸去皮研成膏亂髮兩雞子大食鹽乳香各半兩細

研黃蠟一兩五錢清油一斤右先煎油令沸即下亂髮以消盡為度次下諸藥煎令焦黃濾去滓更以綿

重濾過再以慢火煎之後下乳香黃蠟等攪令稠稀得所於磁器盛每用鵝翎旋取塗之

又方柏白皮榆白皮桑白皮杏仁湯浸去皮各二兩甘草一兩羊腦髓半斤俱剉以羊腦髓煎令黃濾去

滓於磁器盛每日用鵝翎蘸塗之

諸蟲入耳雞冠血滴入即出

勝金方

蜒蚰入耳生油調雞心血滴入即出

總錄

聾年久耳聾用鍊成雞肪五兩桂心十八銖野葛六銖同以文火煎三沸去查每用少許以葦筒炙鎔

傾入耳中如此十日取膿自出長寸許也千金

耳中出血龍骨末吹入之三因方

諸蟲入耳以紙塞耳鼻留蟲入之耳不塞閉口不言少頃蟲當出也集元方

聾耳出膿穿山甲燒存性入麝香少許吹之三日水乾即愈鮑氏小兒方

耳內疼痛穿山甲二箇夾土狗二箇同炒焦黃為末每吹一字入耳內亦治耳聾普濟方

耳鳴耳聾卒聾及腎虛耳內如風水鐘鼓聲穿山甲一大片以蛤粉炒赤蠍梢七箇麝香少許為末以麻油化蠟和作梃子綿裹塞之攝生方

耳衄血一月不止刺羊血熱飲即瘥聖惠方

滴耳治聾鯽魚膽一枚烏驢脂少許生麻油半兩和勻納入樓葱管中七日取滴耳中日二次聖惠方

擦落耳鼻頭髮瓶盛泥固煨過研末以擦落耳鼻乘熱蘸髮灰綴定軟帛縛住勿令動自生合也經驗良方

耳痛不可忍用磨刀鐵漿滴入耳中即愈

北山經憲翼之水其中多元龜其狀如龜而鳥首虺尾其名曰旋龜其音如判水佩之不聾山海經下同

西山經符禺之山有木焉名曰文莖其實如棗可以已聾

陰山之中多彫棠其葉如榆葉而方其實如赤菽食之已聾

鍼灸

素問曰暴聾氣蒙耳目不明取天牖

邪客於手陽明之絡令人耳聾時不聞音刺手大指次指爪甲上去端如韭葉各一瘡立聞不已刺中指

爪甲上與肉交者立聞其不時聞者不可刺也耳中生風者亦刺之如此數左刺右右刺左

耳聾刺手陽明不已刺其通脈出耳前者

邪客於手足少陰太陰足陽明之絡此五絡者皆會於耳中上絡左角五絡俱竭令人身脈皆動而形無

知也其狀若尸或曰尸厥刺其足大指內側爪甲上去端如韭葉後刺足心後刺足中指爪甲上各一瘡

後刺手大指內側去端如韭葉後刺手心少陰銳骨之端各一瘡立已不已以竹管吹其兩耳鬢其左

角之髮方一寸燔治飲以美酒一杯不能飲者灌之立已

肝病者虛則目眈眈無所見耳無所聞善恐如人將捕之取其經厥陰與少陽氣逆則頭痛耳聾不聰頰腫取血者

肺病者虛則少氣不能報息耳聾啞乾取其經太陰足太陽之外厥陰內血者

靈樞經云人之耳中鳴者何氣使然岐伯曰耳者宗脈之所聚也故胃中空則宗脈虛虛則下溜脈有所竭者故耳鳴補客主人手大指爪甲上與肉交者也

又云上氣不足耳爲之苦鳴補足外踝下留之

又云髓海不足則腦轉耳鳴審守其輪調其虛實

又云手太陽之筋其病肩髀引頸而痛耳中鳴其痛轉筋者治在燔針劫刺之以知爲度以痛爲輪手太陽之脈所生病者耳聾目黃頰腫視盛虛熱寒陷下調之也

熱病身重骨痛耳聾而好瞑取之骨以第四鍼五十九刺骨病不食齧齒耳青索骨於腎不得索之士土者脾也

甲乙經曰手太陽厥逆耳聾治主病者

耳中有乾癢禁不可灸

耳門耳中有膿禁不可灸

頸痛項不得顧耳目不明風池主之

肩背痛暴聾氣蒙耳目不開天牖主之

熱病汗不出耳鳴聾無所聞陽谷主之

耳聾鳴竅陰主之

暴病頭痛身熱痛肌肉動耳聾束骨主之

頭風耳後痛完骨主之

顛疾多言耳鳴實則聾徧歷主之

耳鳴或耳前動脈

聾而不痛取足少陽聾而痛取手陽明

耳鳴百會及領厭顙息天窓大陵徧歷前谷後谿皆主之

耳痛聾鳴上關主之刺不可深

耳聾鳴下關及陽谿關衝掖門陽谷主之

耳聾鳴頭領痛耳門主之

頭重領痛引耳中憺憺嘈嘈和窅主之

聾耳中癩溲癩溲者若風聽會主之

耳聾填填如無聞憺憺嘈嘈若蟬鳴頰頰鳴聽宮主之下頰取之譬如破聲刺此

聾腎風及會宗下空主之

耳聾無聞天空主之

耳聾嘈嘈無所聞天空主之

耳鳴無聞肩貞及完骨主之

耳中生風耳鳴耳聾時不聞商陽主之

聾及耳中不通合谷主之

耳聾兩顙顙痛中渚主之

耳渾渾焯焯無所聞外關主之

卒氣聾四瀆主之

千金方曰耳痛耳聾嘈嘈上關下關四白百會顙息翳風耳門領厭天窓陽谿關衝液門中渚

耳聾嘈嘈若蟬鳴天容聽會聽宮

耳暴聾天牖四瀆

耳前痛少商



耳痛曲池

渾渾焯焯聾無所聞外關會宗

耳鳴前谷後谿仍取徧歷大陵

頷痛引耳嘈嘈耳鳴無聞腕骨陽谷肩貞竅陰俠谿

風聾鳴商陽刺入一分留一呼灸三壯左取右右取左如食頃

醫學綱目曰耳聾耳鳴或疼或痒或聒耳聽會主之穴在耳珠前陷中瀉八吸

翳風針入半寸瀉七吸或合谷或三里

又法翳風在耳前陷後按之引耳中令病人先以錢二十四文口咬側臥取之針透令病人閉口搖頭其怒氣從耳出

聽會中渚臨泣針法如前

耳虛鳴腎俞太谿

灸耳暴聾蒼朮長七分一頭切平一頭削尖將尖頭插耳中於平頭上灸七壯重者二七壯覺耳內熱即效

景岳全書曰風聾灸上星七壯令氣通耳中即愈

耳聾痛翳風灸七壯

耳聾合谷灸七壯或外關聽宮腎俞徧歷

東醫寶鑑曰耳鳴取液門耳門中渚上關完骨臨泣陽谷前谷後谿陽谿徧歷合谷大陵太谿金門

耳聾取中渚外關和髎聽會聽宮合谷商陽中衝

導引

養性書曰以手摩耳輪不拘遍數所謂修其城郭以補腎氣以防聾聵也

養耳力者常飽

保生祕要曰定息以坐塞兌咬緊牙關以脾腸二指捏緊鼻孔睜二目使氣串耳通竅內覺吐

之二三日竅通爲度

時常將兩耳返聽於歸元取靜或存息閉口鼻氣意想從耳出又收返聽耳自然聰耳病凡搓掌心五十五度熱閉耳門空觀次又搓又閉又觀如此六度耳重皆然兼以後功無不應驗

用意推散其火男則逆收藏於兩腎間女則逆歸於兩乳下或耳中或按耳門內若蟬鳴咽津液降氣自安

耳痛想火燒兩腎又升腎水洗之或按耳戶使鳴數次咽津液氣下即安

耳病以意散其火逆歸藏於兩腎內或耳中有物即以意取出之

景岳全書曰凡耳竅或損或塞或震傷以致暴聾或鳴不止者即宜以手中指於耳竅中輕輕按捺隨捺隨放隨捺或輕輕搖動以引其氣捺之數次其氣必至氣至則竅自通矣凡值此者若不速爲導引恐因而漸閉而竟至不開耳

醫案

丹鉛續錄云王萬里時患耳痛魏文靖公勸以服青鹽鹿茸煎雄附爲劑且言此藥非爲虛損服之曷不觀易之坎爲耳坎水藏在腎開竅於耳在志爲恐恐則傷腎故爲耳痛氣陽運動常顯血陰流行常幽血在形如水在天地間故坎爲血卦是經中已著病證矣竟餌之而良愈

沈存中云予爲河北察訪使時病赤目四十餘日黑睛旁黯赤成瘡晝夜痛楚百療不瘥郎官丘革相見問予病目如此曾耳中痒否若耳中痒即是腎家風有四生散療腎風每作二三服即瘥閭里號爲聖散予予傳其方合服之午時一服臨臥一服目反大痛至二鼓時乃能眠及覺目赤稍散不復痛矣更進三四服遂平安如常是時孫和甫學士帥鎮聞予說大喜曰吾知所以自治目矣向久病目嘗見呂吉甫參政云頃目病久不瘥因服透冰丹乃瘥如其言修合透冰丹一劑試服了二三十服目遂愈乃知透冰丹亦療腎風耳

聖惠曰有人耳痒一日一作可畏直挑剔出血稍愈此乃腎臟虛致浮毒上攻未易以常法治也宜服透冰丹勿飲酒啖濕麵蔬菜雞猪之屬能盡一月爲佳不能戒無效

墨客揮犀蟲之類能入耳者不獨蜒蚰如壁虱螢火叩頭蟲皂莢蟲皆能入耳爲害余有外親曾爲蟲入耳自謂必死乃極其家所有恣情耗蕩凡數年家業遂破蟲出疾愈驗之乃叩頭蟲也又有人爲蜒蚰入耳遇其極時不覺以頭撞柱至血流不知云痒甚不可忍蜒蚰入耳往往食髓至冬又能滋生凡蟲入耳者惟用生油灌之爲妙

薛己醫案曰先君嘗睡間有蟲入耳痛督將生薑擦猫鼻其尿自出取尿滴耳內蟲即出而愈

百戶張錦謂予曰耳內生瘡不時作痛痛而欲死痛止如故診其脈皆安靜予謂非瘡也話間痛忽作予度其有蟲入耳令回急取猫尿滴耳果出一臭蟲遂不復痛或用麻油滴之則蟲死難出或用炒芝麻枕之則蟲亦出但俱不及猫尿之速也

文選姚海山耳根赤腫寒熱作痛此屬三焦風熱也但中氣素虛以補中益氣加山梔炒黃芩牛蒡子治之而愈

一儒者因怒耳內作痛出水或用祛風之劑筋攣作痛肢體如束此肝火傷血也用六味丸料數服愈舉人毛石峰子年二十耳內出水或作痛年餘矣脈洪數左尺益甚此屬肝腎二經虛熱也用加減入味丸料一劑而愈

一男子每入房耳內或作痒或出水常以銀簪探入甚喜陰涼此屬腎經熱也用加減八味丸而愈

一婦人因怒發熱每經行即兩耳出膿兩太陽作痛以手按之痛稍止怒則胃脅乳房脹痛或寒熱往來或小便頻數或小腹脹悶此皆屬肝火血虛也先用梔子清肝散二劑又用加味逍遙散數劑諸證悉退又以補中益氣加五味而全愈

一婦人經行後因怒氣勞役即發寒熱耳內作痛余以經行爲血虛用八珍湯加柴胡怒氣爲肝火用加味逍遙散勞役爲氣傷用補中益氣湯加山梔而愈

一婦人耳內作痛或腫焮寒熱發熱面色素青黃經行則變赤余以爲怒氣傷肝鬱結傷脾用加味歸脾湯加味逍遙散而愈

一婦人耳內腫痛寒熱口苦耳內出水焮連頸項飲食少思此肝火甚而傷脾也用小柴胡湯加山梔牡

丹皮稍愈用加味逍遙散及八珍湯加柴胡山梔牡丹皮調補肝脾而全愈

一孀婦或耳內外作痛或項側結核內熱晡熱月經不調唾痰少食胃膈不利余以爲鬱怒傷肝脾朝用歸脾湯以解脾鬱生脾氣夕用加味逍遙散以清肝火生肝血而愈

太卿魏莊渠癸卯仲冬耳內作痛左尺洪大而澀余曰此腎水枯竭不能生肝木當滋化源彼不信仍雜用兼補之劑余謂其壅陸時若曰莊渠不能生腎水來春必不能起至明年季春十八日復請治昏憤不語頤耳之分已有膿矣且卵縮便數方信余言求治辭不克用六味丸料壹鍾陰莖舒出小便十減六七神思頓醒余曰若砭膿出庶延數日爲立嗣之計否則膿從耳出死立待矣或謂不砭可生者余因辭歸翌日果耳內出膿至二十一日己未火日而卒

憲副姜時川癸卯冬右手寸口浮數而有痰口內若有瘡然余曰此胃火傳於肺也當薄滋味慎起居以禦之甲辰秋尺脈洪數而無力余曰此肺金不能生腎水無根之火上炎也宜靜調養滋化源以治之彼云今喉耳不時燥痛肢體不時發熱果是無根之火殞無疑矣後會劉古峽云姜公之病已如尊料遂拉同往視喉果腫潰脈愈洪大又誤以爲瘡毒而投苦寒之劑卒於仲春二十八日乃藥之促其亡也否則尚能延至仲夏

一男子耳後漫腫作痛肉色不變脈微數以小柴胡湯加芎歸桔梗四劑腫少起更以托裏消毒散數劑脈滑數此膿已成矣宜針之彼畏而不肯用因痛極始針之出膿梳許以托裏藥兩月餘而始愈凡瘡不起者托而起之不成膿者補而成之使不內攻膿成而及時針之不數日即愈矣常見患者皆畏針痛而不肯用又有恐傷良肉而不肯用殊不知瘡雖發於肉薄之所若膿成其腫亦高寸餘瘡皮又厚分許用針深不過二分若發於背腫高必有三四寸入針止於寸許况患處肉已壞矣何痛之有何傷之慮怯弱之人及患附骨疽待膿自通以致大潰不能收斂氣血瀝盡而亡者爲多矣

證治準繩曰一人勞倦耳下焮腫惡寒發熱頭疼作渴右脈大而軟當服補中益氣湯彼自用藥發散遂致嘔吐始信予用六君子湯更服補中益氣湯而愈大抵內傷榮衛失守皮膚間無氣滋養則不任風寒胃氣下陷則陽火上衝氣喘發熱頭痛脈大此不足證也誤作外感表實而反瀉之甯免虛虛之禍東垣

云內傷右脈大外感左脈大當以此別之

一婦耳下腫痛發寒熱與荆防敗毒散四劑表證悉退以散腫潰堅湯數劑腫消大半再以神效瓜蒌散四劑而平

一人肝經風熱耳下腫痛熱脈浮數以薄荷丹治之而消

一婦因怒耳下腫痛以荆防敗毒散加連翹黃芩四劑而愈予嘗治此旬日不消者以益氣血藥及飲遠志酒並效無膿自消有膿自潰

一婦因怒耳下焮痛頭痛寒熱以荆防敗毒散加黃芩表證悉退但飲食少思日晡發熱東垣云雖有虛熱不可大攻熱去則寒起遂以小柴胡加地骨皮芎歸苓木陳皮十餘貼愈次年春後復腫堅不潰用八珍湯加香附柴胡地骨皮桔梗服至六七貼以為延緩仍服人參敗毒散勢愈盛又服流氣飲則盜汗發熱口乾食少至秋復求診視氣血虛極辭之果歿

一人每怒耳下腫或脅作痛以小柴胡湯加青皮紅花桃仁四劑而愈

一女性急好怒耳下常腫痛發寒熱肝脈弦急投小柴胡湯加青皮牛蒡子荆芥防風而寒熱退更以小柴胡湯對四物湯數劑而腫消其父欲除病根予謂肝內主藏血外主榮筋若恚怒氣逆則傷肝肝主筋故筋蓄結而腫須要自加調攝庶可免患否則肝逆傷不能藏血血虛則難瘥矣後不戒果結三核屢用追蝕不斂而歿

一人遠途勞倦發熱脈大無力耳下患腫此勞損也宜補中益氣養榮湯自然熱退腫消彼不聽服降火藥及必效散果吐瀉不食而死夫勞倦損氣氣衰則火旺火乘脾土故倦怠而熱此元氣傷也丹溪曰宜補形氣調經脈其瘡自消不可汗下若不詳脈證經絡受病之異而輒用峻厲之劑鮮不危矣

通府耳後髮際患腫一塊無頭肉色不變按之微痛予謂痰結脈軟而時見數經曰脈數不時見瘡也非痰也仲景云微弱之脈主血氣俱虛形精不足又曰沉遲軟弱皆宜托裏遂用參芪歸朮川芎炙甘草以托裏少加金銀花白芷桔梗以消毒彼謂不然內飲降火消痰外貼涼藥覺寒徹腦患處大熱頭愈重食愈少復請治以四君子湯加藿香炮乾薑數劑食漸進膿成刺之更以十全大補湯去桂灸以豆豉餅又月餘而愈

一人耳後寸餘發一毒名曰銳疽焮痛寒熱煩躁喜冷此膽經蘊熱而然先用神仙活命飲一劑勢減二一人耳後患毒脈證俱實宜用內疏黃連湯彼以嚴冬不服寒劑竟至不起

羅宗伯耳後髮際患毒焮痛脈數以小柴胡湯加桔梗牛蒡子金銀花四劑而愈

三時值仲冬彼惑於用寒之禁自用十宣托裏之藥勢漸熾耳內膿潰喉腫閉藥不能下而歿

寓意草曰王玉原昔年感證治之不善一身津液盡為邪熱所鑠究竟十餘年熱未盡去右耳之竅

今夏復病感纏綿五十多日面足浮腫臥寐不甯耳間氣往外觸蓋新熱與舊熱相合狼狽為患是以難

於去體醫者不察其綢繆膠結之情治之芒不中款延至秋深金寒水冷病方自退然淺者可退深者莫

絲遽退也面足浮腫者肺金之氣為熱所壅失其清肅下行之權也臥寐不甯者胃中之津液乾枯不能

內榮其魂魄也耳間大氣撞出者久閉之竅氣來不覺今病體虛羸中無阻隔氣逆上衝始知之也外病

雖愈而飲食藥餌之內調者尚居其半特挈二事大意为凡病感者明善後之法焉蓋人當感後身中之

元氣已虛身中之邪熱未淨於此而補虛則熱不可除於此而清熱則虛不能任即一半補虛一半清熱

終屬模糊不得要領然舍補虛清熱外更無別法當細辨之補虛有二法一補脾一補胃如瘡痂後脾氣

衰弱飲食不能運化宜補其脾傷寒後胃中津液久耗新者未生宜補其胃二者有霄壤之殊也清熱亦

有二法初病之時熱為實熱宜用苦寒藥清之大病後之熱為虛熱宜用甘寒藥清之二者亦霄壤之殊

也人身天真之氣全在胃口津液不足即是虛生津液即是補虛故以生津之藥合甘寒瀉熱之藥而治

感後之虛熱如麥門冬生地黃牡丹皮人參梨汁竹瀝之屬皆為合法仲景每用天水散以清虛熱正取

滑石甘草一甘一寒之義也設誤投參芪苓朮補脾之藥為補甯不併邪熱而補之乎至於飲食之補但

取其氣不取其味如五穀之氣以養之五菜之氣以充之每食之間便覺津津汗透將身中蘊蓄之邪熱

以漸運出於毛孔何其快哉人皆不知此理急於用肥甘之味以補之目下雖精采健旺可喜不思油膩

阻滯經絡邪熱不能外出久久充養完固愈無出期矣前哲有鑑於此甯食淡茹蔬使體暫虛而邪易出

乃為貴耳前藥中以浮腫屬脾用苓朮為治以不寐責心用棗仁茯神為治總以補虛清熱之旨未明故

詳及之

陽湖陳以真璞卿初校  
上元華 銀金昆履校

欽定古今圖書集成醫部全錄

醫部彙考一百三十八

目門一

黃帝素問

金匱真言論

東方青色入通於肝開竅於目藏精於肝

註天之五方五色入通於臟以養五臟之精肝之精氣開竅於目而復通乎天氣是天氣通乎人而人

氣通乎天也其陰精內藏於五臟

生氣通天論

陽氣者煩勞則張精絕辟積於夏使人煎厥目盲不可以視耳閉不可以聽潰潰乎若壞都汨汨乎不可

止

註煩勞則陽氣外張陰不得陽之溫固則精自出而絕於內秋冬陽氣收藏夏則陽氣外出故益虛而

煎厥也精氣虛故目盲不可以視耳閉不可以聽太陽為諸陽主氣陽氣傷則壞其腑故陰寒精出而

不可止也

評熱病論

水者陰也目下亦陰也腹者至陰之所居故水在腹者必使目下腫也

註水邪乘腹傷胃而及脾故微腫見於目下也

風論

風氣與陽明入胃循脈而上至目內眥其人肥則風氣不得外泄則為熱中而目黃人瘦則外泄而寒則

為寒中而泣出

註血脈生於陽明胃腑如風傷陽明邪正之氣并入於胃則循脈而上至於目蓋諸脈皆系於目也其

病各因人肥瘦而有熱中寒中之分

氣交變大論

歲金太過燥氣流行肝木受邪民病兩脅下少腹痛目赤痛皆瘍

註 諸庚之歲金運太過燥氣流行則肝木受病肝開竅於目故目痛皆瘍

五常政大論

赫曦之紀其病瘡瘍血流狂妄目赤

註 歲火太過是謂赫曦瘡瘍血流狂妄目赤皆火熱之為病也

陽明司天燥氣下臨肝氣上從脅痛目赤

註 皆肝木之為病也

六元正紀大論

火鬱之發民病少氣瘡瘍癰腫脅腹胃背面目四肢腫脹癢癢逆癧癧骨痛節乃有動注下溫瘧

腹中暴痛血溢流注精液乃少目赤心熱甚則昏悶懊懣善暴死

註 此受司天在泉之勝制鬱極乃發以報復其歲氣如戊辰戊戌歲太徵火運而上臨太陽癸丑癸未

歲少徵火運而太陽在泉則火氣鬱矣癰腫諸證皆火熱盛而精血傷也少氣者火為氣之賊也昏悶

肺氣病也火甚精傷故善暴死

至真要大論

歲少陰在泉熱淫所勝民病腹中常鳴氣上衝胃喘不能久立寒熱皮膚痛目眩齒痛頰腫惡寒發熱如

瘧少腹中痛腹大

註 少陰在泉卯酉歲也目眩者熱甚陰虛畏陽光也

陽明司天燥淫所勝筋骨內變民病左肱脅痛寒清於中感而瘧大涼革候欬腹中鳴注泄鶩溇心脅暴

痛不可反側噎乾面塵腰痛丈夫癩疝婦人少腹痛目昧皆傷

註 陽明司天卯酉歲也燥金淫勝於上則肝血傷而不能榮於目故目昧皆傷

太陽司天寒淫所勝血變於中發為癰瘍民病厥心痛嘔血血泄鮒衄善悲時眩仆胃腹滿手熱肘掌腋



腫心澹澹大動胃脘不安面赤目黃善噫噎乾

註 太陽司天辰戌歲也太陽為諸陽之首即君火之陽然本於在下之寒水今寒氣反從上而至是上下皆寒而太陽運居於中寒凌心火逼其火熱上炎故面赤目黃善噫噎乾

帝曰六氣相勝奈何岐伯曰少陽之勝熱客於胃煩心心痛目赤欲嘔嘔酸善饑耳痛溺赤善驚譫妄暴熱消鑠少腹痛下沃赤白帝曰六氣之復奈何岐伯曰少陽之復大熱將至枯燥燔熱驚瘵欬衄心熱煩躁便數憎風厥氣上行面如浮埃目乃瞶瘵火氣內發上為口糜嘔逆血溢血泄發而為瘡惡寒鼓慄寒極反熱噎絡焦槁渴飲水漿色變黃赤少氣脈萎化而為水傳為附腫甚則入肺欬而血泄尺澤絕死不治

註 少陽之氣舍於三焦故熱客於胃蓋三焦之原皆出於胃間也三焦之脈上入耳中絡目銳眥故淫上而為耳痛目赤少陽之火復發於秋冬之時是以枯燥燔熱驚瘵欬衄熱乘心肺也便數憎風表裏皆熱也面如浮埃面微有塵也手足少陽之脈皆上系於目故目乃瞶瘵

少陰司天客勝則欬噎頸項強肩背脊熱頭痛少氣發熱耳聾目瞑

註 少陰司天二之氣乃厥陰風木目瞑諸證厥陰之氣勝也

### 診要經終論

太陽之脈其終也戴眼反折瘛瘲其色白絕汗乃出出則死矣

註 戴眼目上視也反折背反張也瘛瘲手足屈伸也陽氣者柔則養筋太陽之經氣已絕是以筋脈急而戴眼反折手足牽引也手太陽主液膀胱者津液之所藏絕汗者津液外亡也色白者亡血也津液外脫則血內亡矣

少陽終者耳聾百節皆縱目寰絕系絕系一日半死其死也色先青白乃死矣

註 手足少陽經脈皆循於耳經氣絕故耳聾少陽主骨諸節皆屬於骨少陽氣終故百節皆縱手足少陽之脈皆至目銳眥終則牽引於目故目如驚而邪視也系絕目絕系也系絕則志先絕故一日半而死青者甲木之氣外脫白者三焦之榮內亡也

陽明終者口目動作善驚妄言色黃其上下經盛不仁則終矣

註手足陽明之脈皆挾口承目故口目動作而牽引歪斜色黃陽明之土氣外脫也上下經盛胃氣已絕而無柔和之象肌膚不仁者榮衛之氣外絕也

靈樞經

邪氣臟腑病形篇

十二經脈三百六十五絡其血氣皆上於面而走空竅其精陽氣上走於目而為睛

註夫十二經脈三百六十五絡之血氣始於足少陰腎生於足陽明胃主於手少陰心朝於手太陰肺精陽氣者心腎神精之氣上走於目而為睛

腎脈微滑為骨痿坐不能起起則目無所見

註骨痿坐不起熱傷腎氣也目無所見熱傷骨精也

經脈篇

大腸手陽明之脈是主津液所生病者目黃口乾齕衄喉痹肩前臑痛大指次指不用

註津液竭則火熱盛故目黃口乾齕衄喉痹諸證皆大腸經脈所循之部分病也

心手少陰之脈是主心所生病者目黃脅痛臑臂內後廉痛厥掌中熱痛

註心系上系於目心火盛故目黃臑臂掌中皆心脈所循之部分心病而外及於經脈也

小腸手太陽之脈是主液所生病者耳聾目黃頰腫頰頰肩臑肘臂外後廉痛

註耳聾目黃頰腫諸證皆經脈所循之部分而為病也

膀胱足太陽之脈是動則病衝頭痛目似脫項如拔脊痛腰似折髀不可以曲膈如結喘如裂是為蹠厥是主筋所生病者痔瘡狂癩疾頭顛項痛目黃泪出

註衝頭痛目似脫諸證病在太陽之氣也目黃泪出皆經脈所循之部分而為病也

心主手厥陰心包絡之脈是動則病心中熱甚則憺憺大動面赤目黃喜笑不休

註心中熱諸證經氣之為病也

三焦手少陽之脈是主氣所生病者汗出目銳眦痛頰腫耳後肩臑肘臂外皆痛小指次指不用

註少陽乃一陽初生之氣故主氣所生病者汗出目銳眦痛等證皆經脈所循之部分而為病也

膽足少陽之脈是主骨所生病者頭痛領痛目銳眦痛

註頭痛諸證乃經脈所循之部分而為病也

五陰氣俱絕則目系轉轉則目運目運者為志先死志先死則一日半死矣

註心系上繫於目系目系轉者心氣將絕也火之精為神水之精為志神生於精火生於水故志死而

神先絕也一日半者一二日之間陰陽水火之氣終於天地始生之數也

脈度篇

躄脈氣不榮則目不合

註謂流溢於脈外之氣不榮於目也

癲狂篇

目眦外決於面者為銳眦在內近鼻者為內眦上為外眦下為內眦

註眦謂四際驗睫之本也

狂日妄見耳妄聞善呼者少氣之所生也

註心腎水火之氣上下相濟腎氣少則心氣亦虛矣心腎氣虛是以目妄見耳妄聞善呼者虛氣之所

發也

熱病篇

熱病目不明熱不已者死

註此內熱甚而外內不清也

師傳篇

肝者主為將使之候外欲知堅固視目小大

註肝乃將軍之官故主為將堅固者五臟之有堅脆也

目下果大其膽乃橫

註目乃肝之竅故目下以候膽

決氣篇

氣脫者目不明

註目之精明五色者氣之華故氣脫則目不明

五癆津液別篇

五臟六腑心為之主耳為之聽目為之候肺為之相肝為之將脾為之衛腎為之主外故五臟六腑之精液盡上滲於目心悲氣并則心系急心系急則肺舉肺舉則液上溢夫心系與肺不能盡舉乍上乍下故然而泣出矣

註心為君主之官乃五臟六腑之主耳目者上之空竅津液之所注也將相衛者為君主之臣使也腎主外者腎主藏津液所以灌精濡空竅者也心悲氣并者心悲則臟腑之氣皆上并於心聽令於君主也氣并於心則心系急心系急則肺舉肺乃心之蓋也肺舉則液上溢肺主氣而水隨氣行也心系與肺不能盡舉乍上乍下則為欬上則泣出矣

五閱五使篇

目者肝之官也肝病者皆青

註官之為言司也言閱所司之色則知其臟之病矣

論疾診尺篇

視人之目窠上微癰如新臥起狀其頸脈動時欬按其手足上窅而不起者風水膚脹也

註足太陽之脈起於兩目而下出於頸項太陽之上寒水主之太陽之氣運行於膚表此水隨氣而溢於皮膚之間故目窠微腫頸脈動而膚脹欬者水留於皮毛而動其肺氣也風水者因外受於風風行而水渙也

目赤色者病在心白在肺青在肝黃在脾黑在腎黃色不可名者病在胃中

註此以目色而候五臟之血氣也五臟之血氣行於脈中而變見於寸口五臟之血氣變見於色而

於目中蓋五臟之精皆上注於目而為之睛也前節視目窠以知皮膚之水此節視目色以知五臟之陰皆從外以知內也黃色不可名者色黃而有黑白青赤之間色也病在胃中者五臟之氣皆從內膈而出故所見之色若是

診目痛赤脈從上下者太陽病從下上者陽明病從外走內者少陽病

註太陽為目上綱故目脈從上下者主太陽病陽明為目下綱故從下上者主陽明病少陽之脈循目銳眥故從外走內者主少陽病上節視目色以知五臟之陰此診目脈以知三陽之氣夫色為陽脈為陰此陰陽之變換也

### 衛氣行篇

平日陰盡陽氣出於目目張則氣上行於頭夜則氣行於陰而復合於目

註平日氣出於陽而目張暮則氣入於陰而目瞑

### 大惑論

帝曰予嘗上於清冷之臺中階而顧匍匐而前則惑予私異之竊內怪之獨瞑獨視安心定氣久而不解獨博獨眩被髮長跪俛而視之後久之不已也卒然自上何氣使然岐伯對曰五臟六腑之精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼肌肉之精為約束裏攬筋骨血氣之精而與脈并為系上屬於腦後出於項中故邪中於項因逢其身之虛其入深則隨眼系以入於腦入於腦則腦轉腦轉則引目系急目系急則目眩以轉矣邪其精其精所中不相比也則精散精散則視岐視岐見兩物目者五臟六腑之精也營衛魂魄之所常營也神氣之所生也故神勞則魂魄散志意亂是故瞳子黑眼法於陰白眼赤脈法於陽也故陰陽合傳而睛明也目者心之使也心者神之舍也故神精亂而不轉卒然見非常處精神魂魄散不相得故曰惑也

註清冷之臺東苑之臺名也惑眩亂也精精明也窠藏也眼者瞳子黑白之總名也骨之精為瞳子腎

之精也筋之精為黑眼肝之精也血之精為絡心之精也窠氣之精為白眼肺之精也約束者目之上

下網肌肉之精為拘束脾之精也裏擷筋骨血氣之精心主包絡之精也包絡之精與脈并為目系上屬於腦後出於項中是諸脈皆上系於目會於腦出於項此脈系從下而上從前而後也若邪中於項則隨眼系入於腦入於腦則腦轉腦轉則引目系急目系急則目眩以轉矣邪其精者其精為邪所中則不相比密而精散矣精散則視岐而見兩物矣夫心藏神腎藏志肝藏魂肺藏魄脾藏意此五臟所藏之神志也目者五臟六腑之精也是故瞳子黑眼法於陰白眼赤脈法於陽故陰陽相合傳於目而精明也夫心者五臟之專精也目者其竅也華色者心之榮也故目乃心之使心者神之舍也神精亂而不轉則卒然見非常處精神魂魄散不相得故曰惑也

海論

髓海不足則腦轉耳鳴脛痠眩冒目無所見懈怠安臥

註髓海不足則精液竭精液者所以濡空竅者也是以耳為之鳴目無所見液脫者骨屬屈伸不利故

脛痠而懈怠安臥

扁鵲難經

目盲

二十難曰脫陽者見鬼脫陰者目盲

目瞑

二十四難曰三陰氣俱絕者則目眩轉目瞑目瞑者為失志失志者則志先死死即目瞑也

漢張機金匱要略

目瞑

男子脈虛沉弦無寒熱短氣裏急小便不利面色白時目瞑兼衄少腹滿此為勞使之然

目黯

五勞虛極羸瘦腹滿不能飲食食傷憂傷飲傷房室傷饑傷勞傷經絡榮衛氣傷內有乾血肌膚甲錯兩目黯黑緩中補虛大黃廐蟲圓主之

目眩

夫失精家少腹弦急陰頭寒目眩髮落脈極虛芤遲爲清穀亡血失精桂枝龍骨牡蠣湯主之

目赤

病者身熱足寒頸項強急惡寒時頭熱面赤目赤獨頭動搖卒口噤背反張者瘧病也若發其汗者寒濕相得其表益虛卽惡寒甚發其汗已其脈如蛇病者脈數無熱微煩默默但欲臥汗出初得之三四日目赤如鳩眼七八日目四眦黑若能食者膿已成也赤小豆當歸散主之

目泣

膈上病痰滿喘欬吐發則寒熱背痛腰疼目泣自出其人振振身瞤劇必有伏飲

目暈黃

尺脈浮目睛暈黃衄未止暈黃去目睛慧了知衄今止

目不識人

寸口脈浮而緊緊則爲寒浮則爲虛寒虛相搏邪在皮膚浮者血虛絡脈空虛賊邪不瀉或左或右邪氣反緩正氣卽急正氣引邪喎僻不遂邪在於絡肌膚不仁邪在於經卽重不勝邪入於腑卽不識人邪入於臟舌卽難言口吐涎

直視不能眴

衄家不可汗汗出必額上陷脈緊急直視不能眴不得眠

目如脫

欬而上氣此爲肺脹其人喘目如脫狀脈浮大者越婢加半夏湯主之

目腫

寸口脈沉滑者中有水氣面目腫大有熱名曰風水視人之目裹上微擁如蠶新臥起狀其頸脈動時時欬按其手足上陷不起者風水

夫水病人目下有臥蠶面目鮮澤脈伏其人消渴病水腹大小便不利其脈沉絕者有水可下之  
華佗中藏經

察目色以辨死候

黑色起於耳目鼻上漸入於口者死赤色見於耳目額者五日死黑白色入口鼻目中者五日死面青目  
黑者死面白目黑者十日死面赤眼黃即時死面黑目白者八日死面青目黃者五日死頭日久痛卒視  
不明者死面黑直視者死面青目白者死面黃目白者死面青目俱白者死面青目黑者死陰陽俱絕日暈  
陷者死榮衛耗散面目浮腫者死心絕於腎肩息回盼目直者一日死肝絕汗出如水恐懼不安伏臥目  
直面青者八日死又曰即時死

晉王叔和脈訣

目病脈

三部俱弦肝有餘目中疼痛苦疔虛怒氣滿胃常欲叫醫蒙瞳子淚如珠

肝乘并弦本沒邪緊因筋急有些些細看浮大更兼實赤痛昏昏似物遮溢關過寸口相應目眩頭重與  
筋疼扎時眼暗或吐血四肢癱瘓不能行瀦則緣虛血散之肋脹脅滿自應知滑因肝熱連頭目緊實弦  
沉疔癰基微弱浮散氣作難目暗生花不耐看

三部俱浮肺臟風鼻中多水唾稠濃壯熱惡寒皮肉痛燥乾雙目淚酸疼  
積氣胃中寸脈伏當關腸癖常瞑目

察目色以辨病之生死

欲愈之病目皆黃眼胞忽陷定知亡耳目口鼻黑色起入口十死七難當面黃目青酒亂頻邪風在胃衰  
其身面黑目白命門敗困極八日死來侵面色忽然望之青進之如黑卒難當面赤目白憂息氣待過十  
日定存亡面赤目青衆惡傷榮衛不通立須亡黃黑白色起入目更兼口鼻有災殃面青目黃中時死餘  
候須看兩日強目無精光齒齦黑面白目黑亦災殃肩息直視及唇焦面腫蒼黑也難逃  
面腫蒼黑舌卷青四肢乏力眼如盲泣下不止是肝絕八日應當命必傾



唐孫思邈千金方

病因并治法

凡人年四十五已後漸覺眼暗至六十已後還漸日明治之法五十已前可服瀉肝湯五十已後不可瀉肝目中有疾可傳石膽散等藥無病不可輒傳但補肝而已目病肝中有風熱令人眼昏暗者當灸肝脘及服除風湯圓散數十劑當愈

生食五辛

接熱飲食

熱餐麪食

飲酒不已

房室無節

極目遠視

數看日月

夜視星火

夜讀細書

月下看書

抄寫多年

雕鏤細作

博奕不休

久處烟火

泣淚過多

刺頭出血多

右十六件並是喪明之本養性之士宜熟慎焉又有馳騁畋獵冒涉風霜迎風追獸日夜不息亦是傷目之媒也恣一時之浮意為百年之痼疾可不慎歟凡人少時不自將慎年至四十即漸昏暗若能依此慎護可得白首無他所以人年四十已去常須瞑目勿顧他視非有要事不宜輒開此一術慎護之極也其讀書博奕等過度患目者名曰肝勞若欲治之非二年閉目不視不可得瘥徒自瀉肝及作諸治終是無效人有風疹必多眼昏先攻其風其暗自愈

鼻洞者濁下不止傳為黥瞽瞑目得之氣厥足陽明有俠鼻入於面者名曰懸顱屬口對入係日本視有過者取之損有餘益不足反者益甚足太陽有通項入於腦者正屬日本名曰眼系頭目苦痛取之在項兩筋間入腦乃別陰躋陰陽相交陽入陰出陽交於銳眥陽氣盛則瞋目陰氣絕則瞑目

宋楊士瀛直指方

眼屬五臟

首尾赤眥屬心滿眼白睛屬肺其烏睛圓大屬肝其上下肉胞屬脾而中間黑瞳一點如漆者腎實主之目為肝之外候

目者肝之外候肝取木腎取水水能生木子母相合故肝腎之氣充則精彩光明肝腎之氣乏則昏蒙運眩心者神之舍又所以為肝腎之副焉蓋心主血肝藏血血能生熱凡熱衝發於眼皆當清心涼肝

風熱

風腫則軟熱腫則硬烏輪突起裏熱刺痛爲熱眼大凡眼患多生於熱治法以清心涼肝調血順氣爲先

眼胞合

熱氣蓄聚而傷胞所以胞合宜羚羊角散洗眼湯

日生翳

凡翳起於肺家受熱輕則朦朧重則生翳雖翳自熱生然治法先退翳而後退熱者謂熱極生翳若先去赤熱則血爲之冰而翳不能去矣

偷鍼

脾間積熱兼宿食不消則生偷鍼秦皮剉和砂糖煎水調大黃末一錢服利之卽消

服眼藥法

凡補腎治眼之藥必須於五更初腎氣開未言語前服之乃效  
嚴用和濟生方

目病論治

經云五臟六腑之精氣皆上注於目而爲之精精之窠爲眼骨之精爲瞳子屬腎筋之精爲黑眼屬肝血之精爲絡裏屬心氣之精爲白睛屬肺肉之精爲約束屬脾眼通五臟氣貫五輪由此觀之人能善自調攝養氣存神安心惜視然後心氣通暢肝氣和平精氣上注於目則目不致有疾矣倘將養失宜六淫外傷七情內鬱嗜慾不節飲食無度徹夜奕博熱啖煎炙久視勤書憂鬱悲泣皆能病目目之爲病睛之色赤者病在心色白者病在肺色青者病在肝色黃者病在脾色黑者病在腎方論載有五輪八廓內障外障青盲雀盲倒睫拳毛努肉攀睛風沿爛眼能近視不能遠視能遠視不能近視等證茲不及備叙治之法須洞察形證細究根源自無失誤病眼之人切忌當風看日喜怒房勞飲酒食熱惟當寬緩情性謹慎調護自無不痊矣

寶漢卿瘡瘍全書

上下眼丹

此毒受在心肝氣毒上攻壅而聚此丹毒當用清心流氣飲治之兼服黃連敗毒丸外敷搽藥

漏睛瘡

夫漏睛瘡者肝臟毒氣小腸邪風外攻腎端灌於瞳人初生疼痒漸成膿水其色如疳日久睛昏氣敗肝絕難救之證慎之慎之宜先服黃芪當歸川芎生地白芍黃芩薄荷荊芥連翹白芷升麻桔梗天花粉之類次用黃連地骨皮當歸煎湯溫洗治方關要惟補腎宣肝為急不可輕視也

金劉完素六書

眼論

素問云目得血而能視手得血而能握其證足厥陰之經絡所主也肝臟若受虛而即補腎實而即瀉心夫人之眼目者似天地之日月也若人無雙目豈能辨別賢愚天無日月萬物安能照耀是以眼通五臟氣貫五輪外應肝候肝臟虛而風邪鬱風邪鬱而熱蘊衝火炎上行故攻目昏滲澀疼痛赤絲皆發榮衛實則能視榮衛虛則昏暗凡人多餐熱物或嗜食五辛坐濕當風凌寒冒暑將息失度者皆喪目之源也

目泣

風氣與陽明入胃循脈上目皆津液所生為泣也

目黃

風氣與陽明入胃循脈而上目皆肥人氣不外洩為熱中目黃之病也

風眼寒證

風入系頭則血脈凝滯不能上下通流於目令風寒客之為風眼寒也

目盲

陽氣煩勞積於夏令熱厥目盲不可視耳閉不可聽人參散主之

目瞑

膽受胃熱循脈而上於腦陽絡溢血妄行在鼻竅則衄蟻目瞑者定命散主之

論日昏赤腫醫膜皆屬於熱

目昧不明目赤腫痛醫膜皆瘍皆爲熱也及目瞑俗謂之眼黑亦爲熱也然平白日無所見者熱氣鬱之甚也或言目昧爲肝腎虛冷者誤也是以妄謂肝主於目腎主瞳子故妄言目昧爲虛而冷也然腎水冬陰也虛則當熱肝木春陽也虛則當冷腎陰肝陽豈能同虛而爲冷者歟或通言肝腎之中陰實陽虛而無由日時也俗妄謂肝腎之氣衰少而不能至於目也不知經言熱甚目瞑眼黑也豈由寒爾又如仲景言傷寒病熱極則不識人乃目盲也正理曰由熱甚怫鬱於目而致之然也然皮膚之汗孔者謂泄氣液之孔竅也一名氣門謂泄氣之門也一名腠理者謂氣液出行之腠道紋理也一名鬼神門者謂幽冥之門也一名元府者謂元微府也然元府者無物不有人之臟腑皮毛肌肉筋膜骨髓爪牙至於世之萬物盡皆有之乃氣出入升降之道路門戶也夫氣者形之主神之母三才之本萬物之元道之變也故元陽子解清靜經曰大道無形非氣不足以長養萬物由是氣化則物生氣變則物易氣甚即物壯氣弱即物衰氣正即物和氣亂即物病氣絕即物死經曰出入廢則神機化滅升降息則氣立孤危故非出入則無以生長收藏是以升降出入無氣不有人之眼耳鼻舌身意神識能爲用者皆由升降出入之通利也有所閉塞者不能爲用也若目無所見耳無所聞鼻不聞臭舌不知味筋痿骨痹齒腐毛髮墮落皮膚不仁腸不能滲泄者悉由熱氣怫鬱元府閉密而致氣液血脈榮衛精神不能升降出入故也各隨鬱結微甚而察病之輕重也故知熱鬱於目無所見也故目微昏者至近則轉難辨物由目之元府閉小也隔縑視物之象也或視如蠅翼者元府有所閉合者也或目昏而見黑花者由熱氣甚而發之於目亢則害承乃制而反出其泣氣液昧之以其至近故雖視而亦見如黑花也及衝風泣而目暗者由熱甚而水化制之也故經言厥則目無所見夫人厥則陽氣并於上陰氣并於下陽氣并於上則火獨光也陰氣并於下則足寒足寒則腫也夫一水不勝五火故目眇而盲是以衝風泣下而不止夫風之中於目也陽氣內守於睛是火氣燔目故見風泣下

論目分表裏易治難治辨

眼之爲病在腑則爲表當除風散熱在臟則爲裏宜養血安神暴發者爲表而易治久病者在裏而難愈

除風散熱者瀉青丸主之養血安神者定志丸婦人熟乾地黃丸是也或有體肥氣盛風熱上行目昏澀者槐子散主之此由胃中氣濁上行也重則爲痰厥亦能損目常使胃中氣清無此病也又有因目疾服藥多而損氣者久之眼漸昏弱乍明乍暗不欲視物此目少血之驗也熟乾地黃丸消風散定志丸相須而養之或有視物不明見黑花者此謂之腎氣弱也宜補腎水駐景丸是也或有暴失明者謂眼居諸陽交之會也而陰反閉之此風邪內滿當有不測之疾也腎膜者風熱重而有之或斑入眼此肝氣盛而發在表也腎膜已生在表明矣當發散而去之反疏利則邪氣內蓄爲腎則深也邪氣未定謂之熱腎而浮邪氣已定謂之冰腎而沉邪氣牢而深者謂之陷腎當以煥發之物使其邪氣再動腎膜乃浮輔以退腎之藥則自去也病久者不能速效當以歲月除之

### 目直視

傷寒直視何以明之直視者視物而目睛不轉動者是也若目睛轉者非直視也水之精爲志火之精爲神目者心之使也神所寓焉肝之外候也精神榮焉鍼經曰五臟六腑之氣皆上注於目而爲之精精之窠爲眼骨之精爲瞳子筋之精爲黑睛血之精爲絡氣之精爲白睛肌肉之精爲約束裏擷筋骨血氣之精與脈并爲系上屬於腦五臟血氣調和精氣充榮則目和而明矣傷寒目直視者邪氣擁盛冒其正氣使神智不慧臟精之氣不上榮於目則目爲之直視傷寒至於直視爲邪氣已極證候已逆多難治經曰衄家不可發汗汗出則額上陷脈急緊直視不能眴不得眠以肝受血而能視亡血家肝氣已虛目氣已弱又發汗亡陽則陰陽俱虛所致也此雖錯逆其未甚也逮乎狂言反目直視又爲腎絕直視搖頭又爲心絕皆臟氣脫絕也直視讖語喘滿者死下利者亦死又劇者發則不識人循衣摸牀惕而不安微喘直視脈弦者生澇者死皆邪氣盛而正氣脫也其或有目中不了了睛不和無表裏證大便難身微熱者是非直視也此爲內實也可用大承氣湯大柴胡湯下之直視爲不治之疾目中不了了爲可治之候二者形證相近其爲工者宜熟視之

元張從政儒門事親

風衝泣下

夫風衝泣下者俗呼風冷淚者是也內經曰太陽經不禁固也又曰熱則五液皆出肝熱故淚出風衝於外火發於內風火相搏由此而泣下也治之以貝母一枚白膩者胡椒七粒不犯銅鐵研細臨臥點之愈聖人雖言目得血而能視然血亦有太過不及也太過則目壅塞而發痛不及則目耗竭而失明故年少之人多太過年老之人多不及然年少之人間有不及而年老之人其間亦有太過者不可不察也夫目之內眥太陽經之所起血多氣少目之銳眥少陽經也血少氣多目之上綱太陽經也亦血多氣少目之下綱陽明經也血氣俱多然陽明經起於目兩旁交頰之中與太陽少陽俱會於目惟足厥陰肝經連於目系而已故血太過者太陽陽明之實也血不及者厥陰之虛也故出血者宜太陽陽明蓋此二經血多故也少陽一經不宜出血血少故也刺太陽陽明出血則目愈明刺少陽出血則目愈昏要知無使太過不及以血養目而已凡血之爲物太多則溢太少則枯人熱則血行疾而多寒則血行遲而少此常理也目者肝之外候也肝主目在五行屬木木之爲物太茂而蔽密太衰而枯瘁矣夫目之五輪乃五臟六腑之精華宗脈之所聚其白睛屬肺金肉輪屬脾土赤脈屬心火黑水神光屬腎水兼屬肝木此世俗皆知之矣及有目疾而不知病之理豈知目不因火則不病何以言之白輪變赤火乘肺也肉輪赤腫火乘脾也黑水神光被醫火乘肝與腎也赤脈貫目火自甚也能治火者一句可了故內經曰熱勝則腫凡目暴赤腫起羞明隱澀淚出不止暴醫目矇皆火熱之所爲也治火之法在藥則鹹寒吐之下之在鍼則神庭上星顛會前頂百會血之醫者可使立退痛者可使立已昧者可使立明腫者可使立消惟小兒不可刺顛會爲肉分淺薄恐傷其骨然小兒水在上火在下故目明老人火在上水不足故目昏內經曰血實者宜決之又經曰虛者補之實者瀉之如雀目不能夜視及內障暴怒大憂之所致也皆肝主目血少禁出血止宜補肝養腎至於暴赤腫痛皆宜以鉞鍼刺前五穴出血而已次調鹽油以塗髮根甚者雖至於再至於三可也量其病勢以平爲期

經云風氣與陽明入胃循脈而上至目內眥則寒中而泣出此中風寒淚出也河間當歸湯王之東垣云水附水勢上爲眼澀爲眵爲冷淚此皆由肺金之虛而肝木寡於畏也

原闕

揚湖陳以真璞卿初校  
十一樂學英敏仙覆校

元李杲十書

瞳子散大

凡心包絡之脈出於心中以代心君之行事也與少陽為表裏瞳子散大者少陰心之脈挾目系厥陰肝之脈連目系心主火肝主木此木火之勢盛也其味則宜苦宜酸宜涼大忌辛熱物以助木火之邪也飲食中常知此理可也夫辛主散熱則助火故不可食諸酸主收心氣瀉木火也諸苦瀉火熱則益水也尤忌食冷水大寒之物此則能損胃氣不行則元氣不生元氣不行胃氣下流胃中三焦之火及心火乘於肺上入腦灼髓火主散溢瞳子開大大熱之物又助火邪此蓋不可食之驗也藥中用茺蔚子一味辛散主益睛辛者是助火也故去之乃加黃芩黃連瀉中焦之火芩能瀉上焦肺中之火以酒洗之乃寒因熱用也又去青葙子為助陽火也加五味子以收瞳人開大且火之與氣勢不兩立故內經曰壯火食氣氣食少火少火生氣壯火散氣諸酸之物能助元氣孫真人云五月常服五味助五臟氣以補西方肺金法云以酸補之以辛瀉之辛瀉氣則明矣或曰當歸其味亦辛而甘其不去者何此辛甘一味以其為和血之聖藥况有甘味欲以為嚮導為諸藥之使耳

腎主骨骨之精為瞳子瞳子散大者因腎水虛骨枯而心包絡之火得以乘之也治法宜苦宜酸宜涼大忌辛熱之物除風熱涼血益血以收耗散之氣滋陰地黃丸最妙

青白翳

勞慾過度或涼藥過多以致九竅不利青白翳見大眚乃陽氣衰少也宜補陽湯連藥益陰丸菊睛丸經曰益火之源以消陰翳是也

倒睫拳毛

淚出涓涓翳膜漸生眼皮漸急睫倒難開瞳人如刺樣痛此脾受風熱先服瀉肝散後服五退散神效明

目湯明目細莘湯

諸脈者皆屬於目論

陰陽應象論云諸脈者皆屬於目目得血而能視五臟六腑精氣皆上注於目而爲之精精之窠爲眼骨之精爲瞳子筋之精爲黑眼血之精爲絡其窠氣之精爲白眼肌肉之精則爲約束裹擷筋骨血氣之精而與脈并爲系上屬於腦後出於項中故邪中於項因逢其身之虛其入深則即隨眼系入於腦則腦轉腦轉則引目系急目系急則目眩以轉矣邪中其精其精所中不相比也則精散精散則視岐故見兩物目者五臟六腑之精榮衛魂魄之所常營也神氣之所主也故神勞則魂魄散志意亂是故瞳子黑眼法於陰白眼赤脈法於陽故陰陽合德而爲精明也目者心之使也心者神之舍也故神精亂而不轉卒然見非常之處精神魂魄散不相得故曰惑也夫十二經脈三百六十五絡其血氣皆上走於面而走空竅其清陽氣上散於目而爲精其別氣走於耳而爲聽因心事煩冗飲食失節勞役過度致脾胃虛弱心火大盛則百脈沸騰血脈逆行邪害空竅天明則日月不明矣夫五臟六腑之精氣皆稟受於脾上貫於目脾者諸陰之首也目者血脈之宗也故脾虛則五臟之精氣皆失所司不能歸明於目矣心者君火也主人之神宜靜而安相火化行其令相火者包絡也主百脈皆榮於目既勞役運動勢乃妄行又因邪氣所并而損血脈故諸病生焉凡醫者不理脾胃及養血安神治標不治本是不明正理也

目赤

發熱惡熱而渴但目赤者病臟也手太陰肺不足不能管領陽氣也宜以枸杞生地黃熟地黃之類主之脈洪大甚則嘔血先有形也

陰盛陽虛以致目病

陽不勝其陰乃陰盛陽虛則九竅不通令青白瞤見於大眥乃足太陽少陰經中鬱遏足厥陰肝經氣不得上通於目故青白瞤內阻也當於太陽少陰經中九原之下以益肝中陽氣衝天上行此當先補其陽



後於足太陽太陰標中瀉足厥陰肝經火下伏於陽中乃次治也經云陰盛陽虛則當先補其陽後瀉其陰此治法是也每日清晨以腹中無宿食服補陽湯食遠服泄陰丸臨臥服連藥益陰丸若天色變經大寒大風并大勞役或飲食不調精神不足或氣弱俱不得服候體氣和平天氣如常服之先補其陽使陽氣上升通於肝經之末利空竅於眼目矣

能近視不能遠視

能近視不能遠視者陽氣不足陰氣有餘乃氣虛而血盛也血盛者陰火有餘也氣虛者元氣虛弱也此老人桑榆之象也

能遠視不能近視

能遠視不能近視者陽氣有餘陰氣不足也乃血虛氣盛血虛氣盛者皆火有餘元氣不足火者元氣穀氣真氣之賊也元氣之來也徐而和細如線邪氣之來也緊而強如巨川之流不可遏也

朱震亨心法

治目睛昏痛

眼黑睛有翳皆用黃蘗知母

眼睛痛知母黃蘗瀉腎火當歸養陰水

眼中風淚出食後吞龍薈丸數錢日三次

冬月眼暴發痛亦當解散不宜用涼藥

目昏屬血少神勞腎虛也宜養血補水安神以調之凡昏弱不欲視物內障見黑花瞳子散大皆裏病也眼疾所因不過虛實二者而已虛者眼目昏花腎經真水之微也實者眼目腫痛肝經風熱之甚也實則散其風熱虛則滋其真陰虛實相因則散熱滋陰兼之此內治之法也至於日久熱壅血凝而為攀睛癢肉瞖膜赤爛之類不假點洗外治之法則何由而得痊乎

大槩眼病屬風熱與血少神勞腎虛

危亦林得效方

氣輪

病因凌寒冒暑愛飲寒漿肌體虛疎寒邪入內其候或痛或昏傳在白睛筋多腫赤視日如隔霧看物似生煙日久不治變成白膜黑暗難開

風輪

病因喜怒不常作勞用心晝視遠物夜讀細書其候皆頭尤澀睛內偏疼視物不明胞弦緊急宜去風藥

肉輪

病因多食熱物好喫五辛遠道奔馳食飽耽眠風積痰壅其候眼胞赤腫昏蒙多淚倒睫澀痛瘀血侵睛宜疎風醒脾藥

血輪

病因七情煩勞內動於心外攻於目其候赤筋纏皆白膜侵睛胞腫難開昏澀日久不治失明愈深宜洗心涼血藥

水輪

病因勞役過度嗜慾無厭內傷七情加之多餐酒麪好啖鹹辛因動腎經通於黑水其候冷淚鎮流於瞼上飛蠅相趁於睛前積聚風虛或澀或痒結成腎障常多昏暗宜用補腎藥

天廓

病因雲中射鴈月下看書多食腥膻侵冒寒暑其候視物生烟皆疼難開不能辨認

地廓

病因濕漬頭上冷灌睛眸其候眼弦緊急瘀血生瘡

火廓

病因心神恐怖赤脈侵眥血灌瞳人其候瞼頭紅腫睛內偏疼熱淚如傾

水廓

病因勞力爭鬪擊棒開弓驟騎強力生病其候常多昏暗睛弦淚多

風廓

病因枕邊窻穴有風不能遮閉坐臥當之腦中風邪其候黑睛多痒兩臉常爛或昏多淚

雷廓

病因失枕睡臥酒後行房血脈滿溢風邪內聚其候皆頭赤腫臉內生瘡倒睫拳毛遮睛努肉

山廓

病因撞刺磕損致令肉生兩臉腎閉雙睛若不早治永沉昏暗瘀血侵睛

澤廓

病因春不宣解冬聚陽毒多餐熱物致令腦脂凝聚血淚攻潮有如霧籠飛蜂黑花常見

內障二十三證

內障有圓腎冰腎滑腎澀腎散腎橫開腎浮腎沉腎偃月腎棗花腎黃心腎黑花腎胎患五風變雷頭

風驚振綠風烏風黑風青風肝虛雀目高風雀目肝虛目暗

圓腎

在黑珠上一點圓日中見之差小陰處見之即大視物不明轉見黑花此由肝腎俱虛而得宜補肝散補

腎丸

冰腎

如冰凍堅實旁觀自透於瞳人內陰處及日中看之其形不同疼而淚出此肝膽病宜通肝散

滑腎

有如水銀珠子俱微含黃色不疼不痛無淚遮繞瞳人

澀腎

微如赤色或聚或開兩旁微光瞳人上如凝脂色時復澀痛無淚出

散腎

形如鱗點或臉下生粟日夜痛楚瞳人最疼常下熱淚此二證皆肝肺相傳宜八味還睛散

橫開腎

上橫如劍脊下面微微甚薄不赤不痛此病稀少

浮腎

上如水光白色環繞瞳人生自小皆頭至黑珠上不痛不痒無血色相潮

沉腎

白點藏在黑水下向日細視方見其白眼睛疼痛晝輕夜重間或出淚宜空青丸

偃月腎

膜如凝脂一邊厚一邊薄如缺月其色光白無瑕疵前四證並皆難治

棗花腎

周回如鋸齒四五枚相合赤色刺痛如鍼視物如烟晝則痛楚多淚昏暗

黃心腎

四邊皆白但中心一點黃團團在黑珠上時下澀淚此兩證肝肺風熱宜還睛散墜腎丸

黑花腎

其狀青色大小皆頭澀痛頻頻下淚口苦蓋膽受風寒宜涼膽丸

胎患

初生觀物轉睛不快至四五歲瞳人潔白昏蒙不見延至年高無藥可治由胎中受熱致損也

五風變

五色變為內障頭痛甚即無淚日中如坐暗室常自憂嘆此毒風腦熱所致

雷頭風

此熱毒之氣衝入眼睛中牽引瞳人或微或大或小黑暗全不見物

驚振

因病目再被撞打變成內障日夜疼痛不能視三光

綠風

初患頭旋兩額角相牽瞳人連鼻鬪皆痛或時紅白花起肝受熱則先左肺受熱則先右肝肺同病則齊發先服羚羊角散羚羊角丸後服還睛散

烏風

眼雖痒痛而頭不旋但漸漸昏暗如物遮定全無瞽障或時生花此肝有實熱宜瀉肝散

黑風

此與綠風相似但時時黑花起乃腎受風邪熱攻於眼宜涼腎散

青風

此眼不痛不痒瞳人儼然如不患者但微有頭旋及生花轉加昏蒙宜服還睛散

肝虛雀目

因肝虛血少時時花起或時頭疼年深則雙目盲小兒因疳得之宜蛤粉丸

高風雀目

與前證雖同但纔至黃昏便不見物經年瞳子如金色名曰黃風不治

肝虛目暗

遠視不明眼前花子頻起皆目赤痛有時看一成二宜補肝散

外障四十五證

外障有肝臟積熱混睛努肉攀睛兩臉粘睛膜入水輪釘腎根深黑腎如珠花腎白陷水瑕深腎玉腎浮滿順逆生腎鷄冠蜆肉瞼生風粟胞肉膠凝漏睛膿出蟹睛疼痛突起睛高風起喎偏倒睫拳毛風牽瞼出神崇疼痛旋螺尖起鵝眼凝睛轉關被物撞打撞刺生腎血灌瞳人眯目飛塵飛絲天行赤目赤眼後生腎胎風赤爛風赤瘡疾衝風淚出暴風客熱瞼硬睛痛痛如鍼刺痒極難任瞳人乾缺黃膜上衝赤膜下垂小眥赤脉小兒通睛小兒胎中生贅小兒青盲偷鍼

肝臟積熱

眼先患赤腫疼痛怕日羞明淚澀難開忽生翳膜初患一目不見以致兩目齊患此肝臟積熱宜石決明散

混睛

白睛先赤後癢痛淚下閉澀難開年深則睛變成碧色滿目如凝脂赤脈橫貫宜地黃散

努肉攀睛

或眼先赤爛多年肝經爲風熱所衝而成或用力作勞而得或癢或痛自兩眦頭努出筋膜心氣不甯憂慮不已遂乃攀睛宜二黃散定心丸

兩臉粘睛

此乃爛弦風也雙目赤爛或癢或痛經年不愈

膜入水輪

此因黑珠上生瘡稍安其痕不沒侵入水輪雖光未絕終亦難治

釘翳根深

心肝留熱致使眼疼痛生翳膜經久其色如銀釘入黑睛不可治

黑翳如珠

此起在黑水上如小黑豆疼痛淚出不可用點藥乃腎虛受風熱而得宜先服羚羊角散後服補腎丸

花翳白陷

白翳旋繞瞳人點點如花白鱗砌者此因肝肺伏藏積熱宜點磨腎膏後服羚羊角散

水瑕深腎

黑水內橫深瑕盤青色沉沉入痛楚無時此五臟俱受熱宜服清涼散

玉腎浮滿

黑珠上浮玉色不疼痛翳根不紅不宜鍼割但服還睛散點磨腎膏即愈

順逆生翳

凡腎自下生上者爲順自上而生下者爲逆順則易安逆則難治宜服車前散點磨腎膏

雞冠蜆肉

腎生瞼內如雞冠蜆肉或青或黑須翻出看之阻碍痛楚怕日羞明蓋脾經先受熱後有所傳宜服石決明散

瞼生風粟

兩瞼上下初生如粟米大漸大如米粒或赤或白不甚疼痛此肝壅瘀血所成宜服消毒飲

胞肉膠凝

眼胞皮肉有似膠凝腫高如桃李時出熱淚乃風毒所注宜服消風散點花草膏

漏睛膿出

背頭結聚生瘡流出膿汁無腎障不疼痛因心氣不甯并風熱在瞼中宜白薇丸

蟹睛疼痛

如大豆子出黑珠上疼痛不可忍又名損腎宜石決明散

突起睛高

風毒流注五臟不能消散忽然突起癢痛乃熱極所致宜瀉肝散

風起喎偏

偏風牽引雙目喎斜淚出頻頻却無腎膜不癢不痛宜消風散荆芥湯調下或蟬花無比散

倒睫拳毛

淚出涓涓腎膜漸生眼皮漸急睫倒難開瞳人如刺樣痛此脾受風熱先服瀉肝散後服五退散

風牽瞼出

上下瞼俱赤或翻出一瞼在外此脾受風毒宜五退散若年深瞼內俱赤則不治

神祟疼痛

舊無根因忽然疼痛或如鍼刺或如火炙兩太陽穴掣痛早輕晚重先宜永福湯次服石決明散

旋螺尖起

目痛生翳膜尖起而赤似旋螺先服通肝散次服石決明散

鵠眼凝睛

輪硬而不能轉側此為鵠眼凝睛不可治

轆轤轉關

睛藏上下瞼不能歸中所以言之為轆轤也亦難治宜服天門冬飲子及瀉肝散

被物撞打

日被撞打疼痛無時瞳人被驚昏暗濛濛眼睚停留瘀血宜貼地黃膏次服石決明散

撞刺生翳

因撞刺生翳疼痛或兼風熱轉加痛楚昏暗不見宜先服經效散次服石決明散

血灌瞳人

瞳人為血灌注痛如錐刺皆無翳膜視物不明由肝氣閉血無所歸而得宜引血歸肝服通血丸車前散

眯目飛塵飛絲

塵埃入目粘睛不脫或被飛絲所侵或被砂石所苦疼痛隱澀揩擦不開宜用瞿麥散

天行赤目

目忽赤腫晨昏痛澀長幼相似此天行時疾宜服瀉肝散洗以五行湯

赤眼後生翳

此證輕則無妨重則疼痛而白睛紅色乃生翳膜此由五臟積熱宜貼地黃膏次服瀉肝散

胎風赤爛

小兒初生便有此證至三四歲雙目紅而弦邊赤爛時復癢痛先用湯泡消風散洗之後以龍腦膏點之

風赤瘡疾

眼兩瞼似朱砂塗而生瘡黑睛端然無所染此因脾臟風熱久不調治則生翳膜宜服五退散洗以湯泡



散

衝風淚出

至冬月尤甚此因肺虛遇風冷而發宜白殭蠶散

暴風客熱

眼為暴風熱所攻白睛起障覆黑珠驗腫癢痛宜服瀉肝散清肺散

驗硬睛痛

驗中紅赤而堅硬眼睛疼痛而淚出怕日羞明宜通肝散若有腎障點春雪膏

痛如鍼刺

睛忽然疼痛如鍼刺雙目根緊急坐臥不安此熱毒在心宜先服洗心散次服還睛散

癢極難任

眼癢極甚瞳子連眦頭皆癢不能收驗此因膽受風熱得之宜服驅風一字散

瞳人乾缺

眼睛乾澀全無淚液始則疼痛後來稍定或白或黑不見物此證不可治

黃膜上衝

黑睛從下生黃膜上衝疼痛甚至閉澀難開此脾受風食毒而作宜服犀角飲

赤膜下垂

眼中有膜自上垂下遮黑睛名垂簾膜望風淚出怕日羞明此客邪上衝用百點膏點之次服通肝散

小眥赤脈

小眥中生赤脈漸漸衝眼急宜早治此三焦積熱宜服犀角飲忌熱毒物及房事

小兒通睛

嬰兒雙眼睛通者欲觀東邊則見西邊苦振掉頭腦則睛方轉此肝受驚風宜服牛黃丸

小兒胎中生贅

眼瞼中生贅子初生如麻子大月漸如豆懸垂瞼內此脾經風熱所攻宜服五退散加減

小兒青盲

胎中受風五臟不和嘔吐黃汁兩眼一同視物不明無治法

偷鍼

目眥瘍俗謂之偷鍼眼眥生小胞細紅點如瘡以鍼刺破即差

眼病禁忌

酒色七情最宜痛斷一凡眼疾忌雞魚酒麵糯米鹹酸熱油諸般毒物眼乃一身之主不能忌口藥亦無功自陷此身也每日白煮精猪肉嚙飯或山藥蘿蔔菜果皆可啖

氣虛光散

凡眼疼痛不生糞此元氣憊腎經虛夜間小便二三次耗傷陽氣致生內障或腦脂流下或瞳人開大此皆腎憊黑水散也宜服八味丸或十全大補湯加枸杞子甘菊

羞明怕日

眼不得開羞明怕日乃風熱牽閉所致芎芷香蘇散加前胡連翹葱白三莖煎服

眼生眵糞

凡眼有血紅或有紅絲及生糞此是熱眼宜服經效散

眼不明

五臟精明聚於目目精全則目明

明戴思恭證治要訣

眼證類治

眼病不一爛汙惡日羞明腎膜澀痛雀目韜針內外障等證難以枚舉今特舉赤眼數種患眼者不問遠年近月有上諸證並可用四物湯下生熟地黃丸傳洗之劑當求之專科四物湯加入蒸熟大黃一塊如粟子大尤妙

有久視損目肝血不足以致見物不明眼中常見煙焰起此當益血宜生熟地黃丸  
有因茹素致目少光或成雀目蓋食能生精虧之則目無所資而減明

眼疾諸證醫家多用治眼流氣飲此則專門之業也尋常赤眼用黃連碾末先用大菜頭一箇切了蓋剗  
中心作一竅入連末在內復以蓋遮住竹簽簽定慢火內煨熟取出候冷以菜頭中水滴入眼中

赤眼有數種氣毒赤者熱壅赤者有時眼赤者無非血壅肝經所致蓋肝主血通竅於眼赤眼之病大率  
皆由於肝並黑神散消風散等分白湯調食後睡時服仍用豆腐切片傅其上鹽就者可用酸漿者不可  
用卽烏豆傅盪之意

風熱赤甚者於黑神散消風散二藥中放冷睡時冷調洗肝散或菊花散服仍進四物湯內地黃用生芍  
藥用赤只須半貼食後作一服却加入赤茯苓半錢醉將軍卽酒蒸大黃是也早晨鹽湯下養正丹二三  
十粒

若不便於過涼之劑則不必用洗肝散宜以二錢黑神散一錢消風散

若赤眼久而不愈用諸眼藥皆無效早起則以蘇子降氣湯下黑錫丹臨睡則以消風散下三黃丸日中  
則以酒調黑神散此數藥不獨治久赤諸眼疾皆治之

若眼暈生花則屬肝虛宜隨證用補肝益腎之劑

或正坐他病以致眼花合就其所得之病隨證施治之

又有氣眼纒怒氣則赤痛宜服酒調復元通氣散

又有頭風眼偏正頭痛眼不可開多淚羞明宜決明散

### 眼眶骨痛

痛有二證眼屬肝有肝虛而痛纔見光明則眼眶骨痛甚宜生熟地黃丸又有肝經停飲一證發則眉稜骨  
痛眼不可開晝靜夜劇宜導痰飲或芎藭湯去茶芽或一陳湯吞青州白丸子

樓英醫學綱目

### 目總論

經云瞳子黑眼法於陰白眼赤脈法於陽故陰陽合傳而精明此則眼具陰陽也又曰五臟六腑之精氣皆上注於目而爲之精精之窠爲眼骨之精爲瞳子筋之精爲黑眼血之精爲絡其窠氣之精爲白眼肌肉之精爲約束裹擷筋骨氣血之精而與脈并爲系上屬於腦後出於項中此則眼具五臟六腑也後世以內外皆屬心上下兩臉屬脾白眼屬肺黑眼屬肝瞳子屬腎論之五輪蓋本諸此也又有八廓之說無義無據今刪之不入焉

臟腑主目有二一曰肝經云東方青色入通於肝開竅於目藏精於肝又云人臥血歸於肝肝受血而能視又云肝氣通於目肝和則目能辨五色也

二曰心經云心合脈諸脈者皆屬於目是也至東垣又推之而及於脾人乳汁治目中功多何也人心主血肝藏血肝受血則能視蓋水入於經其血乃成又曰上則爲乳汁下則爲月水故知乳汁卽血也用以點目豈不相宜哉

### 通治眼病

誠哉河間之言也目盲耳聾鼻不聞臭舌不知味手足不能運用者皆由其元府閉塞而神氣出入升降之道路不通利故先賢治目昏花如羊肝丸用羊肝引黃連等藥入肝解肝中諸鬱蓋肝主目肝中鬱解則目之元府通利而明矣故黃連之類解熱鬱也椒目之類解濕鬱也羌蔚之類解氣鬱也芎歸之類解血鬱也木賊之類解積鬱也羌活之類解經鬱也磁石之類解頭目鬱墜邪氣使下降也蔓菁子下氣通中理亦同也凡此諸劑皆治氣血鬱結目昏之法而河間之言信不誣矣至於東垣丹溪治目昏用參芪補血氣亦能明者又必有說通之蓋目主氣血氣血盛則元府得利出入升降而明虛則元府無以出入升降而昏此則必用參芪四物等劑助氣血運行而明也

### 楞緊瞳散

陽主散陽虛則眼楞緊急而爲倒睫拳毛陰主斂陰虛不斂則瞳子散大而爲目昏眼花故東垣治眼楞緊急用參芪補氣爲君佐以辛味疏散之品而忌芍藥五味子酸收之類是也治瞳子散大用地黃補血爲君佐以酸味收斂之品而忌羌蔚子青葙子之類是也

腎主骨之精爲瞳子散大者因腎水虛骨枯而心包絡之火得以乘之也  
熟地黃丸治血弱氣虛不能養心致火旺於陰分瞳子散大少陰爲火君主無爲不行其令相火代之與  
心包絡之脈出心系分爲三道少陽相火之體無形其用在其中矣火盛則能令母實乙木肝旺是也其  
心之脈挾目系肝之脈連目系况手足少陽之脈同出耳中至耳上角斜起終於目外小眚風熱之盛亦  
從此道來上攻頭目致偏頭腫悶瞳子散大視物昏花血虛陰弱故也法當養血涼血益血收火散火而  
除風熱則愈矣

### 內障

內障在睛裏昏暗與不患之眼相似唯瞳人裏隱隱青白者無隱隱青白者亦有之

內障先患一目次第相引兩目俱損者皆有腎在黑暗內遮瞳子而然今詳通黑暗之脈者目系也目系  
屬足厥陰足太陽手少陰三經蓋此三經臟腑中虛則邪乘虛入經中鬱結從目系入黑暗內爲腎龍木  
論所謂腦脂流下作瞽者卽足太陽之邪也所謂肝氣衝上成瞽者卽足厥陰之邪也故治法以針言之  
則當取三經之腧穴如天柱風府太衝通里等穴是也其有手巧心審諦者能用針於黑眼裏撥其瞽爲  
效尤捷也以藥言之則當補中疏通此三經之鬱結使邪不入目系而愈

飲食不節勞傷形體脾胃不足內障眼病宜人參補胃湯益氣聰明湯圓明內障升麻湯復明散右四方  
治目不明皆氣虛而未脫故可與參芪中微加連藥苦氣既脫則黃蘗等涼劑不可施經云陽氣者煩勞  
則張精絕目盲不可以視耳閉不可以聽之類是其證也

### 外障

在睛外  
遮暗

經云診目痛赤脈從上下者太陽病從下上者陽明病從外走內者少陽病按此論表裏之瞽明矣用以  
治證如鼓應桴也

凡赤脈瞽初從上而下者屬太陽以太陽主表其病必連眉稜骨或腦項痛或半邊頭腫痛是也治法宜  
溫之散之溫則臘茶鹽川附等分煎服立愈古人嘗以此證用川附一錢作一服隨愈然則簡要夏枯散  
東垣選奇湯之類是也

赤脈腎初從下而上者或從內眥出外者皆屬陽明以陽明主裏其證多熱或便實是也治法宜下之寒之下則局方流氣飲溫白丸加黃蘗黃連錢氏瀉青丸之類累用累驗寒則一味黃連羊肝丸之類也

### 目赤

運氣目赤有三一曰風助火鬱於上經云少陰司天之政二之氣陽氣布風乃行寒氣時至民病目瞑目赤氣鬱於上而熱又云少陽司天之政初之氣風勝乃淫候乃大溫民病氣拂於上目赤是也

二曰火盛經曰火太過曰赫曦赫曦之紀民病目赤又云火鬱之發民病目赤心熱又曰少陽司天之政三之氣炎暑至目赤又云少陽之勝目赤是也

三曰燥邪傷肝經云歲金太過燥氣流行民病目赤又曰陽明司天燥氣下臨肝氣上從脇痛目赤是也

### 目昏

運氣目昏有四一曰風熱經云少陰司天之政風熱叅布雲物沸騰太陰橫流寒時至往復之作民病聾瞑此風熱叅布目昏也

二曰熱經云少陰在泉熱淫所勝病目瞑治以鹹寒此熱勝目昏也

三曰風又云歲水不及濕乃大行復則大風暴發目視眈眈此風勝目昏也

四曰燥經云陽明司天燥淫所勝目昧眥瘍治以苦熱是也

### 腎膜

腎膜者風熱重則有之或斑痘後亦生腎此肝氣盛而發在表也宜發散而去之若反疏利則邪氣內蓄爲腎益深邪氣未定謂之熱腎而浮邪氣已定謂之冰腎而沉邪氣牢而深者謂之陷腎當用熅發之物使其邪氣再動腎膜乃浮佐之以退腎之藥而能自去也病久者不能速效宜以歲月除之

新腎所生宜表散羌活退腎湯血虛有熱宜神仙退雲丸若冰腎久不去宜羚羊角散欲熅發陷腎亦羚羊角散兼服神仙退雲丸

### 倒睫拳毛

倒睫拳毛卽眼睫毛倒入眼中央由目緊急皮縮之所致也蓋伏熱內攻陰氣外行當去其內熱并火邪

使眼皮緩則毛立出醫自退用手法攀出內瞼向外刺以三稜鍼出熱血以左爪甲迎住鍼鋒立愈  
赤爛

目眵赤爛歲久俗呼爲赤睛是也當以三稜鍼刺目眵外以瀉濕熱即愈

爛弦風者風沿眼系上有積熱自飲食中挾怒氣而成積而久也眼沿因膿潰而腫其中生細小蟲遂年久不愈而多癢者是也用還睛紫金丹以銀釵股點之若癢者又當去蟲以絕根本又與防風通聖散去硝黃爲細末酒拌曬乾依法服之禁諸厚味

### 讀書損目

內經曰目得血而能視然久視傷血亦能損目

久視傷血血主肝故勤書則傷肝肝傷則風熱自生熱氣上騰致目昏不可專服補藥宜服益血鎮肝明目藥自愈宜服地黃丸

### 直視

直視者視物而目睛不轉動者是也若目睛動者非直視也傷寒直視者邪氣壅盛臟腑之氣不上榮於目則爲之直視多難治衄家不可發汗發汗則目直視不能瞬不能瞬猶未甚也逮狂言及目直視搖頭皆臟腑氣衰絕也即死

### 肝虛雀目

雀目者日落即不見物也此屬肝虛

### 李梴醫學入門

### 眼分表裏

外因風中腦戶濕漬頭上熱逼冷灌瞳中或久處煙火或食後向火或醉後失枕血滯痰壅或冒砂塵或撞刺仆損湯泡火燒皆傷目之標內因五辛炙燂酒麪濕熱痰火房室損精勞役傷氣泣涕刺頭傷血暴喜暴怒暴驚極目遠視夜書細字鏤刻博奕傷神皆傷目之本初起在腑爲表當除風散熱久則入臟爲裏當養血安神然內因初即入裏外因久亦帶表宜詳悟之

五輪八廓

表證多屬三陽部分裏證多屬三陰部分要知以肝為主表裏虛實不通五行生尅之理八廓不必深泥舊設七十二證今纂註於內更不重複俾便覽焉

白屬肺烏珠屬肝

白屬肺氣之精曰氣輪氣證七情氣滯則血凝紅膜薄如傘紙日久變成白膜者難治

熱證白睛潤濕浮而赤腫筋多重者生紅花腎痛澀有淚年深睛變碧色滿目如凝脂赤絡橫直如絲宜四物湯去芎換土當歸加甘草

虛證白睛枯槁氣沉而濁

烏珠屬肝筋之精曰風輪風證睛閃兩臉不歸中如轆轤轉關難治

熱證赤暈浮聚重者烏珠忽然如針刺痛雙目緊急或突出豆許如蟹睛者忌點或生腎似旋螺尖突起或周圍生翳如鋸齒如棗花四五枚相合赤色刺痛或生腎四邊皆白中間一點黃心或生腎如玉色浮

滿不痛者忌針割或生青色腎兩眦澀痛或腎如冰色堅實旁觀逼透瞳人

虛證輕者枯黃遠睛重者烏珠上一點圓腎日中見之差小陰處見之差大或一點黑腎如小豆疼痛淚出者忌點又肝虛雀目曉明晚暗乃所稟血虛有火也年深則盲黃風雀目者火衰土盛終當變黃脹而

死宜平胃散以平土氣四物湯以補肝虛經年瞳子色如金者不治

不治之證如生腎上橫如劍脊下面微微甚薄不赤不痛或浮腎如水光白色環遠瞳人初生自小眦頭至烏珠上不痛癢無血色相潮或如凝脂一邊厚一邊薄如缺月色光無瑕或生腎經年如銀釘釘入烏

珠或因他病生腎初甚微後遍睛俱白

內外眦屬心與小腸

內眦屬心外眦屬小腸血之精曰血輪熱證輕者赤脈纏眦重者赤脈漸漸侵睛或眦頭結聚生瘡流出膿汁涎水粘睛上下乃風熱留驗中宜白薇丸

氣證努肉攀睛或先赤爛多年肝熱所衝或用力作勞有傷肝氣而成或痛或癢兩眦努出心氣不甯憂



思不已遂乃攀睛或起筋膜宜大黃黃芩防風薄荷等分入蜜煎服或定心丸

上下胞屬胃與脾

肉之精曰肉輪又上胞臉內銳眥係足太陽經脈

風證輕者胞弦緊急重者上下臉似殊塗而生瘡久則生翳乃風熱也或眼皮有如膠凝腫似桃李時出熱淚乃風毒也宜點花草膏又爛弦風癢甚雙手揩揉日久兩臉赤爛粘滯經年不安宜三稜針刺目眶外以瀉濕熱內服消風散桑白皮煎湯調服又倒睫拳毛淚出涓涓腎膜漸生乍愈乍發經年不安眼皮漸急如針刺痛瞳人不安乃脾受風熱當去內熱退火邪令眼皮緩則毛出腎退外用手法翻內臉向外以三稜針橫刺用左手爪迎其針鋒出血再用木髓子搗爛綿包成條左患塞右右患塞左鼻中其毛自分先宜瀉肝散後服五退散又上下臉俱翻出或一臉翻出在外乃脾風熱也

熱證輕者臉紅赤硬睛疼淚出羞明重者兩臉上下初生如粟漸大如米或赤或白不甚疼痛堅硬乃肝壅瘀血也宜加味荊黃湯又臉内生如雞冠蜆肉或青或黑阻碍睛痛乃脾風熱也須翻出看之用觀音草每日輕輕刮去毫釐血出用金匙挑洗風毒藥水按而止之刮後不時將藥水點入則不復腫

瞳子屬腎水

骨之精曰水輪虛證瞳人散大視物不真火盛則瞳人焦黃虛冷則瞳人青綠少勞則痛

熱證瞳人內湧輕者如不患眼人但微有頭旋生花或勞力轉加昏蒙或頭旋相牽瞳人連鼻腦皆痛時起紅白或黑花吐逆肝熱則先左肺熱則先右肝肺熱則左右齊發重則生翳瞳人上如凝脂色澀痛無淚或滑腎如水銀珠子微含黃色遮繞瞳人或散腎形如魚鱗點或臉下起粟子而爛瞳人痛甚又白腎旋繞瞳人點點如白花鱗砌皆肝肺相傳風熱也又黑水上橫深瑕盤青色沉沉深入痛甚乃五臟風熱也或血灌瞳人無腎其痛如刺乃肝血無歸宜通血丸又瞳人被物撞打驚痛昏暗眼眶停留瘀血宜貼地黃膏次服決明散如撞刺生翳經久復被物撞轉加昏暗者難治經效散救之又飛絲沙塵入眼瞳人不安單瞿麥爲末鵝涎調敷或新筆蘸京墨點之又湯泡火燒腫痛者不可用冷藥即點待一日後以五行湯溫煖洗地黃膏敷之

風證則瞳人青或瞳人連眦頭皆癢不能收驗乃膽受風熱宜防風一字散  
不治證瞳人乾缺痛澀無淚或白藏在黑水下向日細視方見或兩眼相傳疼痛早輕夜重或內障五色  
相間頭痛無淚日中如坐暗室或雷頭風熱毒氣衝入睛中牽引瞳人或微或大不見

八廓寄位

乾為天廓位兩邊白睛中間屬肺與大腸坎為水廓位瞳子屬腎艮為山廓位神光屬膽震為雷廓位白  
睛上截向小眦屬小腸巽為風廓位烏珠瞳人外屬肝離為火廓位大小眦屬心與命門坤為地廓位上  
下瞼屬脾胃兌為澤廓位白睛下截向大眦屬膀胱

婦人小兒

婦人活血為主有孕忌用麝點小兒眼患多是胎毒及食毒內服敗毒散外洗解毒湯切忌鉞鎌針灸  
小兒初生胎風雙目紅而眦邊赤爛至三四歲不愈宜消風散桑白皮煎湯下又小兒通睛欲觀東邊則  
見西畔若振掉頭腦則睛方轉此肝受驚風宜牛黃丸又小兒眼胞患斑瘡熱氣衝透睛中疼痛淚出醫  
如銀片腫澀難開宜柴胡散神醫散又小兒瞼中初生如麻仁日漸如豆懸垂瞼內乃風熱攻脾宜五退  
散加減又小兒疳眼初起澀癢久生瘡腎腫痛乃肝風所衝或痢後虛熱上攻者俱忌點宜還睛散  
小兒不治證胎中受風五臟不和嘔吐黃汁兩睛青盲不明及初生視物近看轉睛不快至四五歲瞳人  
結白昏蒙不見

暴赤腫痛澀癢

或飲食積熱或天行赤日長幼相似或傷寒後餘熱以致血熱痰壅則目暴赤腫痛為熱痒為風澀為毒  
不可概用涼藥因成內障亦不可誤用溫藥助熱致令昏澀眵淚努肉攀睛等證以成外障決明散主之  
又有睡覺目赤腫良久無事者血復散於四肢也宜地黃粥又或讀書鉞刺過度而痛者名曰肝勞但須  
閉目調護又中惡祟卒痛如鍼刺或如火炙及太陽穴痛早輕夜重宜決明散

醫膜眩昏屬表

暴赤後熱流肺經輕則矇朧而已稍重則生雲膜如黃膜從下生而上衝黑睛痛澀難開乃脾受風食毒

可治如赤膜從上生下遮覆黑睛名垂簾膜乃客熱上衝也難治又重則生翳障狀如珍珠碎米紅色自下而上者易治狀如梅花葉白綠自上而下者難治治法宜先去翳而後清熱若先去熱則翳難去眵淚熱而交流兩臉赤者屬肝熱之甚食後吞當歸龍薈丸肝虛客熱迎風冷淚者歸葵湯木賊散

眵淚熱而交流兩臉赤者屬肝熱之甚或衝風淚出由熱甚而水化制之也又肺受風寒遇風冷則流淚尤甚者白殭蠶散風淚不止食後吞當歸龍薈丸數粒

自昏者熱鬱也甚則白日無所見故傷寒熱極則目盲而不識人目昏者至近則轉難辨物或視如隔簾如蠅翅或見黑花皆目之元府閉密榮衛精神不能升降也若患風疹者必多眼暗攻其風則暗自去夫脾家受毒則眼白亦腫神勞則眼睛亦痛心熱則血灌瞳人傷風則淚亦出虛煩則眼亦昏勞力則眵亦赤生瘡乃風熱侵肺黃乃酒傷於脾最宜活變

### 昏昧羞明

上虛屬肝虛必頭運日眩耳聾下虛屬腎虛必眼花睛痛耳鳴若昏花者傷氣昏暗者傷血熱證亦有羞明怕日但內虛全不敢近陽光

### 內障黑花瞳人散杏

黑花者腎虛也五色花為腎虛客熱青花膽虛紅花火盛散杏者瞳人散大視物杳冥也

內障昏朦外無翳膜因腦脂下凝烏珠轉白或如金色或菜豆色或如雲煙或見五色治比外障更難如腦脂凝結瞳人反背者不治

### 近視陰虛遠視陽虛

能近視不能遠視者看一成二屬肝腎虛宜腎氣丸地芝丸或加降火之劑能遠視不能近視者屬心虛宜定心丸

### 冷淚睛疼

有肝虛客熱迎風冷淚者歸葵湯古木賊散  
睛疼有火者滋腎丸無火杞苓丸

外因風熱濕痰

外因風則胞白兩眼拘急牽引喝斜癢而清淚肝風毒菊花散腎風毒白疾藜散明目流氣飲撥雲散白  
殭蠶散防風一字散犀角飲選用

熱則珠突胞硬腫紅刺痛洗肝散洗心散還睛散通肝散瀉肝散決明散羚羊角散蔓荊散加味荊黃散  
瀉青丸涼膽丸墜醫丸選用

濕則食減身倦地氣冒明如雲霧掩日或忽然不見或略見不明宜鹽朮散單蒼朮膏濕熱甚者神芎丸  
暴寒則目瞶不明皆熱所爲也人參敗毒散疼者升麻葛根湯歷考眼科無寒而有虛豈寒澀血而不土  
攻耶挾痰者則痛甚宜小省風湯南星丸

內傷氣血

內傷七情氣壅朦朧胞腫而輭酸澀微赤木香流氣飲加川芎疾藜風與氣搏癢澀渾多淚者羌活石膏  
散因過思勞神大志丸育神夜光丸因驚恐者定心丸因怒者當歸龍薈丸

內傷飲食勞倦損陷胃氣火盛血脈沸騰益氣聰明湯磁砂丸還睛丸氣弱甚者單人參膏補中益氣湯  
如脾胃熱兼有宿食者秦艽大黃爲末沙糖調服利之脾胃濕傷內外障者椒目丸鹽朮散傷熱酒胃氣  
污濁血死目盲者蘇木煎湯調人參末連鼻與手掌紫黑者四物湯加桃仁紅花蘇木煎湯調人參末服  
內傷色慾腎氣虛者補腎丸腎精虛者益陰腎氣丸肝血虛者養肝丸生熟地黃丸肝腎虛者駐景丸  
夫五臟六腑精華皆稟於脾注於目故理脾胃則氣上升而神清也又肝之系雖總於目而照徹光彩實  
腎精心神所主故補精氣安神者乃治眼之本也

風熱兼虛

熱爲風冷所乘則眼中不赤而弦赤爛風與熱并則內外浮赤而癢甚大槩表病肥人多風熱防風黃芩  
瀉火爲君黃連當歸養血爲臣升柴白芷消腫止痛爲使白睛紅者加白豆蔻少許瘦人血虛宜四物龍  
膽湯或加羌活蔓荊荊芥元參山梔仁菊花爲佐

裏證肥人多風虛防風一字散四生散補肝散還睛丸瘦人血虛挾風通血丸明目地黃丸滋陰地黃丸

熟地黃丸通用羊肝丸久甚者退腎丸活命羊肝丸

眼病惟火

眼不過虛實而已白輪變赤火乘肺也肉輪赤腫火乘脾也黑珠五色花腎腎虛火也神光青睛被腎肝虛火也赤脈瘀血貫目澀痛心火自甚也故童子水在上則視明瞭老人火在上則視昏眊實火氣有餘宜前風熱藥中加枳殼杏仁以破氣虛火血不足宜前養陰藥中加知母黃蘗以降火黑睛有腎者倍之蓋散有餘之火在於破氣降不足之火在於養陰

陽衰宜溫

勞慾過度或涼藥過多致渾身手足麻木九竅不利兩目緊急青白腎見大眚視物無力者宜補陽湯黃芪湯或加黃蘗或菊睛丸經曰壯水之源以鎮陽光滋陰是也益火之主以消陰腎養陽是也今人不分陰陽專以龍腦辛香石藥搽點而不知辛散損明也

點洗宜慎

凡暴赤腫血壅氣凝者一時連點三五次亦可如氣血稍虛者宜服藥以塞其源藥水洗之生有雲膜方可用點若無翳膜縱久但可洗之却忌過用涼藥冷水洗血眼化爲水至於針刀火烙古人忌用惟太陽經熱生偷針痣可刺去血如爛翳用茜草根燒灰燈心草蘸點之須臾大痛以百節草刮去他如金針撥轉瞳人等法另是一家傳授

陽湖陳以真璞卿初校  
上元許達璋耀南覆校